


АЛЕКСАНДР РЕКЕМЧУК



АСЛАД-СӨМЫН
СЬӨЛӨМЫД



АЛЕКСАНДР
РЕКЕМЧУК

089



АСЛАД-СÖМЫН
СЬÖЛÖМЫД

Повесть да висътьяс

Коми книжной издательство
Сыктывкар — 1962

P 2
P 36

Александр Евсеевич Рекемчук чужис 1927 вося декабрь 25 луно Одесса карын.

1946 воын сийо пыро велодчыны А. М. Горький нима литературной институто. Первой курс помалом борын сийос ыстоны творческой практика выло Коми АССР-о. 1947 восянь сийо уджало «За новый Север» (они «Красное знамя») республиканской газет редакцияын литсотрудникон, культура отделон заведуйтысьон, сэсся Ухта карын — собственной корреспондентон.

Тайо кад чожон А. Рекемчук заочно велодчо литературной институтын да помало сийос 1952 воын. Газетын уджалогон том писатель гижо уна висътыяс да очеркъяс. 1956 воын Коми книжной издательство лэдзо Рекемчуклон висътыяслысь медводдза сборник «Стужа», а кык во мысти — 1958 воын — документальной повесть «Двойное дно» да мод сборник «Берега», кони висътыяслысь кындзи воли печатайторма писательлысь медводдза повесть «Все впереди». Тайо жо воясас писательлысь уна висътыяс печатайтоны «Огонек», «Смена», «Звезда» да мукод центральной журналыяс. 1957 воын «Огонек» журналын, а сэсся журналыслы приложениеон «Все впереди» повесть петоторья изданиеон.

1958—59 воясын писатель гижо виль повесть «Время летних отпусков», кодос сийома мян республикаса нефтяникъяслы. 1959 воын жо повестьыс пето «Знамя» журналын да «Роман-газетаын», а сэсся «Советской писатель» издательстволон ленинградса отделение лэдзо тайо повесть нимнас писательлысь сборник. «Время летних отпусков» повестьо экранизируйторма «Мосфильм» киностудияын. 1961 воын А. Е. Рекемчук йозодис «Знамя» журналын виль повесть «Молодовелено», кодос сийома мян том йозлы.

А. Е. Рекемчуклысь произведениеяссö вуджөдöма румынскöй, словацкöй, английскöй, французскöй, шведскöй да мукöд иностраннöй кывъяс вылö.

«Аслад — сöмын сьölöмыд» — документальнöй повесть. Тайö повестьыслы подувнас лоисны Великöй отечественнöй войнадырся архивнöй материалъяс, а сідз жö казтылöмъяс налön, кодъяс асьныс участвуйтисны тайö событиенас либö аддзылісны найöс. Произведениеын висътавсьö сы йылысь, кызди бдительнöй да мужественнöй сöветскöй йöз ордiсны гитлеровецъяслысь опаснöй диверсионнöй операция, кодöс найö көйсисны нуöдны Сöветскöй страналön пыдi тылын, Коми АССР-ын.

Тайö повесть кызди книгаын печатайтöма «Льöм пу розъяс», «Виччысигön», «Нэмъяс, нэмъяс», «Аким оз шыась» висътъяс, кодъясын автор петкөдлö республикаса труженикъяслысь олöмсö, бытсö, налысь вылын моральнöй качествосö.

Александр Евсеевич Рекемчуклön произведениеясыс петöны коми кыв вылын первойысь.

Повестьсö да висътъяссö коми кыв вылö вуджөдöма неуна дженъдөдöмön.



Аслад-сөмын,
сөөлөмүсү

Приказ эм приказ

Радист кисө эз вештыв передатчик ключ
вылысь.

— Б7 — Б7!.. Ме — РД-68, ме — РД-
68... Вочавидзөй. Приём...

Сийө кытчөкө видзөдіс бокө, и сы синъяс
серти позьө вөлі гөгөрвоны, кутшөм сюся ра-
дист кывзисис быд гөгөрвотөм шыө, кодъяс
кылісны наушникъясын.

И бара лихорадкаөн тіралысь морзянка
аппаратыс моз жө тэрыба кутісны вөрны
киясыс:

— Б7 — Б7... Ме — РД-68...

Радист вөлі виль красноармейскөй гимна-

стёркаа. Но погонъяс пыддиыс, кодъясös не-
важөн заводитисны новлыны Советскöй Ар-
мияын, гимнастёркасö мичмөдисны отложнöй
воротник бердас öкуратнöя вурөм алöй пет-
лицаяс. Интендантъяслы, дерт, регыдъя ка-
дөн сьöкыд пасьтөдны став уна миллион лыда
армияös выль формаа паськөмөн...

Радистысь кындзи, палаткаын вöлины офи-
церскöй формаа да штатскöй паськөма ещö
некымын морт. Найö сідзжö тöждысьöмөн
виччысисны.

— Б7 — Б7...

Брезент палатка ортсыын, войвыв парма-
ын, вöли чöv-лөнъ. Сöмын корсюрö ылькнит-
ліс вильшасьысь төв, и сэки, көнкө вылын,
заводитлісны дзуртны пожөмъяс. Бокынджык,
полігтыр, букөстлывліс төдтөм лэбач...

Радистлөн синъясыс друг югнитлісны. Сійö
босьтис карандаш, видзөдліс сы мышкын су-
лалысь йөз вылө, довкнитис налы юрнас.

Б7 — Б7, медбöрын, шыасис.

Радист тэрыба корсис секретнöй кодысь*
колана места да кутис таркөдны-передайтны
ключнас:

«Юөрта. «Пöла крест» пунктын десант чеч-
чөдöма бура. Ставыс лючки-ладнö. Дыр эгö
вермöй йитчыны техническöй помкаяс вöсна.
Кутшөмөсь лоöны индөдъяс?»

«Виччысьöй. Юөртам», — вочавидзис Б7—Б7.

«Қор виччысьны мөд десант?» — юалис ра-
дист.

«Виччысьöй. Юөртам», — вочавидзис Б7—Б7.

* Код — условнöй обозначениеяслөн система, список.

Радиосвязь ори. Радист шыбитіс каран-
дашсө, юр вывсьыс мудзпырысь босьтіс науш-
никъяссө.

— Тшөктісны виччысьны,— шуис сійө йөз-
ыслы, кодъяс вөліны палаткаынөсь.

— Мый нө, приказ эм приказ,— пемыдгөрд
костюма, кызіник, олөма морт лэптыштліс
пельпомъяссө.— Кутам виччысьны. Вензыны
та кузя нинөмла...

Вензыны та кузя вөлі, збыль, нинөмла, сы
вөсна мый Б7—Б7 позывнөйясыс вөліны гер-
манскөй армияса разведывательнөй штаблөн.
Германскөй разведкакөд тайө сөрниис нуөд-
сис Коми АССР территория вывсянь, Ухта
юйывса пармасынь.

Тайө вөлі 1943 вося июнь төлысьын.

Быд пуля — враглы

Граната грымкнитіс дзик дзот амбразура
водзын.

Александр Доронин уси джоджас, тыртіс
сійөс муөн. Сійө чышкыштіс синъяссө да ад-
дзис: сержант Гришин кинас кутчысьөма
ссыліас, а чуньяс костөдыс сьлөн визувтө
вир. Сьөкыд телөис ньөжйөник шлювдіс-лэч-
чис увлань...

Сержант весьтө копыртчис лекпом. Доро-
нин друг думыштіс, мый сійө өнөдз на оз төд
лекпомыслысь овсө, оз төд, кызди сійөс шуө-
ны. Пыр — «лекпом», «лекпом»...

И сійө боецсө, коді өні винтовка магазинас
обоймаысь зіля йөткәлө патронъяс, оз жө төд
ов сертиис. Но Доронин бура төдө, мый боец-
лөн тайө обоймаыс — медбөръя.

Найö ставныс öти полкысь: 641-öд стрелкöвöй полкысь. Но полкын вöли эз öти батальон, эз öти рота. Полкын йöзыс вöли уна. Вöли...

Войдöрлун Шапкинско-Синявинскöй направиениеын 641-öд полк заводитис наступайтны. Полклы вöли тшöктöма кытшавны вражескöй группировка, но кытшавны эз удайтчы. Сыысь на лёкджык — полксö асьсö босьтисны кытшö. Фронтлөн командование разберитчас, кодлөн тайö öшыбкаыс, код мыж вöсна тадз мисьтöма помассис операцияс.

641-öд стрелковöй полк тышкасис честнöя. Аскинас сылы весиг удайтчис öтилаті орöдны кытшсö. Но кытшысь петысь полкыслөн вöли сöмын нимыс. Йöзыс колины сэни морткомын кымын...

Писькöдчыны асланым йöз дорö сідзи и эз удайтчы. Февраль 21-öд лунö 16 часын полклөн колясыс бара веськалі кытшö. Капитан Петрусенко, коді примитис командование, юкис йöзсö куим группа вылö. Группаяс займитисны оборонасö куим дзотын. Со найö водзсасьöны нин кызь кык час. Орчча дзотьяс ланьтисны нин часөн-джынийөн сайын: колö чайтны, сэни бырины боеприпасьяс либö ставөн пöгибнитисны.

Коймöд дзотыс, көні вöли лейтенант Александр Доронин, кутчысис на. Сыысь кындзи, тани вöлины капитан Петрусенко, замполит Капелюх, лекпом, сержант Гришин да сійö боецыс, кодлысь овсö Доронин эз тöд.

Немецьяс корсюрö шыблалісны дзотö пранатаяс, амбразураас лыйлісны пулемётысь.

Найö явö эз тэрмасьны сразу помавны дзотсö: либö полисны, медым не воштыны йöзсö, либö надейтчисны, мый дзотын водзсасьсысьяслөн век жö коркö боеприпасьясыс бырасны. Та боксянь найö вöлины правöсь.

Ещё öти граната йиркнитис дзик на весьтын. Пётöлөксыйс киссийс муыс. Чегис да öшйис вевт кутысь слегаыс.

Лекпом, кодi видлалис Гришинлысь пульсö, ньöжйöник лэдзис сылысь кисö морöс вылас, сөсся кресталис мөд кийскөд да спокойнöя тупкис сержантлысь синъяссö.

— Кулис...— пидзöсьяс вывсьыс сувтигмоз ньöжйöник шуис лекпом.

Некод нинöм эз шу.

Олөм да кулөм кывъяс öни быдөнлы инмисны öткодя, сьökыд вöли корсьны сийö визьсö, кодi торйöдис эськö найöс быдөнöс пöгибнитöм ёртсьыс. Тадзи кажитчис налы быдөнлы, тадзи кажитчис и Александр Доронинлы.

Доронин видзөдлис боец вылö, кодлысь эз тöд овсö. Сийö бок ногөн сулалис амбразура дорын да лыйсис. Лыйсис бура витөмөн, мед веськалис враглы быд пуля.

Доронин видлис ассьыс пистолетсö.

— Лейтенант!— кылис капитан Петрусенколөн гөлөсыс.— Тэнад патроньясыд ньöтинин абу?

— Эм. Öти...— вочавидзис Доронин.

Петрусенко көрлис синкымъяссö: сийö гөгөрвоис.

— Тыдалö, аслыд видзан?.. Оз артмы, другö. Таргайтны буртор ме ог сет. Быд пуля колö мөдөдны враглы, и— сöмын враглы! Гөгөрвоин?..

— Капитан ёрт, патронъяс бырины, өти эз коль!— шогпырысь норасис амбразура дорын сулалысь салдат да зяльснитіс затворнас.

Дзот ланьтіс, лоис шы ни төв.

— Коммунистьясөс кора сдایتны партбилетъяс...— шуис замполит Капелюх.

Замполитлөн гөлөсыс вөлі век сэтшөм жö спокойнөй. Но Доронин казяліс, мый Капелюхлөн эз кывзысьны чуңьясыс, кор сійö күтіс разны кизьсö гимнастёрка пытшкөс зепсьыс.

Доронин перйис ассьыс партийнөй билетсö. Восьтіс сійöс. «Чужан во — 1907... Партияö пыран кад — 1943 вося февраль...»

Вежöрас өти здукөн вирдыштісны вөвлөмторъяс, быдса вояс.

Александр Доронин чужліс Мезень ю дорса Глотова сиктын — Коми крайлөн медся ылыс сиктъяс пиысь өтиын. Но и тайö ылі сиктас коркө вөвліны ыджыд событияс, кодъяссö помнитö Александр, көть сылы сэки и эз на вөв дас арös.

Революция. Батьсö сылысь, Гай Алексеевичсö, Удораса прөстөй крестьянинös, аслас сиктсаясыс бөрйисны беднота комитетö членөн, волисполкомса секретарөн, а бöрынджык — народнөй судьяөн. Көть эськө Гай Алексеевичлөн грамотаыс вөлі ичөтик, но сійö бура гөгөрволіс, мый народнөй властыс вайö став вөвлытөм бурсö сылөн рөднөй крайлы, коми йöзлы, налөн челядьлы...

1924 воын Саша Доронин пырö велөдчыны Сыктивкарса педагогическөй училищеö, кумим во мысти помалö сійöс. Та бöрын велөдö шко-

лаын ас рөднөй Глотовоын, Важгортын, Косланын. Сэсся вөлі Краснөй Армияын.

Бөр воис — төдны позьтөма вежсьөма рөднөй муыс. Войвыв пармаос юковтөма көрт туй магистраль. Сёрнитисны, мый көрт туйыс регыд мысти нюждөчас заполярнөй Воркутаөдз, көні кыпалөмаось нин из шом шахта-яслөн терриконъяс. Ухта ю дорын паськалөма нефтяникъяслөн посёлок, коді регыд мысти вермас лоны карөн. Александр Доронинөс, кыдзи сылысь уна землякъясөс, кыскисны тайө выль местаясыс. Сійө овмөдчис том Ухтаын. Школаясын сійө век на велөдіс биология да химия, уджаліс народнөй образование кузя районнөй отделын инспекторөн. Сійө гөтрасис, лоисны челядь — Аида да Вадик. Олөмыс восьлаліс өдйө, сійө лоис пыр мичаджык да бурджык...

...Граната веськалі дзот амбразураө, уси джоджө да мөдіс дурпоп моз бергавны места вылас. Сійө жө здукас капитан Петрусенко босьтис пранатасө да бөр шыбитіс ывлаө. Взрыв. Дзик орччөн, амбразурасянь некымын воськов сайын, кыліс лёкысь горөдөм шы.

Замполит өзтіс истөг тув. Сы кок улын өзйис ичөтик-ичөтик бипур. Тайө — көрсисны, сотчисны биын партийнөй да мукөд документъяс.

Доронин восьтис планшеткасө, перйис топографическөй карта, косявліс посниторъяс вылө, шыбитіс би пытшкө, сэсся мукөд документъяс, записнөй книжка, вөсни резинкаөн зэлөдөм письмө пачка... Фотокарточка. Гөтырыс. Векни син потасьяса, сійө меліа нюмъя-

лө. Тайё фотокарточкасё Александр Доронин уна тöлысь чöж нин новлöдлö сьöрсьыс военной туйяс кузя. Карточка мышкас адрес: «Коми АССР, Ухта пос., Набережной, 24. Нина Нафанаиловна Доронины». Медым тöдисны ёртъясыс, кытчö ыстыны юөр, виасыны кö сийöс...

Бумагаяс сотчисны замполит кок улын. Неуна думайтыштöм бöрын фотокарточкасё Доронин бөр суйис гимнастёрка зептас: сотны сийöс — вунöдны ставсö...

Юръяс весьтын, дзот вевдорын, гримгисны нин сьöкыд сапöгъяс, кылис гөгөрвотöм сёрни.

Стен бердö пöлынтьчöмөн капитан Петрусенко сувтис öдзöс кöсяк дорö. Киас сийö кутис автомат — кожухöдыс, паличöс моз. Лейтенант Доронин зарядитис пистолетсö медбөръя патронён.

Дзотлөн öдзöсыс вассис гурйыв, быттьö тöвныр ылыкнитöмысь. Öдзöс сайын некод эз тыдав. Кытысянькö бокисянь горöдисны:

— Рус, пет!..

Д о п р о с

Тайё пöрийö сийöс кыскисны камерасыс шошаöдыс. Кокъяс йылас сулавны Александр Доронин эз нин вермы. Ки-кокъясыс дойысла ёнтисны, шуйга синмыс ставнас пыктöма, нöйтöмсыс — морöсыс лöz. Бара допрос? Сидзкö, бара кутасыны нöйтны...

Да, сьöкыд шторыён тупкөм öшиньяса сийö жö комнатаыс, пельöсын радиоприёмник: нöйтны заводиттöдзыс гораа включитлисны приёмниксö.

Письменнӱй пызан сайын — век сийӱ жӱ немецыс: юрсисӱ шылыда сыналӱма, быттьӱ выйӱн мавтӱма. Чуняс — чунькытш. Синъяссӱ читкыртӱма.

Доронинӱс луксьӱдӱсны улӱс вылӱ.

— Сидзкӱ, армияӱ мобилизуйттӱдз тӱ олин-ныд Коми АССР-ын.

Тадзи заводитчис коймӱд допрос. Ставыс вӱлӱ нӱль.

Дзот ӱдзӱс дорын недыр водзсасьӱм бӱрын найӱс кватитӱсны, кӱрталӱсны да вайӱдӱсны гитлеровскӱй дивизияса штабӱ. Шобисны. Допроситӱсны ставнысӱ ӱтлаын.

Юасис оберст-лейтенант (немецъяслӱн тайӱ подполковник чин) — ӱшлӱн кодъ кыз сыйӱа да чукурӱсь кыз паръяса олӱма морт. Сийӱ юасис переводчик отсӱгӱн. А пельӱсын пукалӱс сийӱ — шылыда сыналӱм юрсиа мортыс. Корсюрӱ сийӱ очсалӱс: очсалӱгас вом дорас вайӱдлӱс чунькытша чуньсӱ. Он гӱгӱрво: то ли сылӱн унмыс локтӱ, то ли сийӱ прӱстӱ гажтӱмчӱ...

Немецкӱй армияса оберст-лейтенант нуӱдӱс допроссӱ кужтӱг, сеталӱс пленнӱйяслы ӱтсыма вопросъяс: «Овыс?.. Кӱнӱ чужлӱма?.. Кутшӱм полкыс, дивизияыс, армияыс?.. Подразделениеасын уна-ӱ йӱзыс?.. Кымын орудие, миномӱт сетӱма частьлы? Мый тӱданныд водзын лоан операцияс йылыс?..»

Пӱшти став вопросъяс вылас ӱтвечайтӱс капитан Петрусенко. Александр весиг думсыс шензис сы вылӱ, кыз тайӱ серъӱзнӱй да скӱр мортыс кужис ылӱдлыны переводчикӱс, висътавлӱс кутшӱмкӱ гӱгӱрвотӱм гырыс лыдпасъяс, сӱрис быдторсӱ. Замполит, кодӱ сула-

ліс Доронинкөд орччөн, весиг гусьоник тув-
кыштіс гыррдзанас Александрлы бокас: «Кыз
пө кужо, а?..»

— Ті көні овлінныд армияөдз?— тайо пөр-
йо переводчик юалис Доронинлысь.

Мыйкө дыра думайтөм бөрын Александр во-
чавидзис. Висьталіс веськыда. Оні сійо эз
вермы ылөдлыны: оберст-лейтенант водзын
куйліс фотокарточка, кодөс мырддисны Алек-
сандрлысь шобигас, и немец, кыз вомдоръяс-
сө дыша вөрөдіг, видзөдаліс карточка мыш-
вывсьыс төдтөм букваяс — прөверяйтис, пра-
вильной-ө, өтветыс.

Шыльыда сынасьөм немец, коді пукаліс
пельөсын, друг гажмис, дугдіс очсавны, ма-
тыстчис пызан дорө да сідз жө копыртчис
фотокарточка весьтө. Сэссия читкыртис синъ-
яссө да видзөдліс Доронин ылө. Сійо мыйкө
шуис немецкөй кыв ылын оберст-лейтенанг-
лы. Мөдыс довжнитис юрнас.

Мышкуас прикладъясөн зурөдіг кык сал-
дат нуөдісны Доронинөс петанінлань. Өдзөс
дорсяныс Доронин видзөдліс өртъясыс ылө.
Капитан Петрусенко да замполит видзөдісны
жө сы ылө. Налөн синъясысь Александр
аддзис и жалитөм, и өлөдөм...

Сэссия сійо эз нин аддзыв найөс.

Сійо жө луннас шыльыд юрсиа немец до-
проситис Доронинөс пемыд комнатаын. Алек-
сандр гөгөрвоис, мый тайо немецыс эз прөста
волы первой допрос ылө. Сійо, буракө, вөлі
кутшөмкө секретной службаысь, разведкаса
сотрудник, а допросъяс ылын бөрийліс сі-
йөс интересуйтысь йөзөс. «Мыйла ковми сылы
буретш ме?»— думыштіс сэки Александр.

И сэк жö думсьыс чорыда көритіс асьсö: «Мыйла ме эг сот фотокарточкасö? Öнi öд всё равно сійöс оз сетны бөр». Со тайö шыльыд юрсиа фашистыс зымöдö гыжъяснас Александрлы дона да муса мортлөн чужöм вылö да, карточка вылö видзöдiг, зывöка нюмъялö...

Тайö пöрийö юасисны этша. Фашист, буракö, гөгөрвоис, мый пленнöй оз көсйы висьтасьны веськыда, ылöдчö, и сійö горсяммöдiс радиоприёмниксö. Доронин ас садяс воис ичöтик васöд камераын, муртса вежөртыштіс, кыдзи тайö ставыс лоис, да бара воштіс садьсö. Тадзи жö помассис и мöд допросыс. Но öнi Александр бура гөгөрвоис, мый сылысь көсйöны тöдмавны. Сійö наизусть нин тöдiс став вопросьяссö, кутшöмъясöс сылы кутас сетаवны тайö шыльыд юрсиа пеж фашистыс, кодi Доронинöс нöйтны заводитiгөн чуньсьыс перйыліс чунькытшсö...

— Уна-ö нефть перйöны Ухтаын?

— Ог тöд. Ме — учитель, школаын уджалысь, нефть йылысь нинöм ог тöд.

— Тi вöвлінныд Воркутаын?

— Эг. Эз удайтчыв.

— Ми тöдам, мый Воркутаын из шом шахтаяс вося плансö тыртöмаöсь 115 процент вылö. Уна-ö тайö лоö, артавны кө тоннаясөн?

— Ог тöд. Öнi война, и газетъясын оз печатайтны та йылысь. А тöдны ме верми та йылысь сöмын газетъясысь...

— Кутшöм туйöд Воркутасыс из шомсö нуöны Ленинградö?

Вот-вот! Буретш тайö и медьёна интересуйтö гитлеровецъясöс: Ленинград. Сійö налы —

горшас лы. Воён-джыныйён нин фашистыяс кытшын видзёны тайё карсё, кодлысь уличаяссё некор на эз талявлыны враглён кокъяс, но гыррдзаыд матын да он курччы! Кытшö босьтöм кар олö, тышкасьö, чирсö-бырöдö враглысь медбур вынъяссö. Тайö кытшас эм неыджыд кост, эм дзик öти туй, код пыр страна вайö кытшö босьтöм карлы став коланаторсö. Бөръя кадö Ленинградö кутис воны заполярной Воркутаысь ломтас. Тайö выль из шом бассейныслён торийён нин содис тöдчанлуныс сэки, кор кутис уджавны Печорской көрт туй. Донбассын вöлины на фашистской полчищяс. Найöс пока эз на вöтлыны Кавказысь. Сэни найö зилисны босьтны сэтшöм район, көни перйисны зэв дона стратегической сырьё — нефть. Сийö кадас гитлеровской Германия вылö уджалисны Европаса пöшти став индустриальной районъяс. Советской государстволы татшöм сьöкыд условиясын, кор ковмис сылы нуöдны коварной враглы паныд вир кистана тыш, ыджыд тöдчанлун босьтисны Коми республикаса шахтаяс да нефтепромыселъяс. А öд тайö озыр муас промышленность развивайтчыны заводитис сöмын революция бöрын...

— Ладнö. Шуам, ме верити, мый ти онö тöдöй, — водзö юасьö немец. — Но öд ти, армияö босьтöм бöрын, Котласöдз мунишныд көрт туй кузя. Из шом тыра кымын эшелон, кымын нефть цистернаа состав ти казялинныд муниганыд?

Александр Доронин думайтö, казтылö. Сы син водзö сувтöны ас рöдной крайысь югыд серпасъяс: пармаын, Ухта гөгöрын сулалысь

понтём уна нефтянӧй вышкаяс; нефтянӧй шахтаяслӧн терриконъяс бура тыдалӧны посёлкӧсӧ кытшалысь мылькъяс вывсянь. Найӧ — шахтаяс, кытысь перйӧны «сьӧд зарни». Доронин син водзӧ сувтӧны помтӧм уна вагонъяс, платформаяс да цистернаяс, кодъяс луны и войын грымӧдӧны-мунӧны Печорскӧй кӧрт туй кузя...

— Висьталӧй! Уна-ӧ?

— Ог помнит. Эг лыддыв...— и думсьыс радлігтыр, Доронин содтӧ:— Уна!

Немец оз нин читкырав синъяссӧ: сійӧ зумыша да лӧга видзӧдӧ пленнӧй сӧветскӧй офицер вылӧ. Чунькытша чуньнас сійӧ скӧрысь зымӧдӧ пызанӧ.

— Ещӧ ӧти вопрос: эмӧсь-ӧ Коми АССР-ын немецкӧй военнопленнӧйяслы лагерьяс?

— Ог тӧд...— веськыда висьталӧ Доронин.

Немецлӧн чужӧмыс лоис гажтӧм. Чӧртыс тӧдӧ, мыйта сійӧ воштіс кад тайӧ пехотнӧй лейтенантсӧ допроситӧм вылӧ, и ставыс весьшӧрӧ. А сійӧ вермис эськӧ лоны интереснӧй мортӧн — олӧма рочьяслӧн ылі тылын, кодӧн ӧні интересуйтчӧ Берлинын главнӧй разведывательнӧй штаб. А збыль вылассӧ вӧлӧма, мый тайӧ лӧкиник школьнӧй учительыс нинӧм оз тӧд. Правда, позис шуам, чайтны, мый сійӧ прӧстӧ, кызди шуӧны рочьяс, «йӧйсӧ песӧ», тӧдӧ да оз висьтась. Но симфоническӧй музыкалӧн кык бур сеанс долженӧсь вӧлі востыны сылысь вомсӧ... Збыльысь, буракӧ, нинӧм оз тӧд. И, гӧгӧрвоана, тайӧ прӧста кад воштӧмсьыс сійӧ ӧні мынтыяс гоз-мӧд ордыӧн. А водзӧ? Лыйлыны? Оз сулав. Военнопленнӧйяслы эм зӧв мича нима лагерь — сәні

сійӧ кык недель мысти ачыс нюжӧдас кекъ-
яссӧ...

Фашист киас босьтис пызан вылысь адреса
фотокарточкасӧ да суйис папкаӧ: гашкӧ, ков-
мас на. Сэссия видзӧдліс ӧдзӧс дорын сула-
лысь ыджыд тушаа, ён эсэсовец вылӧ, ма-
тыстчис приёмник дорӧ да гораа включитис
сійӧс.

«Жалитны оз позь...»

Военнопленнӧйяслӧн лагерьясын кыз кӧр-
тысь дорӧм быд ворота юрйылӧ гитлеровець-
яс гижавлісны афоризмъяс, сэтшӧм кывъяс,
шуам: «Быдӧнлы — аслас». «Надейтчӧй».
«Тані — мынанныд» «...олӧмсьыс», — содтыв-
лісны пленнӧйяс.

Тайӧ издевайтчан афоризмъяссӧ гижавліс-
ны код юра эсэсовскӧй офицеръяс официаль-
нӧй приказ серти. 1942 вося январь 14-ӧд
лунӧ гитлеровскӧй верховнӧй командование
лэдзис приказ, кӧні вӧлі гижӧма: «Военно-
пленнӧйясӧс жалитны, относитчыны на дінӧ
мортногӧн оз позь».

Александр Доронин бура тӧдіс, мый эсэсо-
вецъяс тайӧ приказсӧ стӧча пӧртӧны олӧмӧ.

Доронин вӧлі и Любань дорса, и Рига дор-
са, и мукӧд лагерьясын.

Концлагерьясӧ военнопленнӧйясӧс нуӧд-
лісны быдса колоннаясӧн, группаясӧн и ӧт-
кӧн-ӧткӧн. Лагерьясӧд ветлӧм бӧрын первойя
тӧлысь помас нин Доронин вӧлі шой кодъ,
сӧмын лолыс и коли. «Ӧдва ловья» — тайӧ
шуштӧм кывйыс бура вӧлі тӧдса и Освенци-

мын, и Майданекын, и Бухенвальдын, кӧнӧ мучитчисны разнӧй национальностья уна миллион узникъяс.

Куимсӧ грамм эрзац-нянь да миска пӧсь ва, кӧнӧ дӧвъялис чунь пом ыджада сӧркнитор: тадз вердӧсны военнопленнӧйясӧс, татшӧм вӧлӧ налӧн лунся рационис. Сӧйӧ вӧлӧ тырмымӧн сы вылӧ, медым кувны не сразу, а вочасӧн.

Асывнас, югдӧгас, пленнӧйясӧс вӧтлылисны баракъяссысь да плац вылын сувтӧдлисны стройӧ. Нуӧдӧсны номеръяс серти перекличка. Сӧтшӧм тӧ и сӧтшӧм тӧ номерлы тшӧктылисны петны стройысь, и тайӧ йӧзыс бӧрсӧ эз нин волевлыны, найӧс вӧлӧ лыйлӧны. Мыйысь? Мортӧс виӧм вылӧ помкаыс фашистьяслы сюрлӧ уна. Надзирательлӧн донос, тойӧссьӧм, абу-ӧ еврей, туберкулӧзлӧн призначъяс, зумыша видзӧдлӧм, секретнӧй службалӧн сӧрмӧм решение. Лыйлӧсны и помкатӧг — прӧстӧ сӧдз, мед аддзылисны мукӧдыс.

— 56831 номер!.. 49502 номер!..

Кык воськов водзӧ — гуӧ воськов. Кӧдзыд ньылӧм чепӧсйӧ быдӧнлӧн, кор стройын сулалӧн лагерса комендант лыддьӧдлӧ тайӧ страшнӧй номеръяссӧ, лыддьӧ тӧрмасьтӧг, гораа, цифра бӧрся цифра:

— 5276...

Номеръясын вит цифра. Кутшӧм лоӧ медбӧрря цифраыс: куим, кӧкъямыс, ӧти? Ӑд сӧйӧ номерыс, кодӧн пасйӧма тӧнсыд олӧмтӧ да кулӧмтӧ, оз вун сы вӧсна, мый сӧйӧс не сӧмын вурӧма мышкуад, не сӧмын зурйӧдлӧма киад, но и быттӧ калитчӧм кӧртӧн гижӧма вежӧрад...

— ...4!

Кык воськов водзö — гуö воськов. Прёщай, дона ёрт!

Сэсса сетöны команда: «Равняйтчöй!» Бура-ö выполнитöма тайö командасö, фашистьяс прöверяйтöны тадзи. Немецкöй офицер сувтö шеренга дорö воддза морт динас да шеренга пöлöныс веськыда лыйлö pistolетысь. Вөр-зёдчыны оз позь. Кодкö кö торкас равнение, морöсас веськалö пуля.

«Налево! Шагом марш...»

Военнопленнöйясöс нуödöны удж вылö. Ма-тигöгöрын абу некутшöм промышленнöй предприятие. Та вöсна лагерса комендантлы ков-мылö корсьны уджсö. Шуам, талун позьö заставитны заключённöйясöс кодйыны джу-джыд рöv. Аски найö кутасны тачкаясөн кыс-кавны му да бөр тыртны тайö рövсö. Аско-мысь — кодйыны выльöс. Кыдзи век, уджа-ланинö быд лун кольöны вит-квaйт морт, ку-лöны тшыгьялöмысь да мучитчöмысь. Найöс колö гуавны, и позьö чайтны, мый сэтшöм уджсö вöчöма сöмын сы могысь.

Рыт. Барадын пемыд да кодзыд. Нарьяс вылын сёрнитöны шöпкөдчöмөн.

— Эк, тöдмавны эськö, мый вöчсьö сэни, фронт вылас! Көнöсь миян?

Концентрационнöй лагерö бөрья недель чö-жөн вайöдöм пленнöйяс шöпкөдлисны соседьясыслы бур юөрьяс. Волгоград дорын гитле-ровскöй войскаöс жугөдöма. Немецьяс бөр-ыньтчöны и мукөд фронтьяс вылын. Но врагöс абу на дзикөдз жугөдöма быдлаын. Оккупантьяс век на кöзьяйничайтöны Украи-наын да Белоруссияын, век на кытш пиын кутöны Ленинград. Кор нö локтас сийö лу-

ныс, сійö часыс, кор мездасны фашистскöй пленысь? Али некодлы нин на пиысь не овны сійö лунöдзыс?..

Наръяс вылын орччөн куйлысьяс сёрнитöны шöпкöдчöмөн.

— Казяласны... Лагерысь пышйыны он вермы. Вот эськö удж вывсянь кö...

— А понъясыс? А сэсса, кытысь судзöдан паськöм?

— Колö думыштлыны...

Доронин тöдiс, мый концентрационнöй лагерын быд узник, кодi вермö на кыскавны кокъяссö, гусьөн думайтö пышйöм йылысь. Öткымынъяс босьтчылiсны и пышйыны. Но ставыс тайö помасьлiс лёка — либö мышкуаныс веськавлiс пуля, либö овчарка кватитлiс горшöдныс. Тайö неудачаясысь сьöлөмъяс вылын лолывлi ещö на сьöкыд: воштысьны некытчö. Пленнöйяс частöджык кутiсны пышйыны мöд ногөн — пышйыны олöмысь: матö воём морт став тушанас шыбитчылiс лагерöс кытшалысь колючöй проволока вылö, код пыр прöйдитiс ыджыд напряженiеа ток. Сторожевöй вышка вывсянь автоматнöй пуляяс помöдз вилiсны сійö мортсö.

Ловйөн татысь не петны.

Наръяс вылын орччөн куйлысьяс шöпкöдчöны.

— Коймöд блокысь надзирательяс аддзöмаöсь револьвер да гранатаяс... Висьталöны, мый сэнi коммунистыяс котыртöмаöсь подпольнöй группа. Лыйлiсны первой быд витöдöс, а сэсса быд дасöд мортсö...

— Тайöс найö кужöны.

— Эк, олөм...

Көнкө веськыдвылын кодкө сыркъялөмөн бөрдө. Улыс наръяс вылын кодкө сөрө, шыб-ласьө.

Александр Доронин узыны оз вермы: сотчө став яйыс, юкалөны киясыс и кожъясыс. А мый кожъясыскөд? Найө пыр висьоны. Шыөдчыны врач динө оз позь: висьмысь военнопленнөйяслы тані өти средство — яд.

Ставыс висьө. Вежөрыс гудрасьө. Узьөм ни олөм тані — страшнөй вөт...

Асывнас лагерса комендант гораа чуксалө:
— 5922...

«Квайт» — думсьыс содтө Доронин, көть и комендант эз на шу бөрья цифрасө.

— ...6!

Кык воськов водзө. Со и сылы воис пом.

Земляк

Конвоир нуөдіс сийөс лагерса комендатураө и сәні, кузь коридор помын, таркнитіс өдзөсө.

— Херайт! — «Пырөй», — кыліс өдзөс сайсянныс.

Комнатаын өшинь дорас сулаліс мича военнөй плаща морт. Плащ вылас различие знакъяс эз вөвны, но эзысь шнуръяса фуражкаыс серти позьө вөлі төдны, мый тайө германскөй армияса офицер. Видзөднысө сийө вөлі ар ветымына кымын. Чужөмыс чукурөсь, висьлөс мортлөн кодь, руд рөма, но статья тушаыс ставнас петкөдліс, мый сийө крепыд на служака.

— Верманныд мунны, — конвоирыслы докнитіс юрнас. Сэсся сюся видзөдліс Александр

Доронин вылө, ышөдана да меліа нюммуніс сылы, кинас индіс улөс вылө.

Доронин пуксис. Мөвпъясыс юрас жуисны: мыйла корисны? Но Александр гөгөрвоис нин, мый талун, буракө, сійөс оз на лылыны.

— Сідзкө, тэ — зырянин? — век на нюмъя-лігтыр шушкыль кывйөн юалис сійө мортыс.

— Ме — коми.

— Ладнө. Коми кө — мед коми, мыйөн торъялө, ме ог аддзы... А ме — роч. Шуоны менө Лев Николаевич... Николаевөн. Лоам төдсаөсь... На, земляк, куритчы!

«Выль земляк» мыччис Александрлы зарни гижөда дона сигарет. Рочөн сійө сёрнитіс, збыльысь, бура. Но тайө важөн нин вунөдөм «зырянин» кыв да зывөка «тэ» вылө сёрнитөм сертиыс Доронин друг гөгөрвоис, мый тайө роч мортыс важөн нин абу вөвлөма Россияын.

— Ко-ми... — кызкө тешкодя нюммуніс Николаев да довкнитіс юрнас. — А мый тэ сәні, гортад, вөчин? Вөравлін? Вөр лэдзин?

Өні нюммуніс (дерт, пусьөн!) Александр Доронин. Сійө бура гөгөрвоис, мый сылөн «землякыс» өдвакө төдө, мый зыряна лөвстын өні эмөсь и мукөд профессияяс. Фашист думыштөма сыкөд ворсөдчыштны, чайтө, мый Александр — вөрса олысь, йөй нисьө прөсуж морт, неграмотной раб, кодлөн абу некутшөм вежөр. Лоны татшөм мортөн фашист водзын Александрлы кажитчис бурджыкөн, и Доронин кутіс ворсны тайө рольсө: мед успокоит-час фашист.

— Удайтчыліс и вөравны...— вочавидзис сійё.

— Зэв бур!— бара нюммуніс Николаев.— А тэныд эськё абу окота петны лагерысь да мунны гортад?

Александрлөн сьёлёмыс ёнтыштіс. Тіравны кутісны пидзёсьясыс. «Мынтёдчыны пленысь... Бөр мунны гортё...» Эз, эз тайё кывъяссъыс ёнты сылысь сьёлёмсё. Вөлі гөгөрвоана, мый сійёс некод оз кёсйы лэдзны пленысь да мөдөдны гортас сідз, прөста, жалітөм ради. Весиг тешкодъ тадзсё думайтны... Но Доронин гөгөрвоис, мый тайёс юалісны сылысь эз шутітөм могысь. Юалісны серьёзнёя.

— Дерт жё, окота...— веськодя вочавидзис сійё.

— Мөд ног эг чайт.

Николаев эз нин нюмъяв. Чужёмыс сьлөн лоис серьёзнёй, весиг зумыш. Тайё мортъслөн збыль вөлі кутшөмкө вын, коді писькөдчис петкөдлыны асьсё.

— Ме кута сёрнитны тэкөд дзик веськыда,— Доронинлы синмас видзөдіг, шуис Николаев.— Ме, кыдзи тэ аддзан, служита немецъяслы, фюрерлы...

Тайё кывъяссё шуигөн Николаев тэрыба чеччыліс да сідзи жё тэрыба бөр пуксис.

— Но ме — настоящөй роч морт,— водзё висътавліс сійё,— и ог кут немецъяс моз «цирлих-минирлихасьны»... Кута сёрнитны веськыда. Кодлыкө кө мян сёрни йылысь висъталан, аслам киясөн лыйла. Тайёс кут төд вылад!.. Матысса кадө лөө шыбитөма фронт линия сайё, сөветскөй тылө десант.

Коми АССР территория вылө. Нуода сійос ме. Меным колө проводник, коді төдө сійө местаяссө да зырян...— у, чөрт!— коми кыв. Тэ должен төдны өтисө и мөдсө. Со и ставыс... Но кызд, сөгласен?

— А мый ті кутанныд вөчны сәні... Коми муас?

Николаев дөзмөмөн көрсыліс: сійө эз вермыв терпитны дуракъясөс, мед көть найө вөліны и самоедъяс.

— Байдөггьяс кыйны!..— пинь пырыс сөдзөдіс сійө, сәсся друг гораа серөктіс.— Дерт, ог еджыд, а гөрд байдөггьясөс кутам кыйны,— тіянын найө эмөсь?

Сералыштөм бөрас сійө раммыштіс, и век жө решитіс висьтавыны.

— Тэ жө вөлін война вылын, должен төдны, мыйла враг тылө ыставлөны десантъяссө... Большевикъяслы, всё равно, регыд пом воас. Гожөмнас германскөй армия заводитас наступайтны став фронтъяс вылын да вөтлас рочьясөс Чукоткаөдз. Верман не повны аслад куыд вөсна. Мөдарө — задание выполнитөм бөрын пөлучитан уна деньга, орден, сетам му участок, керка, а мича бабаөс ачыд аддзан, вернө?.. Артышт ещө, миян десант бөрся Коми АССР-ө мунасны гырысь воинскөй частъяс, и сәні сідзи ми ставсө пузувтам, мый большевикъяс синсө лапнитны оз удитны. А командуйтны тайөн ставнас кута ме!..

Николаев чургөдліс водз чуньсө. Төдчис, мый сійө эз вөв скромнөй.

— Тэ мый — полан? Эн пов... Да и тэ сөмын лоан проводникөн. Ме тэсянь ог босьт весиг некутшөм подписка, мый тэ сөгласен

сотрудничайтны миянкөд. Верман овны спокойнө... А он көсйы—чөрт тэкөд, згинит лагерын. А шуны кө... Ме тэныд сөветуйта не өткажитчыны.

Доронин шукаліс юрсө копыртөмөн. Колө вөлі думайтны, нюжөдны кадсө.

— Позьө меным думыштлыны?— юалис сійө.

Николаев бара скөрысь көрліс чужөмсө, видзөдліс часі вылас.

— Ладнө. Сета тэныд думайтны часөнджынйөн...

Сійө перйис зепсыс шоколад плитка да мыччис Александрлы:

— На, сөй. Мед кокныдджыка думайтсыс...

Муніс өдзөслань, но порог дорас бергөдчыліс:

— Сөмын ставсө өтпырйө эн сөй — кулан, и меным бара ковмас быдсяма помөй гуясысь корсыны ловъя зырянинөс...

Сэссия гораа серөктіс да петіс.

Шуны «да»...

Шуны «да»—сідзкө петны тайө адсыс, мынны смерть лагерын быд лунья мучитчөмысь да виччысьтөм кулөмысь. Доронин төдіс, мый пышйыны татысь пөшти он вермы. Та вөсна өткажитчыны татысь петөмысь вөлі эськө йөйталөм.

Николаев шуйс гөгөрвоана: десантсө лоө мөдөдөма пыді тылө. Сідзкө, сійө здукас, кор парашют воас му бердөдзис, Александрлөн кокъясыс сувтасны рөднөй му вылө. Сійө лоас гортас, ас ордас, ас йөз дорын.

Тайо лагерыс вöлі фронт линиясянь ылын. Татысь көть и удайтчылас пышйыны, но этша позьо надейтчыны сы вылө, медым воны ас йоз дорөдз, вуджны фронтлысь линия: всё равно кутасны, төдасны, да лоо пöгибнитны. А сöгласитчыны участвуйтны десантын — лоо вуджны тайо туйсö кокниа, лоны сийö территория вылын, кытысь гестаповецъяс сийос кутны оз нин вермыны.

Тайо сідз жö лоо пышйöм, но пышйöм, кор отсалöны асьныс немецъяс.

Но шуны «да» висьталіс и мөдтор йылысь, мый Александр эз вермы не гөгөрвоны. Сийö кө сöгласитчас участвуйтны десантын да йитчас фашистскöй разведкакөд, сийö збыль вылас лоо гитлеровецъяслы отсасысьсөн, мунас Рөдиналы паныд преступление вылө, няйтөс-тас асьыс сөвестьсö. Веритасны-ö сылы сөветскöй йоз! Кадыс военнöй: предательскөд сёрниыс дженьыд...

Оз, сийö оз вермы шуны «да» — бурджык тані сисьмыны военнопленнöйяслөн братскöй гуын. Сэки нин төдан — медбөрря лов шыөдзыд вöлін аслад народкөд, вöлін вернöйөн сылы да сылөн делöлы, мый вöсна сийö тыш-касьö. Тані кувны бурджык сы дорысь, кор ёртъясыд зывөктыны кутасны тэнö, да найос тэ дзикөдз воштан.

Сийö өткажитчас. Мед шнуруйтöм сапöга фашист коряс аслыс мөд отсасысьсös, мөд проводникös...

Мөдös?.. Да өд сийö вермас аддзыны мөдсö! Александр төдіс, мый военнопленнöйяс пөв-стын вöліны и сэтшöмъяс, кодъяслөн дрөгнитöма сьөлöмыс, повзьöмаös, кодъяс эз ве-

ритны, мый Гитлерлысь армиясö лоö победи-
гöма. Татшöм йöзыс вöлины враглы отсась-
сысьясöн. Веськавлісны и прöстö мерзавецъяс,
кодъяс ас вöляысь вуджöмаöсь врагладорö,
ненавидитісны Сöветскöй власть, кевмысисны
фашистъяс водзын да дасьöсь вöлины грöш
вылö кутчысьны любöй, медся подлöй уджö.

И вот татшöмсö чеччöдасны тышкасьны ар-
мия тылö, и сійö зільны кутас вöчны ставсö,
мый сылы лоö тшöктöма...

Ю пыдöсьясö лэбöны взорвитöм посъяс, лэ-
бöны рельсъяс вылысь из шом тыра составъ-
яс, кодъясöс терпитны вермытöг виччысьöны
көдзыд Ленинградын, съöd тшынöн пуркйöны
нефтянöй промысельяс...

Тайöс лэдзны оз позь! Сэні, миянын, көн-
кө, оз и думайтны враглөн коварнöй планъяс
йылысь. Колö кызкө предупредитны найöс,
колö торкны враглы, медым сійö эз вермы
пöртны олөмө ассьыс планъяссö. Тайö нин —
долг, боевöй мог! И сійö кө, лейтенант Доронин,
оз выполнит ассьыс долгсö, сійö лоас
фашистъяслы отсасьысьöн, сійö лоас преда-
тельöн.

Кутшöм трагическöй обстоятельствояс, ку-
тшöм съökыд аддзыны татысь дзик öти пра-
вильнöй петан туй!..

Воссис öдзöс, и комнатаö пырис Николаев.
Збыль öмöй коли нин часöн-джынйöн?..

Николаев сувтіс сы водзö да ярскöба юалис:
— Да али абу?

Шы ни төв. И недыр мысти:

— Да...

Час джын мысти Доронин вöлі нин важ
немецкöй мундира, кодлысь нашивкаяссö да

различие знакъяссö вöлі резьюдалöма; сетисны дöмаса гач; пу колодкаяс пыдди, мыйöн ветлöдлисны военнопленнöйяс, сетисны бутсы.

Лагерь ворота дорын сулаліс легкөвöй машина «Опель-капитан». Николаев петкөдліс охранаса офицерлы кутшöмкө бумагаяс — сійö сетис честь. Николаев пуксис кабинаас, руль дорö, Доронинöс пуксьöдіс орчöн. Сьöкыд көрт ворота воссис...

Онi Александр эз радлы, а сьөлöмсö сылысь личкис сир курыд шог.

«Опель-капитан» пуля моз тövзью асфальтируйтöм шоссе кузя. Туй бокö кольöны веж корьяснас кышöдчысь расьяс; латвийскöй крестьяналöн хуторьяс, көнi мыйлакö, поньясысь кындзи, некод эз тыдав; уна важ воронкаа гөртöм муяс...

— Комиад автомобильясыс эмöсь? — век сіджö öдйö муніг, юаліс Николаев.

— Эмöсь.

— Ме, шуны кө, зев нин важöн эг вöv Россиян, и унатор нин ог төд, — висьтасис Николаев.

Николаевлы сьөлöм вылас кыпыд, и та вöсна сылы зев окота сёрнитны, көть нин шой кодьюдз омöльтчöм тайö военнопленнöйыскөд, кодi лöо десантыслöн проводникöн. Да и колö заводитны моральнö обработайтны сійöс.

— Тöдан, менам батьöй вöлі императорскöй величестволöн лейб-гвардия полкын эскадронса командирöн: тайö, другö, полковниклöн чин! Сійö, слава богу, кувліс став сійö революционнöй безобразияесöдзыс... А ме помалі кадетскöй корпус. Воюйтлі, колö шуны, не-

мецъяскөд. Сэссия — большевикъяскөд, Сиби-
рын. Тэ кывліи адмирал Колчак йылысь?

— Кывлі...

— Но вот, тайö адмиралыскөд, царство не-
бесной сылы, ми и пыркөдiм ёртъ-яс-боль-
ше-викъ-яс-өс. Но тайö лөсьыд уджыслы ков-
мыліс вöчны неиджыд кост... нелямын öтиöd
воодз... Öни артасям помөдз!

«Бур биография, — думайтö Доронин. —
Вермис эськө и не висътавны: абу съöкыд
гөгөрвоны, кодi тэ сэтшöмыс! А артасыны тэ-
көд дзикөдз — öни буретш кад. Тайö пöрийö он
мын тэ!»

— А тэ, случайнö, эн вöв сочувствующöй-
өн? — Доронинлы синмас сюся видзöдлөм бö-
рын юалис Николаев. — Висътав, эн пов...

— Эг, сочувствующöйөн эг вöв, — повтöг
вочавидзис Александр.

— А жаль, мый эн вöв!.. Ковмас тэнö сра-
зу вöчны большевикөн...

Рулъсö кисьыс лэдзлытöг Николаев лэдзчы-
сис луклөс мыш вылас да гораа серöктис.

«Мыйла сийö сералö?» — думыштіс Доронин.

Ещё час мысти «Опель-капитан» сувтіс öти
усадьба дорö, кодi сулаліс мукөд сиктъясысь
бокын. Усадьбасö кытшалöма джуджыд ка-
меннöй заборөн, забор выліас вöлі тувъявлö-
ма шляпттöм көрт тувъяс да кисьтöма стеклö
торпыриг. Забор вомöныс чурвидзöны джу-
джыд пуяслөн увъясыс. Водзынджык тыда-
лісны черпицаөн вевттöм керкаяс.

Николаев куимысь личкыліс клаксон вылö:
сигналітіс, медым восьтісны воротасö.

— Да, дзикөдз вунöдi! — сийö бергөдчис
Доронинлань. — Тайö здуксянныс тэнö кутас-

ны шуны... но, шуам... Сергейөн. Сергей... э-э... Токарев! Ясно? Некод, меысь кындзи, не должен тодны, кытысь ме тэнö вайöдi, мый йылысь ми тэкöд сёрнитiм, весиг кымын пинь тэнад вомад: вомтö кызд позьö шочджыка восьтывлы. Гөгөрвоин? Кыдзи тэнö шуöны?

— Менö шуöны Сергей Токаревөн,—ньож-йöник вочавидзис Александр Доронин.

Доктор Магалифлөн санаторий

Рига дорын сулалысь тайö усадьбасö коркö шулöмаöсь доктор Магалифлөн частнöй санаторийөн. Джуджыд каменнöй заборыс видзлöма докторлысь пациентъяссö ортыса шума олöмысь. Но войнаысь йözös дзебны сийö эз вермы.

Код тодас, кытчö вошисны ачыс докторыс да сылөн пациентъясыс...

Но джуджыд каменнöй заборыс ковмис öнi дзик мөдтор вылö. Öнi татчö гитлеровецъяс восьтисны шпионско-разведывательнöй шкслалысь филиал.

Ачыс школаыс вöли Эстонияын, Вана-Нурсиын, татысянь неылын.

Сэни, опытнöй разведчикъяс зондер-фюрер Зинке да зондер-фюрер Клинке веськөдлөм улын велөдiсны будущöй шпионъясöс.

Зинке велөдiс теоретическöй юкөн, сы лыдын: «Взрывчатöй материалъяс», «Зажигательнöй средствояс», «Военнöй характера сведениеяс чукöртöм», «Кызд колö вербуйтны йözös», а сiдз жö наука, кодi сы ногөн шусис:

— Талун ми кутам велөдны тема: посни да гырысь саботаж...

Конспектъяс гижавны сәні оз вөлі позь.

Зондер-фюрер Клинке теорияыскөд тшөтш велөдіс практика. Сылөн занятиеяс вылын темаясыс вөліны конкретнөйөсь: «Пос взор-витөм», «Көрт туй разьөм», «Юкмөсьяс за-разитөм», «Нефтянөй скважина өзтөм».

Оружие, лыйсыны велөдөм, да сэтшөм урокъяс, кызди «часөвөйөс гусьөн виөм», кор колө петкөдлыны аслыд, Зинке и Клинке дө-веритлісны нуөдны унтер-офицер Рорбахлы.

Николаев, кызди Россия кузя специалист, лыддыліс лекцияяс политическөй темаяс вы-лө, например: «Мыйла народ оз поддержи-вайт Сөветскөй властьөс».

Лекция бөрас сийө юасьліс сідзи жө, кызди войдөр юасьлісны словесность урокъяс вылын государь-императорлөн армияын.

— Сідзкө, Сөветскөй властьсө мыйла оз поддерживайт народ?— юасьліс Николаев. Сэки сийө видзөдлывліс классын пукалысьяс вылө да тшөктыліс:— Но-ко, Волгин...

Волгинөс сийө юавліс век медводз. Тайө Волгиныс (а збыль вылассө сийө вөлі Иван Мохов) олөма нин морт, война заводитчөм бөрын первойя төлысьяснас жө ас вөлясьяс вуджөма немецъяс дорө. Сийө асьсө бура петкөдлөма военнопленнөйяслөн концлагерын, көні сийө вөлөма штрафнөй блокын над-смотрщикөн, сәсся сийөс ас корөм сертиыс мөдөдөмаөсь разведывательнөй школаө.

Кор өтвечайтліс, Мохов век вайөдліс аслас олөмысь төдчана примеръяс.

И збыльысь, кызди вермас народ поддер-живайтны Сөветскөй властьсө, революцияөдз кө батыслөн — Моховлөн жө — Нижнегород-

скöй губернияын вöлöма майтöг да кучик вöчан заводъяс, кык судта керка, а революция бöрын нинöмыс абу кольöма: ставсö мырд-дöмаöсь антихрист-большевикъяс?.. Кыдзи пö он проклинайт тайö властьсö, сийöс кö асьсö, Иван Моховöс, большевикъяс кулакавлöмаöсь да ыстöмаöсь ссылкаö, чöртыс тöдö кытчö?.. Народ, дерт, оз поддърживайт тайö властьсö, и тешкодь, мый сийö властьыс öнöдз кутнысьö, кызь квайт во нин!.. Öнi, дерт, доблестнöй германскöй армия помалас тайö властьсö, и кватитчан да сийöс — Мохов Иванöс, — кодöс танi шуöны Волгинöн, Германияса господа оз вунöдны: бөр сетасны му, мельнича, батыслысь заводсö, кöть нин öтисö..

Николаев гордöя видзöдлывлis зондер-фюреръяс Зинке да Клинке вылö, кодъяс пыр вöлины сылөн урокъяс вылын. Зинке да Клинке ошкана довкйöдлisны юрнаныс.

— Ноко, Павлов...— водзö юасьлis Николаев.— Öнi тэ висьтав.

Павловöс (збыль вылас сийö вöли Михаил Годов) Николаев ачыс аддзис военнопленнöйяслөн лагерысь да ёна гордитчис тайöн: войнаöдз Годов лукавлöма тюрьмаын. Татшöм йöзыс немецкöй разведкалы торйöн ёна колisны...

— Висьтав: мыйла народыс оз кöсйы поддърживайтны Сöветскöй властьсö?

Годов-Павлов кöрлö плешсö, видзöдлö пöтöлökö, ышловзьö да шуö:

— Вунöдi.

— Мый вунöдiн?— скöралö Николаев.

— Вунöдi, кыдзи тi висьтавлiнныд.

— Дурак, йой!.. Тэнö өд асьтö большевикъяс видзисны тюрьмаын?

— Вөвлі тайö.

— Но, и...

Годов-Павлов бара ышловзё да шенышт-чö кияснас:

— Да өд эг судзсьыв: дас öти тысяча — он öткажитчы... Ме сэки складовщикöн уджалі базаын. А öти друг...

— Ланьт!— скöрысь горзö учитель.— Дыр-ö тэ лукалін? Кык во? Этша тэныд, подлецлы, сетöмаöсь: унджык колі, дырджык эськö эн вунöд!

Николаев скöралö не сöмын сыысь, мый ученикыс сылөн бöб. Годов вылö сійö пуктыліс торъя ыджыд надея. Сійö кöсйис сюйны сійöс диверсионной группаö, кодөн кутас веськөдлыны ачыс, торъя диверсионной группаö, кодөс лоö ыстöма противниклөн пыді тылö. И со — Годов нинөм оз вела!.. Но тайöс позьö не веськөдны. Диверсионной группаса членъясöс ёнджыкасö кутасны велөдны оз тані, а доктор Магалиф санаторийын...

Доктор Магалифлөн санаторий — шпионско-разведывательной школалөн филиал — буретш вöлі сійö местаөн, көні будущей шпионöс да диверсантöс велөдісны быдтор вöчны, мый колö сылөн профессия сертиыс.

Таысь кындзи, разведывательной операция нуөдөм вылö бöрийөм йөзсö колö вöлі торйөдны мукөдсьыс да действиеяс заводитчытөдзыс видзны гусьөн. Медым неқод эз болгы лоан задание йылысь, медым диверсантъяс велалісны öта-мөд дінас, медым...

Тайё бөръя «медым» кывйыс вөлі, пөжалуй, медся важнойон операциясө нуодом вылө.

Участвуйтны десантын, Николаев кымдзи, долженось вөліны дас өти морт. Но «доктор Магалиф санаторийын» вөліны дас куим морт.

Дас куим

«Коді на пиысь — ас морт, а коді — абу? Кодлы позьё эскыны да веритны, а кодысь колө повны биысь моз?..»

Александр Доронин мөд недель нин олө «санаторийын», но решитны тайё вопрось-яссө век на эз вермы.

«Санаторийын» вөлі чорыд режим. Усадьбаысь петны вөлі некыдз оз позь. Сёрнитан кодкөдкө кыкөн ас кежысь — кыпөдан подозрение. Некод эз төд да и сёлөн правоыс эз вөв төдны мөд мортлысь збыль овсө да збыль нимсө.

Правда, разведывательной школыын велөдчысыяс ёнасө эз пөльзуйтчывны тайё нимьяс-нас: быдөн төдісны, мый налөн ставныслөн абу настоящей ним. Та вөсна найө асьнысө нимтылісны ас ногөн. Тайё нимьяссө сетаवलісны өта-мөдныслы национальной признак серти, либө вөвлөм военной специальность серти.

«Вася — танкист», «Лёня — белорус», «Алёша — татарин» и «Алёша — казак», «Коля — казак» и «Коля — украинец», «Петя — радист» да с. в. Доронинлы сетісны ним «Серёжа — выль морт»: сійө санаторийө локтіс

ставсьыс медбӧрын, весиг эз вӧв Вана-Нурси-ын Зинкелӧн да Клинкелӧн заведениеын.

Александр Доронин зӱлис тӧдмавны найӧс, видзӧдлывлӱс на вылӧ, корсюрӧ и найӧ гусь-ӧн сюся видзӧдлывлӱсны сы вылӧ.

Дас куим морт пиын вермисны лоны другъяс, ёртъяс, найӧ, кодъяс шуисны используйтны тайӧ случайсӧ сы могысь, медым мынтӧдчыны лагерысь да пышйыны оккупируйтӧм зонаысь. Но вермисны веськавны и врагъяс — гитлеровскӧй прислужникъяс, ас вӧляысь врагладор вуджысьяс, пеж йӧз.

Дас куим пиын вермисны лоны и сэтшӧм йӧз, кодъяс эз тӧдны, мый вӧчны, эз аддзыны правильнӧй решение, вӧліны шӧйӧвошӧмаӧсь война заводитчан кадся неудачаясысь, кодъяслысь лагерьясын олігӧн юрнысӧ кольмӧдісны лӧжнӧй фашистскӧй пропагандаӧн...

Со, например, Алёша-татарин.

Быдӧн тӧдісны, мый Николаев вайӧдіс сі-йӧс Вана-Нурсиысь аслыс денщик пыдди. Кывзысьысь, этша сёрниа, настӧящӧй «ино-родец» — абу ӧмӧй медбур денщик сылы, кодӱ аслас кадӧ помавлӧма кадетскӧй корпус да зильӧ петкӧдлыны быдторйын царскӧй офицерлысь аристократизм, сылы, кодӱ вӧлӧма бура тӧдса адмирал Колчаккӧд!..

Алёша-татарин лӧсьӧдліс Николаевлы завтракъяс да ӧбедъяс, чиститӱс сылысь мундир-сӧ, шнура сапӧгъяссӧ, пеславліс белльӧсӧ, а узыны водігас мыськавлӱс Николаевлысь кокъяссӧ. И ставсӧ тайӧс вӧчис кыв шутӧг, лӧня, зӱля.

Шпионско-разведывательнӧй школаын велӧдчысьяс эз кывлыны сысянь ни ӧти кыв.

Усадьбаод сійо ветлөдліс вуджөр кодь, эз лысьт лэптывны синьяссө. Зэв шоча вөлі позьö аддзывны сылөн сук съод син лысьяс увсьыс синьяссө, көні төдчис полөм, шөйö-вошөм...

Отчид асывнас, кор усадьба двoryн дзори-дзалысь каштан улын Александр Доронин вөлі чиститө ручнөй пулемёт, сы дорө матыст-чис Пашковский (тані нимтісны «Пөрысь Сенькаөн»). Пуксис ськөд орччөн, гөститөдіс сигаретаөн да дыр видзөдіс, кызди Александр мавталіс разберитөм пулемөтлысь механизмъ-яссө. Сэсся видзөдліс гөгөр, нюммуніс да ньөжйөнник шуис:

— Да-а... А тайөн, буракө, ас йөзөс ковмас лыйлыны? А?..

Доронин кыліс, кызди чеччыны мөдіс сьөлөмыс, сы морөсө ыльнитіс быттьө шоныд төвру. Абу-ө өрт?..

Доронин эз вочавидз сразу, сөмын бергөд-чыліс сылань да видзөдліс Пашковскийлы синмас. «Пөрысь Сенька» мудера нюмъяліс, вомас сигаретаыс тіраліс.

— Ас йөзөс, мися, лыйлыны кутам...— мөдысь шуис «Пөрысь Сенька» да вөрөдыштіс щөкасө.

Александрлөн юрас мөвпыс жуис, сійө бөр-йис кывъяс, мый өтветитны, и видзөдліс гөгөрбок: оз-ө кодкө кыйөд на бөрся?

Сідзи и эм: керка дорын скамья вылын пукалө «Петя-радист» и мыйлакө сюся видзөдө буретш сы вылө, Александр Доронин вылө. Со «Петя-радист» очсовтіс да паськөдөм вом дорас матыстіс кулаксө — муртса эз суй сійөс

веськыда вомас. И сэк жö «Петя-радист» пыр
веськыда видзöдiс сы вылö, Доронин вылö.

Гөгөрвоана.

Доронин бара заводитö ниртны маслöось
рузумөн пулемётлысь затворсö да быттьökö
чуймömөн юалö:

— Тайö нö кодьяс лооны — ас йöзыс? Не-
кыз ог гөгөрво...

«Пöрысь Сенька» шыбитiс сигарета помсö,
сьöвзис:

— Да ме прöстö сiдз... Шутитi.

И недыр пукалыштöм бöрын сийö чеччис
да мунiс.

Александр чышкыштитi. соснас плешсьыс
нылöмсö.

Öнi ставыс лои гөгөрвоана: «Пöрысь Сень-
ка», сийö жö Пашковский — провокатор, ко-
дöс фашистьяс нарошнö видзöны группаын,
медым тöдмавны настроениесö «курсантъяс-
лысь». Вермас лоны, сийö абу öтнасөн. Колö
лоны сюсьджыкөн.

Но öнi позьö вöли не сомневайтчыны мö-
дын: «Петя-радист» ас кадö сетiс тöдны опас-
ность йылысь,— сiдзкö сийö настöящöй друг,
ёрт, код вылö позьö надейтчыны.

Доронин важысянь нин думсьыс радейтлiс
тайö гöлубöй синъяса том мортсö. «Петя-ра-
дист» сiдз жö, кызди и сийö, Вана-Нурсиса
шпионскöй школаö эз веськавлы: Николаев
вайöдiс сийöс «Доктор Магалиф санаторийö»
военнопленнöйяслөн лагерысь, опытнöй ра-
дистöс дыр корсьöм бöрын. «Санаторийын»
сийö олiс йöзсьыс торйөн, сы вöсна мый ра-
диорубкаö пырны вöли некодлы оз позь.
«Петя-радист» велöдiс сэнi рация, практи-

куйтчис. Но кызди тыдовтчис, «санаторийын» сийо удитома нин мыйсюрө тодмавны, весиг и Пашковский йылысь.

Регыд мысти налы удайтчис ас кежсьыс сёрнитны — войнас, уборнойын.

— Вай тодмасям,— шөпкөдіс «Петя-ра-дист»,— Андрей Одинцов. Владимирьысь. Ткач. Александр висьталіс асьсө.

— Тэ Иван Сусанин йылысь кывлін? Опера эм сэтшөм...— сёрнитіс радист да сюся видзөдліс Доронин вылө.— Кызди сийо гөсть-яссө вөрө нуөдіс?

— Төда ме тайо операсө,— довкнитіс Доронин.— Музыкасө Глинка гижис...

— Вот-вот... Миянлы сийөс эськө ворсны нотаяс серти, а?

— Абу паныд. Ачым думайтлі нин.

Найө топөдлісны өта-мөдныслысь кинысө.

— Отитор он төд: кызди мукөдыс?— шуис Александр.

Да, а кызди мукөдыс?

Воспитайтөм могысь

Қымын кутіс матыстчыны десантнөй операция нуөдан кадыс, Николаев пыр ёнджыка төждысис сы вөсна, медем кыпөдны сьөлөмсө десантникьяслысь, ышөдны найөс. Сылы вөлі колөны йөз, кодьяс вөліны дасьөсь не сөмын кыв шутөг вөчны ставсө, мый тшөктасны, но и чорыда эскыны, мый германскөй армия — непобедимөй, мый Қоймөд империя — великөй, мый фюрерлөн миссияыс — историческөй.

Разведка штабын бура гөгөрвоисны Николаевлысь көсийөмсө, весиг ошкисны сылысь

предложениесö. Вöлі шуöма «Магалиф санаторийысь» öти мортöс нуöдлыны Берлинö. экскурсия вылö, медым сийö ас синъясөн аддзыліс райхлысь столица да висьталас сы йылысь мукöдъясыслы.

Николаев бöрийс курсантöс, настöящöй овыс кодлөн вöлі Гламаздин, сетöмыс — Стрельцов, а ас костаныс шуисны — «Коля-казакөн». Николаевöс важысянь интересуйтис, мыйла тайö мортыс öтдортчö мукöдсьыс, абу варов, кажитчис, мый сийö вообщö абу развитöй. Но век жö, сийö вöлі воспитайтём вылö интереснöй объектөн.

Николаев да Коля-казак мунисны öтлаын.

Первойя луннас Берлинын петкөдлісны сылы карса достопримечательностьяс. Николаев нуöдис Коля-казакöс Зигес-аллея вылö, көні аллея бокъясас орччөн сулалісны чугуन्नöй да бронзöвöй истуканъяс, вöла да пода фельдмаршалъяс, жодъяс петкөдлісны прусскöй военщиналысь бесславнöй походъяссö.

Унтер ден Линден улича вылын Коля-казак аддзыліс Бранденбургскöй ворота, веськыдывьсыс — рейхстаг, кодöс дас во сайын провокация ради фашистьяс öзтылісны, шуйгавывьсыс — Гитлерлысь имперскöй канцеляриясö, жöні фашистьяс лöсьöдисны война öзтан плансö.

Вöліны Курфюрстендаммын, Тиргартенын, Фридрихштрассе вылын. Көнсюрö найö аддзылісны зданиеяс, а то быдса кварталъяс, кодъяс жугалöмаöсь неважөнся бомбардировкаысь.

Рытнас Коля-казаклы петкөдлісны немецкөй культура. Нуөдісны циркө.

Бравурной марш ворсөм бөрын арена вылө петанінө сувтісны зарни мундирьяса униформистьяс, дзик сэтшөмөсь жө, кутшөмөсь вөліны Зигес-аллея вылын бронзаысь вөчөм фельдмаршальяс.

Сэсся арена кытшөд ветлөдлісны вөвьяс, а кузь тушаа косіник морт мунігкостыс пуксьывліс на вылө, бөр чеччыштліс да барачеччыштліс вөлыс вылө, и медым серамсө петкөдлыны йөзыслысь, вөчаліс сэтшөмторьяс, мый вөлі видзөднысө зывөк, и висьтавыны яндзим.

Вөвьяс гөрдлісны. Йөзыс на моз жө гөрдлісны.

Сэні жө тшөтц гартчис музыкальной клоун. Сійө йөй моз котраліс арена вылөдыс да йөзыслысь серамсө петкөдлөм могысь лэдзалис аслас тромбонысь сэтшөм шыяс, кутшөмөс позьө кывны скөт картаын.

Циркын пукалысьяс гөрдлісны-сералісны. Коля-казак, кодкөд орччөн пукаліс ар дас сизима кымын еджыд юрсиа ныв, тупкыліс яндысьөмысла гөрдөдөм чужөмсө. Весиг Николаев, коді пукаліс сылы мөдар бокас, буракө, яндысис жө да скөрысь ратшкөдіс чуньяс-нас...

Аскинас Коля-казакөс нуөдісны фашистскөй митинг вылө, коді вөлі кутшөмкө ыджыд залын. Стеньясас сэні өшалісны сьөд свастикаа еджыд полотнищяс. Эсэсовскөй мундира ыджыд ён морт кияснас лөкысь өвтчигтыр горзіс микрофонө.

— Кальтенбруннер...— Коля-казаклы шөп-
нитіс Николаев...

Коля-казак кыліс тайё фашист сёрниысь
некымын тōдса кыв: «Украина», а сэсса —
«брот» (нянь), «тоталь», а бōрыннас «криг»
(война). Тайё бōрря кывъяссō шуалигōн ора-
тор кулакнас лёкысь зымōдіс трибунаō,
мый и переводиттōг позыō вōлі гōгōрвоны,
мый сійō лоō эсэсовецъяслōн вожак Кальтен-
бруннер серти «тотальной войнаыс».

Қор сійō помалис ассыс речсō, залын ку-
тісны горзыны «Хайль Гитлер», «Хох»— и то
лэптылісны кияссō вывлань, то нюжōдлісны
водзō.

Қоля-казак казяліс, мый залас унджыкыс
вōліны олōма йōз, кодъяслōн важōн нин ко-
льōма призывайтчан арлыдыс, да томиник
зонъяс, кодъяслōн оз на тырмы арлыдыс.
Тайё зонъясылōн, кодъяслōн вом дорсьыс абу
на косьмōма мам йōлыс, лёкысь дзирдалісны
синъясыс...

Қоля-казаклы кызкō друг лоліны жальōсь
тайё кельыд чужōма зонъясыс, но сійō чоры-
да чабыртіс кулаксō да пōдтіс ас пытшкас
жалитан чувствосō.

Сэсса найō ветлісны заводō, кōні вōчалісны
авиабомбаяслы оболочкаяс.

Вōліны найō и Берлин дорса Марцан сик-
тын: Николаевлы окота вōлі петкōдлыны ку-
лак-гроссбауэрлысь образцōвōй овмōссō.

Овмōсыс збыль вōлі образцōвōй. Электри-
чествоōн югдōдōм да бисō маскируйтōм сōс-
тōминик теплицаяс. Парникъясас веж рōса-
да. Картаас пōрōдистōй мōсьяс.

— Россияысь тэ татшөм мөсьяссө аддзы-
лін?— ошйысигмоз юалис Николаев.

Коля-казак эз удит өтветитны.

Стойла сайысь друг мыччысис томиник
нывбаба. Сылөн киясыс гырдазаөдзыс вөлі
лякөссьөмаось куйөднас. Унаысь нин мысь-
калөм көсынкасө юр вылас чышъяналөма
сідзи, кызди чышъянавлөны сөмын роч сиктъ-
ясын. Синкымъясыс векуштчөмаось, пыктө-
маось, видзөдласыс — скөр, чужөмыс блед...

— Коді сэтшөмысь?— көзяиныслысь немец-
көй кыв вылын нин юалис Николаев.

— Роч,— чужөмсө көрліс гроссбауэр.— Не-
важөн вайим. Ме сійөс ордер серти вайөді...
Война — уджалан кияс оз судзсыны. Эй,
тэ!— видзөдліс сійө нывбабалань да лөкысь
горөдіс:— Мый видзөдан? Тэрыбджыка вөр!..

Берлинысь бөрсө мунісны войнас. Дзурс-
пемыдас дзесбсьөма пемдөдөм кар. Кымөръяс
пөвстын уялісны прожекторъяслөн кельыд
югөръясыс.

Воспитайтөм могысь экскурсия помасис.
Кор нин воис «санаторийө», Коля-казак усь-
көдчис кымыньөн аслас крөвать вылө, курч-
чис пөдушкасө, думсыс проклинайтіс:

— О, гадьяс!..

Аслад — сөмын сьөлөмыд

Николаев корис Доронинөс аслас кабинетө
да мыччис сылы көвийөн көрталөм тубрас:

— Пасьтась.

Тубрасын вөлөма лөз костюм-тройка, виза
сорочка-дөрөм, галстук.

Александр вежис паськөмсө. Николаев видзөдліс сы вылө юр вывсяныыс кок улөдзис, колис, буракө, дөвөлен да таркөдыштіс карандашөн стенө. Локтіс кутшөмкө немец, коді сьорсьыс вайис треногаа фотоаппарат. Фотограф пуксьөдіс Доронинөс улөс вылө, веськөдіс сылань аппаратсө, щолснитіс затворнас. «Фертиг» — гөтов...

— Пөрччысь, — тшөктіс. Николаев. — Верман мунны.

А кык лун мысти сійө бара корис Александрөс ас ордас. Меліа нюмъялігтыр, сійө босьтіс пызан вывсьыс гөрд коркаа ичөтик книжка да мыччис сійөс Доронинлы:

— Поздравляйта... Надейтча, оправдайтанныд дөверие. Тадзи, буракө, шулывлөны татшөм случайяс дырйиыс?

Александр кельдөдіс. Сылөн киас вөлі ВКП(б)-са членлөн партийнөй билет. Номер, пыран во, печать... Партийнөй взнос мынтөм йылысь пасйөдьяс... Билетсө гижөма Сергей Токарев ним вылө, но фотокарточкаыс сылөн, Доронинлөн, кольөм лунся снимайтөмыс...

И сәки жө син водзас сувтіс серпас: блиндаж, кытчө немецьяс шыблалөны гранатаяс; замполит кок дорын ичөтик бипур; чукрасьөны да сотчөны биын лист бокьясыс партийнөй билетлөн, кодөс коммунист Александр Доронин новлөдліс сьөлөм бердас...

И вот со кийн — лөжнөй, фальшивөй документ, кодөс вөчөмаөсь гитлеровецьяс. Тайө фальшивкаыс сотө сылысь кисө.

— Кажитчө? — век на нюмъялө Николаев. — Бура өд вөчөма, правда? Дзев, мукөч

документъяссö сетам лэбзьöм водзвылад..
Öнi видзöд татчö.

Николаев паськöдiс пызан вылас географической карта. Александр пыр жö тöдiс рытыв-лунвывсянь асыв-войвылö нюжöдчысь ромб кодь территориясö. Тайö — Коми республика, Доронинлөн рöднöй край.

— Со тани,— шуис Николаев да индiс карта вылысь чут, кытчö вöли пасйöма пöла крест. Лöз карандашөн пасйöм тайö пöла крестысь вöли матын сэтысянь, кытi Печора вомөн вуджö кöрт туй. Пöла крестнас вöли черкнитöма Печора юдорса сиктлысь нимсö: «Кедрöвöй шор»...

— Тани...— мöдысь шуис фашист.— Уна-ö сэни йöзыс?

— Кутшöм сэни йöз! Парма...

— Зэв бур. Лун куимөн татчöдз воам?

Öнi Николаев петкöдлiс буретш сийö местасö, кытi Печорской кöрт туй вуджö Печора ю вомөн. «Пос!— гөгөрвоис Доронин.— Да, сэни ыджыд пос... Сидзкö, медводз сийöс кöс-йöны взорвитны...»

— Мунны абу сьöкыд,— Николаевлы вочавидзис Доронин.— Войясысь югыдöсь — регыд июнь. А сэтчöдз лöк километр нелямын, оз унджык...

— Да, сидз,— довкнитiс юрнас Николаев: сийö радлö, мый проводникысь тöлка.— А сэс-ся миянлы ковмас мунны татчö...

Водз чуньысь сьлөн шлювгö-лэччö кöрт туй пöлөн увлань, лунвылö. Ухта... Неуна шуйгавылынджык. Стоп... Веселöй кут.

— Татчö миянлы отсöг вылö воас ещö öти группа. Ыджыд группа!— Николаев лэптылiс

чуньсö да гажаа нюммунис.— Тани ми заводитам уджавны, кыдзи колö!

Николаев лэдзис проводниксö, сэсса ещö прöверитис список серти снаряжениесö, кодi колö операциясö нуöдöм вылö.

Тол — 188 кусöк, 378 кусöк гаровтöма тубрасөн. Бикфордöвöй шнур — 10 круг... Магнитнöй минаяс. Подрывнöй батареяяс... Гаечнöй ключьяс. Зажигательнöй шашкаяс. Синильнöй кислота тыра ампулаяс... Оружие: Дегтярев системаа роч ручнöй пулемёт, мелкокалибернöй миномёт, пистолетьяс: «Парабеллум» — 10, «Вальтер» — 10, «Наган» — 10; автомат — 10. Полевöй радиостанция...

Сöветскöй деньга (вöчöма Берлинын) — 300 тысяча шайт. Фальшивöй печатьяс, штампьяс, факсимилеяс. Заполнитöм бланкьяс, ордерьяс, удостоверениеяс, нянь карточкаяс...

Да, ставсö лöсьöдöма бура. Артыштöма ставсö.

...Александр Доронинлысь вөрзьöдис сьöлöмсö тайö бөрья сёрниыс. Гитлеровецьяс лöсьöдчöмаöсь бура, кöть и авантюраыс рискованнöй. Планьясыс гирысьöсь. Колö вöли дзик пыр жö аддзысьлыны Андрей Одинцовкöд, висьтавыны сылы планьяс йылысь, сöветуйтчыны.

Но тайöс вöчны вöли öни оз позь. Радиорубка öдзöс дорын вешйывтöг, лун и вой, сулалисны часöвöйяс. Одинцовöс öтнассö некытчö эз лэдзлыны. Бөрья луньясö сылы сетисны секретнöй код, висьталисны волна, код серти сылы ковмас йитчыны разведкаса штабкöд. Сетисны и позывнöйяс: «Б7-Б7» — штаб-

лөн, «РД-68»—десантнэй группалөн. Суткинас сійос некымынысь тшөктылісны йитчыны «Б7-Б7»-көд, медым тренируйтчыны... Чөртыс төдө, көні сійө «Б7-Б7»-ыс, гашкө, Берлинын, а, гашкө, и тани, черепица вевта орча керкаас...

Лэбзьём водзвылас десантникъяслы ставныслы сеталисны выль обмундирование: красноармейскөй гимнастёркаяс, галифе-гачьяс, сапөгьяс. Гимнастёрка воротникьясас — алөй петлицаяс, пилоткаясас — гөрд звездаяс.

Тайө паськөмсө пасьталігөн «Доктор Магалиф санаторийын» олысьяс эз лысьтны видзөдлыны өта-мөдыслы синьясас.

Гимнастёрка зепьясас — фальшивөй военнөй билетьяс, кытчө гижөма йөзлысь ним-ов, фальшивөй печатьясас фальшивөй документьяс.

Ставыс фальшивөй, ставыс — йөзлөн...

Аслад — сөмын сьөлөмыд.

Печора весьтын «Кондорьяс»

1943 вося июнь квайтөд лунлы паныда войө Рига дорса военнөй аэродром вывсянь кыпөдчисны «Кондор» типа нель мотора кык самолёт.

Июнь 6-өд лунө найө пуксисны Норвегияө, Нарвик дорө. Тани налы содтисны ломтас. Сійө жө луннас самолётьясыс кыпөдчисны сынөдө да босьтисны курс Асыв-войвылө.

Но не сөмын аэродромсө обслуживайтысь йөз, но и местнөй гырысь чиньяс эз төдны, кытчө лэбисны тайө машинаясас.

Самолёт лэбис эз рөвнөя: корсюрө дзумгысьліс увлань, сэсся бара кыпөдчыліс вывлань. Ва веркөсьяс весьтын вераліс сук шоныд ру. Первойсө «Кондорьяс» улын шыльквидзис синнад судзтөм паськыд Баренцево море, коді кажитчис сәні шыввьялысь йияссьяс сераөн. Сэсся шылькнитчисны тундралөн помтөм эрдьясыс.

Крест сяма кык вуджөр бовьялісны то ва вывті, то му вывті...

Заводитіс рөмдыны. Тайө төдчис ещө нинсы вөсна, мый налы воча воис лемыд парма. Пармасө чукульөн юковтысь Печора пыр өтарө векняммис...

Парашютной ранецьяснас самолёт фюзеляжлөн стенас мыджсьөмөн десантникьяс пукалісны джоджас. Доронин да Одинцов вөліны орччөн. Нель моторлөн пыр өткодя гораа жургөмыс сетіс позянлун неуна сёрнитыштыны: мукөдыс татшөм шумас нинөм оз гөгөрвоны. Да и кузясө найө эз сёрнитны. Веськыда налы воча пукаліс Николаев да дугдывтөг век куритчис. Куритчөмысь лөз тшын пырыс сійө сюся видзөддывліс йөзыс вылө: тыдалө, нервничайтіс.

Тайө жө самолётын лэбисны Коля-казак, Годов-Павлов да Алёша-татарин. Алёша-татарин вөлі сэтшөм жө — йөзысь өтдортчысь, пөкөритчысь, чөв олысь. Кажитчө вөлі, сылы дзик веськодь, кытчө и мыйла сійөс нуөдөны...

Экипаж кабинаө пыран өдзөс дорын чөла пукаліс немец, штабса офицер: сійө колльөдө десантникьясөс чеччөдан местаөдзыс.

Ещё өти немец вöлі мөд самолётас. Сыкөд — мукөд квайтыс. «Доктор Магалиф санаторийын» кык -олысьөс — «Пöрысь-Сенькаөс» да сылысь другсö бөр мөдөдiсны Вана-Нурси: налөн рольыс, кызди сыщикъяслөн, провокаторъяслөн да доносчикъяслөн, сы вылын и помасис. Гитлеровскöй разведка öни вермис не сомневайтчыны, мый группаыс абу надёжнöй.

— А зениткаяс оз гөститöдны миянөс тани?— Доронинлысь нюмъялигтыр юалис Андрей Одинцов.

— Оз,— пыркнитiс юрнас Александр.— Тани зениткаясыс абуөсь. Миян Коми АССР-ын весиг бияс оз маскируйтны: пыдi тыл öд...

Да, Коми АССР-лөн территория вöлі пыдi тылөн. И немецъяс арталiсны буретш та вылө: тани öдвакө вермисны виччысьны врагысь самолёт, да ещё нин десант...

Рөмдiс, но сiдзи и эз пемды. Июнь тöлысьяс еджыд вой — шытөм, лөнъ — вералис му весьтын. Көдзыда дзирдалiс самолёт улын Печоралөн кельыд визыс.

Юыс кытчöкө друг вошис, самолёт лöлыньтчис, йöзыс усялины местаяс вывсьыс. «Кондор» вöчис вираж. Кор самолёт бөр воис нормальнöй положениө, экипаж кабинаысь петiс штурман — паськыд бан лыяса ыджыд кыз морт. Локтiс Николаев дорö да мыйкө висьталiс сылы пеляс. Николаев талыштiс кокнас помөдз курйттөм сигаретасö, самолёт стенö кинас мыджсьөмөн сьökыда чеччис да сетiс знак: «Лöсьödчыны чеччыштны!»

Воссис бомба шыблалан люк. Тöлыс шутьлялигтыр ылькнитiс сэтi. Сэни, улын, тыдовт-

чис йов кодъ еджыд ру... Костьясодыс кон-
сюрö тыдыштавліс съод вөр...

Люкөд лэбисны увлань снаряжение ящикъ-
яс, тукъяс. «Кондор» кытшлаліс öти места-
ті, и сійö жö люкөдыс позьö аддзыны груз
лэччөдысь парашютъяслысь пасыкалём ку-
польяссö. Груз шыбитём вылө парашютъяс-
ыс вöліны разнöй рöма шөлкысь,— медым
найöс жокниджыка позис аддзыны вöрысь.
Парашютъяслөн лыдыс содіс: ректысьны за-
водитіс тшöтш и мөд самолётыс.

— Öдйөджык! Öдйөджык!..— быд ногөн
тэрмөдліс Николаев.

Ящикъяс эз кольны.

— Чеччавны!..— горөдіс Николаев. Киас
сійö мыйлакө босьтöма револьвер. Бан бокъ-
ясыс сылөн дергайтчисны.

«Вот дурак!— думыштіс Доронин.— Кыдз
нö, ставөн сідз и думайтöны бөр мунны!..»

Доронин некор на эз чеччыштлы парашю-
төн, но öні ньöти эз пов. Одинцов бöрысь До-
ронин матыстчис люк дорас, видзөдліс улиас
да чеччыштіс ру пиö...

Бипур дорын лыйсьöm

Комын нель парашют — йөзөн да грузөн —
лэччисны пармаö.

Гөгөр шыльквидзис уна дас километръяс
пасьта сук парма. Вöрас консюрö ланыдась-
лісны сотчөминьяс. Парматі чукльөдліс век-
ныдик да ляпкыдик Вой-Вож ю. Гөгөр вöлі
чөв-лөнъ... Сöмын корсюрö пуяс вылын горөд-
лісны лэбачьяс. Пармалысь чөв-лөнъсö öні
ещö торкисны тані некор на кывлытём шыяс.

тайё тутсісны сигнальнөй рожокъяс: десант-никъяс корисны өта-мөдсө.

Доронин да Одинцов чеччыштисны самолётысь пөшти өтпырйө и воисны муас — стөч-джыка шуны, өшйисны орчча пуяс вылө пөшти өтпырйө жө. Қовмис вундавны кинжалъясөн парашют гезъяссө. Пуяс вылысь лэччигөн налөн жиясыс гирейысисны вирөдз, косясьлісны комбинезонъясыс.

— Ловъя?

— Ловъя.

— Чолөм ас мулы!..

Көнкө матын кыліс куимысь тутөстөм шы: тайё Николаев сетіс сигнал чукөртчыны өтлаө.

Андрей Одинцов перйис кабурасьыс «парабеллум», куроқсө пунктіс предохранитель вылө да суйис гач зептас.

— Тэ — мый? — зумыштчис Доронин.

— Нинөм... Мыйөн аддза — пыр жө лыя: горөдны оз удит. А сэсея мунам корсьны ас йөзөс...

Александр пыркнитіс юрнас:

— Оз позь лыйны. Колө сійөс ловйөн босьтны, да ловйөн нуөдны ас йөз дорө...

— А кыдзи тэ тайөс вөчан?

— Сёрнитам мукөдыскөд. Оружиесө мырдям. Вөрысь петны колө ставнымлы өтлаын...

Рожок век на тутсіс.

Кык друг мөдөдчисны неиджыд эрдлань. Сэні чусаліс нин коз лапъясысь өзтөм бипур, еджыд тшын сюръяөн моз кайис небесаас. Қокъяссө таджиктөмөн Николаев сулаліс бипур дорас. Бокынджык Алёша-татарин вөчө

вөлі парашютной шөвкысь шалаш: сійө, буракө, өні век на денщик пыдди...

— Көні мөд группаыс?— юалис налысь Николаев да сюся видзөдліс на вылө.

— Некодөс эгө аддзылөй,— вочавидзис Одинцов.— Колө лоны, найө ылөджык лэчисны — төлыс лэбөдіс. Либө вошисны вөрас...

— Вермам корсьны,— шуис Александр. Сійө бура гөгөрвоис, мый өні медся главнойыс — сёрнитчыны мукөдыскөд өтвив дейстувйтөм йылысь, мырддыны Николаевлысь оружиесө, да петкөдны став группасө матысса сиктө, кытысянь поэьө йитчыны оперативной органьяскөд.

— Некытчө онө мунөй!— шуис Николаев.— Поэьө юны ром порция да ужнайтны...

Опытной шпион-диверсант бура төдіс обстановкасө. Төдіс и сійөс, мый кытчөдз десантникьяс өткөн ветлөдлөны парматі, найө быдөн подчиняйтчөны сылөн волялы, сылөн властылы, и кыссьөны татчө, бипур дорө. Найө кө лоөны өтлаынөсь, вермасны петны сы влияние улысь...

— Некытчө онө мунөй!— мөдысь шуис Николаев.

Сійө эз өшибитчы. Регыд мысти вөрысь заводитісны воавны мукөд парашютистьяс. Откымынөн весиг кыкисны ас бөрсяыс тукьяс. Волісны бипур дорө, өзтылісны сигаретаяс да чөв олігтыр видзөдісны би вылас...

Одинцов да Доронин видзөдісны өта-мөд вылас. Наөн лөсьөдөм планыс явө торксьө вөлі сідзи жө, кыдзи выліас разалө тшыныс. Некутшөм сёрнитчөмьяс йылысь өні сёрни оз

вермы лоны. Медводдза кыв шуом бõрын жõ Николаев лыяс сёрнитысьыслы, а мукõдыс... мукõдыс бара кольõны кывтõм пемõсьяс кодъõсь: оз кутны веритны õта-мõдыслы, бара кутасны овны асланыс думъясõн...

Враг сõмын та вылõ и артавліс, кор ыстіс сõветскõй тылõ дас õти военнопленнõйõс, кодъяс мучитчисны лагерьясын, кодъяслы дугдывтõг грõзитісны да повзьõдлісны, кодъяс õта-мõд йывсьыс эз тõдны нинõм, асланыс фальшивõй нимъяс кындзи. Дас õти морт — дас õти õтка лов. И на пиысь быдõнкõд торйõн справитчыны абу нин сэтшõм сьõкыд!..

— Мый шогõ усинныд?— кыпыда шуис фашист. Киас сылõн век на вõлі револьвер, а синьясыс сюся видзõдісны десантникъяс вылõ. Николаевлы эз кажитчы тайõ чõв олõмыс:— Гортõ локтõм бõрын, шуõны, колõ лоны га-жаджыкõн, а?..

Александр Доронин эз удит весиг казавны, кыдзи Одинцов кыскис зепсьыс «парабеллум» да тшын пырыс лыйис Николаевлы.

Сійõ жõ здукас кыліс воча лыйõм шы. Николаев уськõдчис, кõч моз петляйтіг, пышйыны бокõ, понõльяс сайõ. Кинас сійõ кутіс шуйга пельпомсõ: тыдалõ, сәті ранитчõма.

— Ук, чõрт!— ёрччыштіс Андрей Одинцов: сылõн пистолет шнурыс сибдіс патронник да курок костас, та вõсна мõдысь лыйны сійõ эз удит. Но и сідз нин вõлі сёр — ранитчõм фашист саяліс понõльяс пиõ. Сәтысянь Николаев лыйис ещõ на кыкысь — õти пуляыс дзижнитіс-тõвзис Доронин пель дорті.

— Всё равно — кутам!.. — горөдіс Одицов. И сапөгнас бипурсө разөдөм бөрын уськөдчис понөльяс пиө.

Александр Доронин босьтис автомат да уськөдчис котөртны ёртыскөд орччөн. Муніг-мозыс автоматсьыс сійө лэдзис кустьяс кузя-ыс кузь өчередь.

Вөрсяныыс нин видзөдліс бөрвылас: бипур местаын чискисны сэрапомьяс да чади-тисны эрдсө виж тшынөн. Алёша-татариньыс кындзи, сэні некод эз вөв...

Вөрсаяс

Аким Федотович Суханов, «Кедрөвөй шор» совхозысь «Развилка» фермаса счетовод, асывнас садьмис водз. Удж вылас мунтөдз шуис ветлыны вуграсьны. Төрыт рытнас сійө корсяліс нидзувьяс, лөсьөдіс вугыр шатиньяс. Дерт, ю дорө колө вөлі воөдчыны югдытө-дзыс на — медым суны черилысь сёян кадсө. Июнь төлысьын войвылын югдө водз, войнас пөшти оз пемдыв, и кор удитан узыны?

Нель час асылын шондіыс вылын нин, но фермаын век на чөв-лөнь, ставыс на узьоны. Чөв-лөнь и вөрын. Ю дорө нуөдысь трөпаыс эжсялөма, и өні лысваа. Сэні пожөм яг саяс, ичөтик ю...

Аким Федотович дрөгмуни: пожөмьяс сайысь трөпа вылө петисны кыкөн. Кык төдтөм морт локтисны сылы воча. Косясьлөм пась-көмаөсь, коскөдзыс көтасьөмаөсь, шатласьө-ны — збыль өд вөрсаяс...

Счетовод лөсьөдчө нин вөлі пышйыны: код-көд он паныдасьлы вөрад, а тайөяс ещө —

оружиеаоьсь!.. Но сэки Аким Федотович адзис налөн пилотка вылысь гөрд звездаяс, а гимнастёрка воротникъяссыс — алөй петлицаяс и успокоитчис: красноармеецъяс жө. Велөдчанінысь, көнкө, локтöны?..

— Бур асыв!— чолөмаліс сійö найöс ылісянь.

Красноармейскöй формаа йөз матыстчисны. Öні налөн бура төдчисны тошсялөмысла рудмөм, омөльтчөм чужөмъясыс да узытөмысла гырдымөм синъясыс.

— Со мый, папаша...— шуис öтиыс на пысь.— Ми немецкöй десантысь. Тöрыт войнас татчө чеччөдісны... Диверсионнöй группа...

Аким Федотовичлөн уси кысыс нидзув тыра туисыс, чуймөмысла ласькаліс вомыс. Босьтіс йирмөг...

— Көні тані тиян начальствоыд?— бараюаліс пилоткаа төдтөм морт.— Нуөд миянөс да өдйөджык... На кут тайөс...

Төдтөм морт босьтіс пельпомсыс автомат да сетіс сійөс Аким Федотовичлы. Мөдыс сідз жө ассыс автоматсө өшөдіс счетоводлы пельпомас. Сэсся Аким Федотовичлөн пинжак зептас лөи кык револьвер. Öні сійö ещө өнджыка ловзис — некөр сійö эз вөдитчыв татшөм оружиенас...

— Нуөд öні вай. А вугыр шатинтө вай меным...

Найö кыкнанныс мөдөдчисны трөла кузя Аким Федотович водзвылын. Мунісны сьöкыда, муртса кыкисны кокъяснысө. А ыджыдджык тушааыс весиг чотіс.

Аким Федотович Суханов гөгөрвоны кутіс, кытчө сійö веськаліс. Сійö лөи увереннöй-

джык, и весиг öти автоматсö чургöдiс водз-лань. Ферма дорö матыстчигөн сийö весиг кутiс думайтны сы йылысь, оз-ö удайтчы сылы тайö вöвлытöм происшествие бöрас пöлучитны кутшöмкö медаль...

Недыр мысти Доронин да Одинцов пука-лисны нин МТФ-са заведующöйлөн кабинетын, а заведующöйыс ачыс звöнитiс телефöн:

— Кедрövöй шор!.. Кедрövöй шор!.. Кожва!.. Кожва!..

Александр видзöдлiс Одинцов вылö: сийö, пызан вылö юрсö пунктöмөн, узис. Доронин-лөн синъясыс куньсисны сiдз жö асьныс, но колö кутчысьны...

...Некымын час чöж Одинцов да Доронин корсисны Николаевöс вöрын. Найö кытшла-лисны матiгöгөрöдыс быдлатi. Пырисны пар-маö. Но фашист быттьö ваö вöйöма. Эз весь-кавны налы и мукöдыс. А кадыс мунiс.

— Омöль делöыс,— шуис Доронин.— Тадзи миянлы быдса сутки на ковмас корсьысьны. Вермам веськавны засадаö... А десант йы-лысь, көнкö, некод на нинöм оз тöд. Глав-нöйыс — висьтавны! Колö петны кутшöмкö сиктö. Ас йöз дорö...

— А кытысь босьтан картасö?— юалис Анд-рей.— Картаыс öд эсийö леж паразит ордас...

Да, дзик öти топографическöй карта вöли Николаев ордын. Доронин думсьыс кöсейис-син водзас сувтöдны сийö картасö, кодöс Ни-колаев öтчюд петкöдлiс сылы «Доктор Мага-лиф санаторийын» на.

— Колö мунны войвылö,— увереннöя шуис сийö.

Быдса лун и быдса вой кык друг мунисны парматі. Вöйласисны зыбунъясö, келісны юяс вомөн, век мунисны водзö. Александр йирис вом доръяссö дойысла: военнопленнöйяс-лөн лагерын сылөн чорыда висьмисны кокъясыс, öнi ещö на ёнджыка висисны.

— Вай шойчыштам,— ёртыслөн мучитчöм вылö видзöдiг шулывліс Одинцов.

— Огö. Колö юөртны...— вочавидзліс Доронин да, кокъяссö муртса кыскигтыр, мунліс водзö.

Аски асывнас, шондi петöм бöрын, найö петісны кутшöмкö трöпа вылö, кодi висьталіс сы йылысь, мый көнкö тані матын эм сикт. Тані и налы паныдасис Суханов...

... Найöс садьмöдісны.

Пызан дорас сулаліс чекист формаа морт. Сы бөрвылын — винтовкаа боецъяс. Ывла-сянь кыліс автомобиль моторъяслөн жургöм.

Доронин да Одинцов висьталісны чекистлы ставсö, мый найö вöлі тöдöны. Пукталісны пызан вылö фальшивöй документъяссö. Одинцов перйис зепсьыс да сетіс офицерлы секретнöй радиокода таблица.

— Сідзкö, фашистыс дышйис?— юаліс чекист.— Ладнö, ылöдз оз мун... Тi верманныд нуöдны отрядсö десант чеччöданінас?— Доронинлысь юаліс сійö.— Али тiянлы сьöкыд лöö мунны?

— Ме дась мунны,— вочавидзис Александр.

— Ладнö...— юрнас довкнитіс офицер. Сэс-ся видзöдліс секретнöй радиокод вылö да Одинцовлы шуис:— Ме тiянöс кора кольчыны татчö.

И шыасис чөв олысь

Шалаш дорын бара öзйис бипур. Биыс азыма апалис-сотис кос лысьяса увьяс, төв йылын гартчөмөн качисны вывлаңь би киньяс. Дзуртисны кузь коз пуйас. Көнкө матын сёлөдчис изья пыдөса ляпкыдик ю...

Алөша-татарин пукалис бипур дорын, чегьялис кос му увьяс да шыблалис найөс биас. Сийö чөв олис, пукалис зумыш.

Сийö пыр чөв олис — кык во чөж нин, сэтысянь, кор 1941 вося июнын рядөвöй Ахкамтдин Бадритдинович Расулев, кор на эз вевьяв нинөм гөгөрвоны, мый вөчсьö, веськалис пленö.

Сийö чөв олис военнопленнöйяслөн лагерын, кытчö сийöс вайөдисны; чөв олис сэки, кор деншикалис роч ова немецкöй офицерлы; чөв олис самолётын, кор сийöс дыр лэбөдисны кытчökö, а сэсса йөткыштісны восьса люкö.

«Чөв олөм — сийö зарни» — шулисны древнöй мудрецьяс. Но сийö жö чөв олөмыс — сөгласитчөм, кыв шутөг кывзысьөм. Кыв шутөг кывзысьөмыс пыр ёнджыка йиджтысис сы сёлөмö, пыр ёнджыка личкис Расулевлысь юрсö увлань. Расулев заставитис чөв овны вомсö, но сөвестыс тайöс вөчны эз көсйы...

Мый шуасны батыс да мамыс, найö кө кывласны, мый налөн медыджыд пиыс водзсасьтөг сетчөма враглы? Найö оз лэдзны сийöс гортас... Мый шуасны ас сиктса йөзыс, кор кывласны, мый Ахкамтдин Расулев — немецкöй шпион, диверсант? Найö ёрасны сийöс медся страшнöй кывьясөн, кутшөмьяс сөмын эмөсь свет вылас... Мый шуас сьöd синкыма

да сьод сэтөр синъяса ныв Хадича, кор кыв-
лас, мый сылөн жөнникыс пеславлёма белльо
да тазйын мыскавлёма кокъяссө кутшөмкө
пеж фашистлысь? Да сійө нинөм оз шу — сө-
мын сьөвзяс сылы синмас...

Ахкамтдин Расулев кунис синъяссө, пука-
лигас отарө-мөдарө довъялигтыр заводитис ым-
зыны. Оні некод оз чышкы сы вылысь по-
зорсө, оз прөстит сійөс: сійө вывти дыр чөв
олис...

— Ахметка!

Расулев дрөгмуні, сійө эз вермы не төдны
тайө гөлөссө, тайө «Ахметка» нимсө: тадзи
сійөс шуис сөмын өти морт.

Расулев сувтис кок йылас, видзөдліс гөгөр-
бок:

— Ахметка!— бара кыліс ю мөдарсянь.

Оні Ахкамтдин Расулев аддзис: мөдар бе-
регас, бадь кустъяс пиын, сулаліс Николаев.
Бадь увъяссө муртса вештыштөмөн сійө
дзоръяліс ранитчөм зверь моз.

— Ахметка,— ньөжйөнник тшөктіс сійө.—
Вай меным бинт... И фляга... Да өдйөджык.

Расулев копыртис юрсө да сапөг нырнас
заводитис кодйыны мусө. Чөв оліс — быттьөкө
нинөм эз кывлы.

— Но?!

— Колөкө — ачыл лок да босьт,— гораа
шуис Расулев.

— Мы-ый?..— Чуймөмысла да скөрмөмыс-
ла фашистлөн синъясыс сюзьлөн моз гөгрөс-
мисны.— Тэ лысьтан сёрнитны?! Но, энлы...

Николаев тэрыба петис бадь куст пиысь,
чеччыштіс ваө да заводитис кевны ю вомө-
ныс.

— Ме тэныд петкөдла гаж! Тэ менам кутан йөктыны на, проклятöй татарин...

Киас сълөн — револьвер. Шуйга пельпомас — косъмөм вир пятнаяс. Скöрысла чужöмыс векуштчöма.

— Да, ме — татарин! А тэ кодi? — горöдiс Расулев. — Тэ — абу роч, тэ — абу немец... Тэ абу морт, а пон!..

Киыс тэрыба толöдiс автоматыслыс магазинсö, сэсса автоматсьыс сяркнитiс ас водзöдыс кузь öчередьөн, быттьö тайөн Ахкамтдин Расулев кöсийс черкнитны пленын олöмыс став унижениеяссö, асьыс чöv олөмсö да кыв шутög кывзысьöмсö...

Фашист шнөпкысис-усис ваас. Сöстөм ваыс, сэни, кытчö сийö уси, гудыртчис, пемдiс. Но юыслөн визулыс öдийö кылöдiс сийö гудырсö да бара лои сöстөм.

* * *

Кор Александр Доронин вайöдiс чекистьяслыс отрядсö, шалаш дорö десантникьяс вöли чукöртчöмаöсь нин ставөн. Бокöджык вöли тэчöма öтчукөрö оружие, парашютьяс, ящикьяс да тюкьяс.

Отряд тыдовтчөм бöрын ставыс найö сувтiсны, бокьясас топöдiсны кияссö, кыдзи и колö устав серти.

«Б7-Б7» воши

«Кутшөм индöдьяс лоöны?»

«Виччысьöй. Юөртам», — вочавидзис «Б7-Б7».

«Кор виччысьны мөд группа?» — передайтис радист.

«Виччысьöй. Юөртам», — вочавидзис «Б7-Б7».

Радиосвязь ори. Андрей Одинцов пуктис карандашö, босьтис пель вывсьыс наушникъ-яссö.

— Тшöктöны виччысьны, — шуис сийö.

— Но, мый нö, — нюмунис полковник Смирнов да лэлтыштлис пельпомъяссö. — Приказ — эм приказ. Вензыны огö кутöй. Кутам виччысьны...

Вензыны тайö приказыскöд збыльысь эзковмы, артыштни кө сийöтор, мый «Б7-Б7» позывнойыс вöли германскöй армияса разведывательной штаблөн, а «РД-68» позывнойөн öнi пöльзуйтчисны... сöветскöй контрразведчикъяс.

Смел да сюсь йöз — Александр Доронин да Андрей Одинцов — не сöмын эз лэдзны вöчны Коми АССР территория вылын опасной диверсионной операция, но и висьталисны мияч контрразведкалы важной сведенияяс. Найö висьталисны сöветскöй чекистьяслы мөд фашистскöй десант чеччöдöм кузя план, индисны сийö местасö, кытчö долженöсь вöли чеччöдны мөд группасö, отсалисны расшифруйтны секретной радиокод.

Колö чайтны, мый немецкöй разведка штабын вöлины зэв радöсь, кор öти луно условной волна вылын кылис «РД-68»-лөн позывной — ыли сöветскöй тылö ыстөм диверсионной группалөн сигналъяс. Ещö на ёнджыка, колö чайтны, радлисны сымысь, кор кылисны, мый операцияс сэнi муно зэв бура, мый мөд группасö встретитны вöли сэнi ставыс нин дась...

Да, тані збыльсы вёліны дасьоьс встретитны. Сöветскöй контрразведчикъяс передайтисны та йылысь збыльтор.

Пыді пармапытшса Ухта ю дорын ставыс вёлі дась, медым бура встретитны парашютистьясöс. Сэтчö вёлі лöсьöдöма сигнальнöй бипуръяс, кодъяс вермисны индыны парашютистьяслы чеччыштнысö бурджык местаяс...

Таысь кындзи, тані вёліны Сöветскöй Армиялөн подразделениеяс, кодъяс вёліны дасьоьс встретитны кортöм гöстьясöс. Ухтаса аэродром вылын сулалісны боевöй истребительяс, кодъяс вёліны дасьоьс быд здукö кыпöдчыны воздухö да потшны фашистскöй самолётъяслы бөр мунан туйсö.

Полковник Смирнов тшöктöм серти Андрей Одинцов быд лун йытчыліс «Б7-Б7»-көд: передавайтис лöжнöй «юөръяс», бура разработайтöм «сведениеяс», кодъяс воштылісны төлк вывсьыс гитлеровскöй разведкаöс. Одинцов корліс ыстыны выль индöдъяс, диверсионнöй группаөн юрнуöдысь, колчаковец Николаев нимсянь корліс «ёнмöдны, ыдждöдны группасö».

Но «Б7-Б7» бөръя кадас ёна нервничайтис, сöмын ыставліс öтсыма приказъяс: «Виччысьöй. Юөртам». Позьö вёлі гөгөрвоны, мый немецъясöс öні интересуйтö дзик мөдтор...

Мый? Гөгөрвоны абу сьöкыд. Став фронтъяс пасьтала, Белöй моресянь Чёрнöй мореөдз, мунісны чорыд бойяс. Противниклысь водзсасьöмсö венöм бöрын Сöветскöй Армия 1943 вося гожöмын вуджис наступлениеö. Сöветскöй информационнöй бюро быд лун юөртліс пыр унджык и унджык сиктъяс да каръяс йы-

лысь, кодьясөс Сöветскöй Армия мездис немецкöй оккупантыясысь. Орёл — Курск районын пансисны сэтшöм тышъяс, кутшöмъясöс оз тöд история. Сöветскöй авиация дугдывтöг бомбитис Берлин. Ленинград дорын лöсьöдсис враглы пасьвартана удар.

«Виччысьöй. Юörтам...» — шöйöвошöмөн шыасьлис «Б7-Б7».

И öтчыд рытнас, кор «Б7-Б7»-көд сёрнитöм бöрын Андрей Одинцов кыйис эфирыч московскöй волна, наушникъясас сийö кылис гора артиллерийскöй залпъяс. Радист чуймис: сийö некор на эз кывлы татшöмсö...

Андрей сетис наушникъяссö полковник Смирновлы.

Полковник, опытнöй чекист, дыр кывзисис, эсся паськыда нюммунис.

— Салют!.. — шуис сийö. — Москва салютуйтö...

Москва салютуйтис героическöй дивизияяслы да полкъяслы, кодьяслы колö вöли «Орловскöй» да «Белгородскöй» гордöй нимъясөн мунны водзö и водзö, Берлинлань. Грымгис салют... И вөр весьтын кыпалысь рытъя кыаыслөн алöй рöмыс кажитчис московскöй салютыслөн кыпыд би югөрөн.

«Б7-Б7» воши. Тайö лунсяныыс сийö эз нин петкөдчыв эфирö. Немецъяслы öни вöли не сыöдз: мед сöмын эськө видзны ассыныс ловсö. Сöветскöй тыл налы ещö на ылысмис, и найö öни ёнджыкасö тöждысисны асланыс тылъяс вöсна...

Эпилог пыдди

1944 вося декабрь 9-өд лунö «Ленинградскöй правда» газет гижлис: «Ми, ленинградсаяс, блокада луньясысь кындзи тшöтш помнитам и сийöс, кор Ладога вомөн, карöс кытшалысь враглөн блокада пыр волісны Ленинградö медводдза из шом эшелоньяс. Тайö пöдаркиыс вöлі Воркутаса шахтёрьяссянь, кодьяс сюся видзöдісны миян тыш бöрся. Тайö из шомыс вöлі миянлы кык пöв дона: кыдзи ломтас, и кыдзи миянöс зэв ёна радейтöм, миян тышөн восхищайтчöм йылысь висьталысь пöдарок.

Война кадö дзик Победа лунöдз дугдывтөг, лун и вой, уджаліс тышкасысь страна-лөн важнöй артерия — Печорскöй көрт туй магистраль. Воркутаса из шом тыра эшелоньяс грымöдлісны Печора вомөн нюжалысь стальной пос вывті. Ухта дорса семафорьяс восьтылісны «веж улича» нефть тыра цистернаяс составьяслы. Помтөг мунісны вөрөн грузитöм платформаяс. Коми республикалөн тайö вöлі общенароднöй делöө пай!

Враглы сідзи и эз удайтчы весиг öти здук кежлö орöдлыны Печорскöй көрт туйлысь напряжённöй уджсö. Киссины эз посьяс, а гитлеровецьяслөн коварнöй планьясыс.

Кор сёрнитам на йылысь, кодьяс торкисны пöртны олөмö враглысь планьяссö, ми помнитам мужествосö сöветскöй народлөн вернöй пиян — коми Александр Доронинлысь да роч Андрей Одинцовлысь. Найö вöчисны сэтшöм жö подвиг, кыдзи и найö, кодьяс война-лөн разнöй обстоятельствояс вöсна веськалі-



А. Г. Доронин.



А. А. Одинцов.

ны пленё, но эз пөкөритчыны да водзё тыш-
касисны миян народлөн правёй делё вöсна.

Лыддысысыяслы, колё чайтны, окота төд-
ны, мый лоис сэсса Александр Доронинкөд
да Андрей Одинцовкөд, кутшөм налөн судь-
баыс.

Александр Гаевич Доронин да Андрей
Аверьянович Одинцов шыөдчисны, мый налы
окота бөр мунны Сöветскöй Армияө, коді век
на героическöя тышкасис фашистскöй орда-
яслы паныд. Налысь корөмсö вöлі могмөдö-
ма, и найö кыкнанныс мунисны действующöй
Сöветскöй Армияө.

Война бöрын Александр Доронин бара
лоис учительөн. Но кокъясылөн висьöмыс,
коді заводитчис гитлеровскöй смерть лагерын
тшыгъялöмысь да не морт нога мучитчöмысь,

вөлөма вывті сьокыдөн — кок лыяслөн тубер-
кулёзөн. Көть мыйта эз зільны врачьяс спа-
ситны сылысь олёмсө, висьомыс пыр содіс да
паськаліс, а 1947-өд воын Александр Гаевич
Доронин кувсис.

Война помасьом бөрын Андрей Одинцов
бөр локтіс гортас, Владимирскөй областьө,
пырис удж вылө ас рөднөй фабрикаө, көні и
уджалө воддза моз мастерлы отсасьысьөн.

А. А. Одинцов веськөдлө ткачьяслөн брига-
даөн. Тайө бригадаыс аслас коллективын
пөльзуйтчө бур славаөн. Сійө быд лун содтө-
дөн тыртө сменнөй заданиеяс, и сэк жө кутө
вымпел, кодөс сетөны отличнөй качества
бригадалы. Одинцовөс наградиталисны По-
чётнөй грамотаясөн, сы йылысь и сы брига-
даса йөз йылысь частө гижө районнөй газет.

Татшөм тайө збыль историяыс.

*Сыктывкар,
1958 во.*



Льом-пу розъяс

НО кузя кывтö лыж. Пыжас — чегъялём
льём пу увъяс. Еджыд, пашкыр —
быдса чукөр. Пыж нырсяньыс бөжкө-
дзыс дзик тыр, — тыдалө, кодлөнкө горш
киясыс немжалиттөг чегъялөмаось цент-
нерысь не этшаджык. А кодлөн — он тöd. Йö-
зыс оз тыдавы. Гашкө, Даша Бурмантова
да Лёня Лызлов, гашкө Настя Лызлова да
Петр Бурмантов, а вермасны лоны и Шура
Собянина да Саша Собянин...

Клава Сивергина, Мамыль лесничествоысь
лесничöй, ыджыда ышловзис.

Тулыс помассигас лесничöйлөн («вöрса-
лөн» — кыдзи шулисны леспромхозса зонъяс)

скөр, чорыд сьёлөмыс эз кут лөсявны Клава Сивергиналөн ныв сьёлөмкөд.

Клавалы кызы коймөд арөс. Сылөн пөдругаясыс техникум помалөм бөрын первой онас жө, быттьөкө команда серти, петалисны верөс сайө. А Клава оз тэрмась. Тайө этша на, сийө весиг некодөс абу радейтлөма, да и өні на сылы некод сьёлөм вылас оз во.

Правда, кор вөлі дас сизим арөса на, сьёлөмсө вөрзьөдлөма райцентрса парикмахер. Мыйла? Да сы вөсна, мый сийө парикмахерыс асывьяснас во чөж купайтчылөма Печораын. Октябрь төлысын пидзөсөдз няйт, а сийө резинөвөй сапөга шлапиктө берег дорө — и купайтчө. Кынмас юыс — йөрданын купайтчө. Йөрданыс кынмас — пыридз ваяс, йисө жуглас. И купайтчө. А Клава сулалө джуджыд нөрыс йылын, видзөдө да тіралө — сы вөсна и ас вөснаыс. Февраль помын друг көдздөдіс нелямын градусөдз. Клава чышьяналіс кык чышьян, петіс берег дорө видзөдны, кьдзи кутас купайтчыны парикмахер. А сийө эз лок — тыдалө, повзис, эз надейтчы ас вылас. Та бөрын Клава регыд и вунөдіс парикмахерөс.

Техникумын велөдчигөн Клава Сивергинаөс бөрыисны асланыс группаын комсоргөн, и сэки радейтчөм йылысь вөлі нинөм и думайтны — некутшөм авторитет оз ло. Да и оз позь — сийө өд комсорг. Сэссия быдса во чөж Мамыль лесопункт территория вылын тышкасис пөрадок лөсьөдөм вөсна, и радейтчыны прөстө вөлі некор.

Льөм пу дзоридзьяса пыж зурасис берөгө. Льөм пу увьяс сайысь петісны сельпоысь кок

пөла стөрөж Северьяныч да сълөн сьолөмсө
косьтысьыс — дөва Емельяновна. Найө кык-
нанныс вөліны гажаөсь кодь и, кыр йылө
кайигөн, ньөжйөнник сьылісны.

Клава нюммунис да пөдлаліс өшиньсө.
Вөлі вөскресенньө рыт. Помтөм кузь югыд
тувсов рыт. Колө вөлі кызкө сійөс кол-
лявны. А кызди? Клава көрліс синкымъ-
яссө да матыстчис пызан дорас, восьтіс
сумкасө, листалыштис бумагаяс. Ревизия
вөчөм кузя актяс. «Ми, улынджык гиж-
сьысьяс...» А тайө актсө сійө гижис төрыт,
но абу на кырымалөма. Клавалөн еджтов
синкымъясыс көрсисны, чужөмыс лои ещө
нин скөрджык. Сійө матыстис чернила доз,
сутшкыліс сэтчө перөсө и... чернилаыс вой-
тыштис. Войтыштис буретш сэтчө, көні вөлі
гижөма: «Лесничөйлөн кырымпас».

Скөрысла Клава тракнитис асьсө көсаөдыс,
сэсса бергөдчис зеркалөлань да петкөдліс ас-
лыс жө кывсө. Нинөм он вөч. Чернила чут-
сьыс мый сійө сөмын эз рисуйтав. Сэсса, бу-
ракө, дөзмис да перйис сумкасьыс гижтөм на
бланок да заводитис выльысь гижны актсө...

Кыв бөрся кыв — и төд вылас уси сылы
төрытъя рытыс.

Мамыль лесопунктын кольөм вося пасека-
сьыс Клава казяліс, мый вөрсө сәні пөрөдө-
маөсь абу правилөяс серти. Корсис мастерөс,
медым пөттөдзыс видчыны. Мастерыс эз сюр.
И та вөсна гортас локтис скөр, зумыш. Уча-
стокыс вөлі километр дас сайын. И берег
дорө петис войнас сөрөн.

Кыкнанладор берегас некод эз вөв. Эз öзйы
ни өти би. Гөгөр шы ни төв. Сөмын ю весьтын

кыліс номъяслөн тінгөмыс. Номйыс таво петіс водз, петіс кымөр кодъ ыджыд чукөръясөн. Муртса на Клава удитіс петны вөрсьыс, найо сатшкысисны сылы юр вывсяньыс кок улөдзыс.

«Дерт, таладорас абу ни өти пыж...» водз-выв думыштіс Клава.

Сідзи и вөлөма. Таладор берегас, көть кытчө эз видзөдлы, эз вөв ни өти пыж. А мөдар берегас тыдаліс уна: сулалісны то орччөн, то өткөн, то лыа вылас кымыньтөмөн. Но йөзыс на дорын эз вөвны. Сикт чорыда узис...

Колис сөмын виччысьны, кор асывнас водзджык петас кутшөмкө чери кыйысь. Дыр да уна ветлөдлөмысь ёнтысны сылөн мудзөм кокъясыс. Клава пуксис нөрыс йылө. Но эз на удит прамөя пукыштны, бөр сувтіс: ном чукөр азыма уськөдчис сы вылө. Бара ковмис сувтны да, кинас өвтчигмоз, заводитны ветлөдлыны берег пөлөныс өтарө-мөдарө. Ном чукөрыс вөтлысис сы бөрся. Зөлитіснин кымөсыс, кокчөръясыс, лудіс мышкуыс. Клава эз вермы терпитны да горөдіс:

— Э-э-эй! Мөдар берегас кодкө эм абу?..

«А-б-у-у» — юрөбтіс йөлөгаыс шуйга берегас. И бара шы ни төв.

— О-о-о!..

Сиктын кодлөнкө заводитіс ун йывсьыс увтчыны понйыс. Сылы воча шыасис мөд, коймөд... Увтчыштісны — бөр ланьтісны.

Тысяча, уна тысяча ном усьласисны Клава вылө. Эз нин ёнтыны кокъясыс. Эз нин окота вөв узыны. Сөмын окота вөлі мынтөдчыны номъясысь. Қисө сүйліс зептас истөгла, медым биасьны, — но кытысь истөгыс куритчы-

төм мортлы? Көсйис нин бөрддзыны, но сэк жө думыштіс: сійө нинөм оз отсав. Сэки ки пыдөсьяссө рупор моз лөсьөдіс вом дорас да бара горөдіс:

— А-а-а!..

Мыш саяс кыліс кок шы. Клава бергөдчис. Бензобакьясладорсянь локтіс морт. Ном дөраа, а сы вылын кепка. Морт матыстчис берег дорө, видзөдліс веськыдвылө, шуйгавылө, видзөдліс мөдар берегас. Кыпөдліс ном дөра помсө да сьөлыштіс — делөыс, вөлөмкө, абу зэв бур. Сэсся бергөдчис Клава Сивергиналань да мыйкө дыра сідз сулалыштіс, думайтіс мый вөчны. Чөв оліс. А Клава чөв оліс жө, дась вөлі бөрддзыны.

Сэки төдтөм морт пуксис му вылө, тэрмасьтөг пөрччис сапөгьяссө, сэсся сувтіс да кутіс пөрччыны гачсө. Клава мөдарө бергөдчис. Сійө кыліс сөй берегөд көмтөм коклысь шлөпкөдчөм да валысь брызьнитөм шы.

Кияссө вылө кыпөдлігтыр, мортыс варччис. Юр вылас сьлөн век на вөлі кепкаыс, а сы улын — ном дөра. Визулыс кылөдіс сійөс. Минут вит мысти сійө воис мөдар берегас. Клава видзөдліс сылань да бара мөдарө бергөдчис, кор аддзис, мый морт вылын кепкаыс да ном дөраыс кындзи нинөм абу:

Клава думыштіс чегьялыштны льөм пу увьяс, медым дорйысьны номьясысь, и пырис вөрас. Васөд корьясыс меліа нюлісны чужөмсө. Но номйыс тані вөлі этшаджык. Сійө чегьялыштіс увьяссө. И чегьяліс унджык, мыйта сылы вөлі колө,— ичөтик корөсь пыди артмис букет.

— Эй!..

Төдтөм морт чукөстис Клаваос. Клава петис кустьяс пиысь. Берег дорын сулалис пыж. А сәни морт — удитөма нин бөр пасьтасыны, но көмтөм. Юр вылас — век на ном дөра. Клава котөрөн лэччис пыж дорас, ньөжйөникөн пырис пыжас. Төдтөм морт выныштчөмөн йөткыштчис пелыснас берег дорысь.

И со пыжыс, вылө нырсө лэптөмөн, тувө ю вомөн. Төдтөм морт сулалө пыж бөжас да сынө. Клавалы любө, кыдзи мортыс чорыда — ньөти катласьтөг — сулалө пыжас, кутшөм увереннөя сынө. Сылы сідз жө любө, мый мортыс чөв олө — нинөм оз юась. Сөмын өтитор абу любө — чужөмсө тупкөма ном дөраөн: сылы окота вөлі эськө төдны, кутшөм-джык сылөн чужөмыс. Ой, кутшөм тешкодь сылөн кепкаыс — рыжөй, пөшти пемыдгөрд, еджыд чутьяса, дзык быттьө лисьтиөсь!

Пыж небыдика зурасьө лыаө. Берег. Клава петө пыжсыс. Сийө думайтө, колө-ө мортыс-лы шуны «аттьө», — и оз шу. Думайтө и сы йылысь, босьтны-ө сьөрсыс букетсө, — и колө сийөс пыж пуклөс вылас. Аслас кильчө помын нин Клава кылө:

— Эй!..

Ном дөраа морт сулалө пыж дорас да мыйлакө өвтчө пелысьяснас. Клавалөн сьөлөмыс тшөтш мыйлакө ёнтыштіс, и сийө тэрыба пөдлыштіс ас бөрсяыс кильчө өдзөссө...

Мамыль лесничествоысь лесничөй ыджыда ышловзис да ревизия акт вылас войтыштөдіс чернила чут.

* * *

Сэки өдзөсыс вощьө и комнатаас тувкни-тіс-пырис Настя Лызлова, «Луч» колхозысь

медбур кукань видзысь. Зэв тшап: син ёран гёлубой шёвк платтьоа, хромовой сапёжкия, кёсаас лентаяс да гребёнкаяс, пель нёнъясас — серъгаяс. Чужо́мыс мак кодь гёрд, нимкодъысла ыпъялө. Клава корсюрө думыштыльвлө, мый сылөн пөдругаыс татшөм кыпыдлунсө, көнкө, удждывлө аслас мусаник збодер куканьясыслысь.

— Клавук, видза олан! Тэ мый тайө гижан? Талун лесопунктын кино. Кылан? Му-нан он? Петырлөн кынөмыс висьмис, куйлө — книга лыддьө. Меным окота кино видзөдны. Ветлам, Клавди!..

Клава видзөдө тшыкөдөм бланк вылө, öбидаысла йирө вом доръяссө, чернила дозсө пробкаалө.

И пока Настя висьтавлө вильторъяс, Клава пасьтасьө. Көсасө гартө гөрөдө. И сэки серөссьөм зеркалоын — Клавдия Петровна Сивергина. Плешыс сылөн крут, щөкаыс крут жө — дзик батыслөн кодь. Паръясыс вөсниось — скөрось. А еджгов синкымувса синъясыс некыз оз лөсявны татшөм чужомыслы: вижоват пемыдгөрдөсь, паськыдөсь, быттьө мый вылө кө век шензёны, быттьө мыйкө век виччысьöны... Воськыда шуны, синъясыс мисьтөмөсь.

— Мунам ли, мый ли, — шуө Клава.

Печора найө вуджөны пыжөн. Сэни тырыс йөз. Зонъяс вильшасьöны, грөзитчöны путкыльтны пыжсө, нывъяс чилзöны, сералöны. На бөрвылын — мөд пыж, сэни пукалöны чөла: колхозса председатель вуджө аслас семьяыскөд — öкмыс морт. Қоймөд пыжын чилзöны-горзöны жө: сельпоса стөрөж Севе-

рьяныч висьтавлө-сөрө быдсяма нинөм абусө, мыйысь нывъяс кутчысьнысө оз вермыны, а Емельяновна, Северьянычлөн мусукыс, мышкусө көсийө көстыльөн шонтыны: эн пө сөр, эн пө янөд том нывъяссө.

Мамыль сикт ставнас мунө лесопунктө кино видзөдны. А кор кинопередвижка локтө сиктса клубө — мөдарсяныс локтөны уна даспыжөн, быттьө Ермак Тимофеевич мөдөдчөма штурм вылө...

Лесопунктлөн клубыс ыджыд, йөзнас тыр. Том йөз пуксялөны бөръя скамьяяс вылас, олөма йөз — асланыс улөсьясөн — матөджык, челядь пуксялөмаось джоджас дзик экран водзвылас.

Ывлаас сяркөдчө движок. Ньөжйөник точкөдө аппарат. Виж югөр лэчыда вундө пемьдсө. Кутшөмкө карса мича нывбаба Анна Каренина верөссьыс гусьөн гуляйтө мөдкөд, — тайө, дерт, некодлы оз кажитчы...

Часть помасьөм бөрын залын өзийвлө би. Сэки зонъяс дурөны, синъяснас мигайтөны нывъяслы, а нывъяс лэдзөны синъяссө увлань, яндысьөны; олөма йөз виччысьөны, кор заводитасны петкөдлыны водзө, челядь вильшасьөны.

— Видзөд! — Настя тувкис гыррдзанас Клава Сивергиналы. — Со бокас сулалө, кепкаа, — тэ вылысь синсө оз вештив. Коймөдысь нин казялі.

Клава топөдлө пельпомъяссө. Но недыр мысти юрсө муртса-муртса бергөдыштлис. Синъясыс налөн паныдасисны. Клава вылө сюся видзөдөны югъялысь збой синъяс. Кла-

валён бан бокъясыс ыпнитöны. Но шудыд
вылö биыс кусі. Сяркөдны мөдіс аппарат.

Тайö частьсö петкөдлісны дырджык, да и
артистьясыс кутісны ворсны омөльджыка.
Кор залын бара öзйис би, Клава пыр жö ви-
дзөдліс сылань, бöрынас весиг повзыліс ас-
лас смеллунысь. Видзөдліс — и сійö бара сю-
ся видзөдö сылы воча. Косіник чужöма, бок-
выв шыльөдөм съод юрсиа, лэчыд, зэв лэчыд
синъяса... Балябөж йылас кепка... Ой, да,
дерт жö, буретш сійö, еджыд чутъяса рыжöй!
Сэки, берег дорын, сійö эз аддзыв сылысь
чужөмсö, чужөмсö вöлі тупкөма ном дөраөн,
но öні тайö чужөмыс мыйлакö кажитчö тöд-
са... Э-э, да сійö ещö и нюмъялö сылы, Кла-
валы? Тайö нин вывті. Клава көрö синкымъ-
яссö, бергөдчö мөдарö.

— Тешкодь артмö,— шуö сылы Настя,—
магазинö ставсö öткодь кепка вайöмаöсь. Ста-
выс еджыд чутъяса рыжöйöсь. Петя ньöбис,
Гриша ньöбöма, мукөд зонъяс ньöбöмаöсь.
Ветлөдлöны öні ставныс öткодьöсь, быттö пон
тшакъяс. Мый сэссея вöчан, мукөд пөлөссö кө
эз вайны? Збыль öд?..

И Клава сöмын сэки казялö, мый унджык-
ыслөн юр вылас и киясас — еджыд чутъяса
рыжöй кепкаяс. Сідзкө, эз кө сійö асьсö ачыс
петкөдлы, некор эськө эз тöдмав сійö морт-
сö, коді тöрыт сы вылö бöрсянныс видзөдіс
да öвтчис пелыснас, сійöс, кодлы колис пы-
жас льөм пу увъясысь букет.

Пöсь, кыпыд чувство (ой, энлы, мыйысь?
Сыысь, мый ачыс асьсö петкөдліс?) кыптö сы-
лөн сьөлөмас. Клава ньöжйөнник муртса бара
бергөдчыліс. Синъясыс бара паныдасисны.

Бокин пукалысь зонмыслён синъясыс öнi жу-
гылтчöмаöсь, сьöд юрси пратьяс лэччысьö-
маöсь плеш вылас. Мыйöн дözмöдiс сийöс?
Гашкö сийöн, мый көрлiс синкымъяссö? Эз,
эз... Клавалён скөр вом доръясыс мелiа нюмь-
ялöны. Кусö би...

Печора йылын кинопередвижкалы ветлöd-
лыны сьökыд. Туйяс абуöсь. Печора-матуш-
ка — аслыссяма. Та вöсна, кор кинопере-
движка воö места вылödз, механик öти рыт-
нас петкöдлö куим картинаöдз. Öтиöс петкöд-
лiс — йöзсö вöтлö ывлаö. Мед ньöбалöны би-
летъяс. Öнi сеанс заводитчytödз коли вит
минут. Африкаса йöз олöмысь заграничнöй
фильм мöд серия...

Тувсов еджыд вой. Небеса пасьталаын —
öти кодзув, югыд, дзирдалö вылын. Гөгөр
лөнъ, сöмын дугдывтөг таркöдчö движок.
Öта-мöд дорас топöдчöмөн Настя да Клава
сулалöны клуб дорын. Настя частö видзöд-
лывлö клубысь петысь йöз вылö, а Клава оз
лысьтлы синсö кыпöдлыны. Движок мозыс жö
сылён тiпкö сьөлöмыс.

Друг локтö сийö — кузь тушаа, сувтiс на
водзö и сразу аснас тупкис дзик öти кодзула
небеса джынсö. Вомас сьлөн папирос.

— Коймöд картинасö видзöданныд он?

— Видзöдам. Интереснöй, — вочавидзис
Настя.

Но сийö быттьö эз и кывлы Настялысь сёр-
нисö. Синсö вештывтөг видзöдö Клава вылö.

А Клава?.. Он гөгөрво, кодi сы пыдди ду-
мыштiс, кодi сы пыдди шуис:

— Ог тöд... Дözми нин... Да и первой сериа-
сö ме эг видзöдлы...

— Ті сиктö мунаанныд? Вай вуджöда.

Сійö меліа, но увереннöя кутö Клаваöс киöдыс. И Клава мунö ськöд орччөн. Сöмын мöдöдчигас вермис казавны, мый Настя, кыдзи и колö настöящöй пöдругалы, топöдліс пельпомъяссö.

— Менö шуöны Николайөн. А тiянöс?

Найö мунöны вөрöд, векни трöпаöд. Чöv-лөнiяс дзуртыштлöны пожöмъяс. Пуясыс вочасөн ляпкаммöны и ляпкаммöны, сэсся найö петiсны кушинö, кытчö чужöмаöсь пожöм петасьяс. Найö муртса тыдыштöны муас.

— Видзöдöй кок уланыд,— шуис Клава.— Тальыштiнныд.

— Прöститöй, мыжа,— вочавидзис Николай, сэсся копытчис да, нежнöй лысьяссö меліа малалiг, бөр веськöдiс петассö.— Видзöдтö кутшöм! Татысь öд ми кушöдз пөрöдлім...

Клавалы нимкодь.

Берег дорын на вылö уськöдчисны номъяс. Николай öвтчö, вöтлö номъяссö Клава чужöм дорысь, а öтчыд весиг небыдика шлапкыліс ки пыдöснас Клавалы кымöсас. Кыкнанныс серöктiсны.

— А кöни тiян ном дöраыд?— юалис Клава. Сійö думайтö, мый вот-вот öни пансяс сёрни тöрытья йылысь.

— Ном дöра? Друглы пöдаритi. Öти геолог сетiс меным диметилфталат,— Николай явö любöпырысь висьталö тайö сьöкыд кывсö.— Зэв бур мазь, öти ном оз лысьт матыстчыны.

Пыж шлывгö ю вомөн. Кутшöмкö ичöтик лэбач лэбöдiс ю вомөн сус коль: со и ставыс,

мый удитіс казьявны Клава — сэтшөм векниөн кажитчис тайё пөрйё Печора, сэтшөм дженъдөн кажитчис туйыс отар берегсянъыс мөдарөдзыс.

Сэсса вөлі со мый. Быдса час найё сулалісны кильчө дорын, сёрнитісны өттор-мөдтор йылысь. Вөр вевдорын мыччысис асья шонді.

— Кад нин мунны тиянлы. Аски өд удж вылө... — шуис Клава.

И сэки топөдліс Клаваёс морөс бердас да оқыштіс. Оқыштіс Клаваёс, кодөс некод на эз окавлы. Клава эз зіль мынтөдчыны, эз сетава бан бокьясас. Сійё видзөдіс, кызди вөр весьтө кыпөдчө гөгрөс шонді да шензис...

— Мунөй. Аддзысьлытөдз.

* * *

Асылыс шондіа и төла. Ошинь пырыс Клава аддзө, кызди Печора вылын ворсөдчөны посни гыяс. Найё гартчөны, зурасьлөны отамөд вылас да артмөдөны льөм лу дзоридз кодь еджыд быгья ыджыдджык гыяс.

Бытьё ставыс гөгөрвоана, сьөлөм вылас долыд, кыпыд, но век жө мыйкө оз тырмы... Сідзкө вот, тадзи юасьтөг ачыд локтан тэ, любовь?

Чутөссьөм важ зеркалөсянь Клава вылө видзөдлісны дзик мөд синьяс: абу нин сэтшөм паськыдөсь, а неуна читкыртчөмаёсь, оз нин некодөс виччысьны — воис ачыс. Кинас вештіс мыш саяс көсасө, пыркнитіс... «А өд мича тэ, Клава!»

Но сэк жө друг асьсө видіс стервоөн, кизяліс виж петлицаяса тужуркасө, пельпомас өшөдіс планшетка да петіс гортсьыс.

Час мысти сійö вöлі нин Мамыль лесопункт контораын.

— Частö кутінныд волыны миянö, барышня!—пызан сайысь чеччигмоз нюммуниc лесопунктса начальник Юрков.— Гашкö, миян зонъяслысь кодлыськö сьёлöмсö косьтан?

Клава муртса эз горöд. Сійö унаысь нин кывліс: лесопунктса начальник коркö шулöма, мый Мамылын пö тöдöны не сöмын сійöс, кодi тöрыт кодкöд окасис, но и кодi кодкöд кутас окасыны аски...

— Шутитанныд, Юрков ёрт!— скöрысь шуис сійö.— Со акт. Окота — лыддьöй, абу окота — сідз кырымалöй.

— Лыддям, лыддям, эн тэрмась...

«Лыддям, лыддям, эн тэрмась» кывъяссö шуалис сэтчöдз, кытчöдз эз лыдды помöдзыс, и — век ньöжйöджык и ньöжйöджык. Сэсса жугыля видзöдліс Клава вылö.

— Комын тысяча. Клавдия Петровна, ті тöданныд, мый сійö лоö комын тысяча шайтыс? Коркö киад кутлінныд сы мында деньгасö?

Клава тöдіс тайöс — некор эз кутлы, и шуис:

— Тайö нинöм на оз висьтав.

— Збыль öмöй ті чайтанныд, мый меным сэтшöм кокни перйыны да сетны государстволысь комын тысяча шайт?

— Верманныд асланыд зептысь.

Юрков кузя шутөвтіс.

— Вөр неправильнöя пөрөдöмысь штрафсö мынтыны ковмас,— чорыда шуис Клава.— Кырымалöй.

— Эн тэрмась, уткай, вай ветлам деляйка, а сәні тыдавны кутас...

— Вернө. Мунам.

Юрков скөрысь пуксьөдіс Клаваөс грузовик кабинаө, а ачыс кавшасис кузовө. Машина таркөдіс-муніс лежнёвка кузя. Шофёрыс — чангыль ныра ыджыд тушаа зон — нуөдіс машинасө видзчысьөмөн и туй чөжыс эз шу ни өти кыв. Сөмын корсюрө сійө видзөдлывліс Клава вылө, ышлолаліс да сьөлөмсяньыс личкывліс педаль вылө. Кабина зеркалө сайсянь чурвидзис льөм пу роз.

МАЗ грымөдө вөрса туйөд. Трелевочной тракторьяс кыскөны сылы воча кузь пожөмьяс. Ярскөба дзижгөны электропилаяс. То өти-лаын, то мөдлаын тыдовтчылөны еджыд чутось рыжөй кепкаяс — Клава сөмын дрөг-мунывлө, зільө видзөдны водзө...

Сизимөд километрын кузовсянь таркөдыштісны кабинаө. Шофёр сувтөдіс машинаө. Кодкө, рыжөй кепкаа жө, кайис кузовө. Дасөд километр. Клава петө кабинаысь.

Тані чөв-лөнь. Пөрөдчөмаөсь кольөм во. Куш. Сөмын кымынкө ёсь йыла пожөм өтчукөрын сулалөны матын — на дорсянь кутас быдмыны выль вөр.

— Клавдия Петровна, төдмасьөй — сымыж кузя татчө локтім.

Клава бергөдчис.

Юрковкөд орччөн сулалө сійө төрытья колльөдчысьыс. Косіник чужөма, бокыв шыльөдөм сьөд юрсиа, лэчыд, да... зэв лэчыд синьяса.

— Гуров, мастер, — төдмөдө лесопунктса начальник.

— Сивергина, — ньөжйөник шуө Клава да мыччө кияссө.

Найө куимөн мунөны кольөм вося пөрөдчанінті, бокиті ордъялөны сись мыръяс. Клавалөн тасасьө горшыс, зильө кызөктыны:

— Тиян делеянкаыс?

— Менам. Кольөм вося.

— Увьяссө мыйла энө сотөй? Мыръяссө джуджыдөс кольөмныд. Быдлаын чаг, кырсьяс...

— Да өд вөр пөрөдам, кыз нө чагтөгыс...

О, да сийө ещө, буракө, нюмъялө? Видзөд-лывлө сылы синмас...

— А энө думыштлиөй, мый вермас лоны пөжар?— стрөга шуис Клава.— Сы йылысь, мый пуясыс вермасны висымыны?— сэссия бергөдчис Юрковлань да содтіс:— Комын тысячасө асланыд зептысь мынтанныд али лесопункт тшөт весьтө?

— Мынтам...— шуис лесопунктса начальник да скөрысь видзөдліс мастер вылө.

Клава казяліс, кызди жугыльмис Николай, кудриа юрси пратьясыс сылөн лезьмунісны кепка увсыс, плеть моз өшйисны кузь киясыс. Клавалы сьөлөм доймытөдзыс жаль лои сийө. И та вөсна сийө крута бергөдчис да мөдөдчис машиналань.

— Сивергина ёрт!

Клава думыштіс, мый шөпнит өні сылы медся мелі кывсө, сылы эз вөв эськө лөсьыдджык сысысь. Николай вөтөдө сийөс. Сийө частө лолалө — буракө, котөртөмсыс. Сийө сувтө Клава водзө да бара зильө видзөдлыны сылы синмас.

— Клава... Вот кыдзи аддзысим. Но та йи-
лысь бёрын. Рытнас.

«Рытнас!»

— Клава, кывзы... Тани менам мыжыс: эг
вермы следитны. Эскы меным — талун жö
локтам, ставсö весалам...

— Зэв бур. Но штрапсö лесопункт век жö
мынтас.

— Энлы, энлы... Ми жö көсьям босьтны
первойя места. А öни — срам, яндзим!

— Штрапсö лесопункт мынтас.

Синъясыс паныдасисны. И Николай синсö
лэдзö водзджык. Но недыр кезлö. Öни синъ-
яссö читкыртöма, видзöдö нюмъялигтыр. Кияс-
сö суйö зептас.

— Сивергина ёрт, збыльысь тиянös кодсю-
рö шуöны «вöрсаөн»?

Клавалөн гөррдзасьö горшыс. И мырдөн
сорысь шуö:

— Збыльысь.

Николай сулалö кын мыр моз. Сэсся мый-
лакö юр вывсьыс босьтис шапкасö да чуньяс-
нас кутис шыльöдны юрсисö.

Клава мунö машиналань.

— Кла...

МАЗ төвзьö вөрöд. Чангыль ныра шофёр
ышлолалигтыр кокнас личкö педаль. Льöм пу
роз вөрö зеркалö бокин. А зеркалöас — синъ-
яс. — Öни найö абу паськыдось чуймöмысла,
абу читкыраöсь шудысла. Öни найö скöрысь
видзöдöны водзö. Со тэ кутшöм вёлöмыд, лю-
бов? А гашкö тайö и эз вöv любовь?.. Мый-
ла — эз вöv? Сийö эм.

Морт, кодi тупкис аснас дзик öти кодзула
небеса джынсö. Сийö мелia малалö посни по-

жөм петасьяслысь небыдик лысьяссө. Сійö топыда кутлө Клаваöс да окалө сійöс. Сійö суйö кияссö зепьясас да серампырысь видзöдö сы вылө. Сійö шöйöвошöмөн малалö юрсисö да шуö «Кла...»

Тайö — сылөн любов. И сійö сыысь оз бöрыньтчы.

Грузöвик сувтис берег дорö, бензобакьяс дорö. Тöлыс лөньюма, юыс оз нин гыв. Печоралөн ваыс веж, шыльыд. Ю вомөн васö вундигтыр локтö пыж. Клава синьяснас арталö, кытчö сувтас пыжыс, да тэрмасьтөг мөдöдчö берег пöлöныс.

— Эй!

Кустьяс сайысь петис сылөн чöv олысь соседыс — лесопунктысь чангыля ныра шофёр. Пöшти моздор тырыс сылөн еджыд розьясальöм пу увьяс.

— Сулавлөй!.. Тайö тиянлы... Уджийöз. Войдөрлун пыжö вöли вунöдöмныд.

1956 во.



Виччысигён

Меным письмө абу?
— Видзодла. Ставсө он помнит. Дерт, Таисья Корычева, Усть-Унья-ысь почтөвöй агент, төдiс, кодлы эм, а кодлы абу. Öд луннас татчö куим письмөысь унджык эз волы.

Таисья казялис, кутшöм частö да пыдисянь лолалö Александра Собянина, морöсас еджыд ковтаыс зэлавлö парус моз, ичöt нывка моз восьтыштöма оз тусь рöма вом дорсö, сьöд синьясыс сюся дзоргисны конвертъяс вылö.

И Таисья эз тэрмась: виччысь, дырджык виччысин.

— Воинскöй. Мынтыны оз ков,— шуис Таисья да шыбитiс стойка вылö куим пельöса штемпеля конверт.

Звеньевöйлөн съод сэтөр синъясас доршасис синва. Сійö босьтис письмö, тэрыба косялис конвертсö да мунипмозыс лыддигтыр мөдöдчис öдзöслань.

А öшинь пырыс Таисья видзöдис, кызди Александра лэччис кильчö поскöд, сэсся мунис уличöд, сэсся пöлынтьчöм мостки кузя — и пыр лыддис. Ылисянь тыдалö ныв кийн еджыд бумага лист...

Таисья лэптыштлис пельпомъяссö. Сійö, например, лыддылис, мый тэныд кө воис ташöм письмö (тöдам, кутшöм письмö, и кодсянь — тöдам!), прöстö абу лöсьыд лыддыны сійöс, кор тэ вылö видзöдöны ставөн. Мун гортад да лыдды мыйта колö, көть куимысь.

А Шура Собянина йылысь öти морт шулис: «Сиктын мед мича ныв». Да ещö и содтылис: «И дзик öтнас...» Сидзкö, тэ нин кө сэтшöм мича да сэтчö жö сэтшöм мичаыс öтнад, то кут асьтö кызди колö да письмöяснад эн ошйысь.

Сёрнитны кө сы йылысь, Таисья йылысь, дерт, сійö абу сэтшöм мича (көть и абу шыбитана), зато характерыс чорыд. Таисья эськө некор эз кут лыддыны письмöяссö ывланын. А шуны кө, письмöясыс сылы эз на волыны: рöдвужыс абу — детдомын быдмöма, сирöта. Помалис семилетка, сэсся велöдчис курсьяс вылын и сэтысянь ыстисны Усть-Уньяö. Öни уджалö почта вылын, но ачыс письмöяссö некодсянь оз пöлучайт.

Гашкö и сидз. Шуöны жö, мый пöварьяс пö омöля сөйöны, а сапожникьяс, кызди тöдса, вöйдөр ветлöдлöмаöсь көмтöг.

Кор Таисья вöлі думайтö та йылысь, зиль-
öбтіс телефон. Вöлі вит час. Сійö босьтіс
трубкасö:

— Да-а... Ме — Усть-Унья... Телеграмма?
Гижа... «Верхнепечорскянь, 47-12...»

Телеграммасö гижигөн Таисья кыліс, кызди
дзуртыштисны кильчö пос тшупöдьяс, а сэсса
син бöжнас аддзис: пырис морт да сувтіс
стойка дорö. Абу татчöс морт. Шөркодь ту-
шаа, презент курткаа, клетчатöй дөрöма, а
юр вылас — берет. Тошка. Сулалö, виччысьö
мыйкö.

— Тіянлы мый, гражданин?— трубкасö
öшöдöм бöрын юаліс Таисья.

Тошка гражданин öшійис гыррдзанас стой-
ка вылö да кызкодь гөлöсөн шуис:

— Видза оланнуд. Ме Самсонов, Роберт
Афанасьевич.

— Зэв рад тöдмасьны,— шуис Таисья.

— Меным колö лоны перевод. Деньга вич-
чыся. Верхнепечорскысь. Видзöдлöй, пöжа-
луйста...

— Некутшöм перевод абу.

— Кызди?.. Ті збыльысь?

— Шуа жö тіянлы: некутшöм перевод абу.

Тошка морт педзыштис места вылас, бось-
тіс юр вывсьыс беретсö, носöвикöн чышкис
плешсö.

— Видзöдлöй, пöжалуйста, бурджыка. Ме-
ным обязательно должен лоны перевод... Сам-
сонов менам овöй.

Таисья лэптыштліс пельпомъяссö, но полка
вылысь век жö перійис разöдтöм на коррес-
понденциясö да тэрмасътöг заводитис вид-
лавны.

Сэки сійö эз аддзы, а ёнджыкасö кыліс, чувствуйтіс, кыдзи стойка дорын сулалысь мортыс частö кутіс лолавны, кыдзи сійö сюся дзоргö письмöяс вылö, кодъясöс видлаліс Таисья.

— Тіянлы перевод абу,— ещö шуис сійö да стрöга видзöдліс тошка морт вылö.

А сійö век на сулаліс стойка дорын, киясыс кыдзкö тешкодя лётмунöмаöсь, юрсö öшöдöма.

— Извинитöй,— шуис Таисья.— Меным колö газетьяс разöдны, и почтаыс пöдлассьö.

Тошка морт петіс кильчö вылö. А Таисья öшöдіс öдзöсас ыджыд томан да котөрөн лэчис кильчö поскöд.

Телеграммасö Таисья нуис сельсöветö. Открытка, көні вöлі рисуйтöма мича нылöс да гижöма «Кисловодсксянь чолöм»,— Туркина баблы, кодлөн дедыс — заповедникысь объездчик — шöрысьладорыс частö кутіс ветлöдлыны курортьясö: көть кытчö, мед сöмын путёвкасыс эз ковмы мынтысьны. «Книга-почтасянь» письмö Таисья сетіс Ефим Давыдовичлы, фельдшерлы, и сійö бара кутіс норасыны, мый важөн эськö муніс Усть-Уньяысь кытчöкö культурнöй центрланьö матöджык, вермис кө нуны книгаяссö, кодьяссылөн чукөрмöмаöсь районнöй библиотекаын дорысь унджык нин.

Газет чукöрсö Таисья нуис колхоз правлениеö. Правлениеын, дзик пельöсас, кольöм вося сю кольтаяс костын, кодъясöс дасытлöмаöсь ыстыны районö выставка вылö, пукаліс счетовод Бурмантов. Сійö медводз кватитіс районнöй газет, видлаліс сійöс водз-

сяньыс и бӱрсяньыс, нуӱдӱс син пырыс став-
нас и нимкодпырысь шуис:

— Ставыс бур.

Тайӱ лоӱ, мый газетын налӱн «Сила» кол-
хоз йылысь абу гижӱмаӱсь ни ӱти кыв.

Кияссӱ неуна шевкнитӱмӱн Таисья котӱрӱн
кайис крут трӱпаӱд. Сийӱ — тӱрыб, кокъясыс
вӱснийӱсь, кузьӱсь. Кымӱс вылас лӱччыштӱма
юрси прать.

Со бара почта: берег дорын сулалӱ куим
ӱшиня шу керка. Керка вевтыс — гӱрба, кар-
нан кодъ, кутшӱмӱсь став керкаясыс Печо-
раын. Кильчӱсӱ баситӱма. А кильчӱ вылас
век на пукалӱ сийӱ мортис: кокъяссӱ тажгӱ-
дӱма, щӱкасӱ пыкӱма кияснас. Тыдалӱ, ас-
ныра зӱв.

— Ти кодӱскӱ виччысянныд? — юалис Таи-
сья... — Али прӱстӱ сӱдз... гождьяланныд?

— Ме деньга виччыся, — ньӱжйӱник шуис
сийӱ. — Меным должен лоны Верхнепечорскыс
перевод. Самсоновлы... Ме командировка-
ын, гӱгӱрвоанныд?

— Гӱгӱрвоа, — шуис Таисья. — Тани нева-
жӱн райзагссысь ли кытысь ли ӱти команди-
ровочной недел чӱж вина юис. Кор став день-
гаыс бырис, локтис да медбӱръя куим шайт
вылас сетис телеграмма: «Ыстӱй кыксӱ...»
Сӱмын некутшӱм деньга сылы эз ыстыны.
Баржа вылын мунис гортас.

Тошка морт тӱрыба сувтис. И сӱмын ӱни,
югыдинас, Таисья гӱгӱрвоис, мый тайӱ тошка
мортислы уна вылӱ ар кызь вит. Гождьялӱм
плешас ни ӱти чуқыр. Бан бокъясыс оз тусь
рӱмаӱсь, синъясыс сӱстӱмӱсь. Весиг зӱв сӱс-
тӱмӱсь, а ӱни видзӱдӱны кодзыда.

— Меным дзик веськодь, мый вочис тiян райзагсса мортыд. Ме од организацияысь... И вообщо...

Самсоновлөн бан бокъясыс ещö на гөрдö-дiсны, сiйö чорыда öвтыштiс кинас да бөр пуксис кильчö пос вылö.

Таисьялы сiйö лоис жаль. Томансö босьтi-гөн сiйö вежливöя шуис:

— Шайт дас кымын ме верма сетлыны ас-сым. Гашкö, пузьöм йöв юанныд?

Но сэк жö скöрысь кöрис синкымъяссö: кор кылiс Таисьялысь кывъяссö, Самсонов кызкö тешкодя горöдiс, лэдзчысис пос тшупöдьяс вылö да сералöмысла джöмдiс. Сералöмысла тiравны кутiсны весиг кильчö посъясыс, а синъясыс, кор найöс восьтiс, вöлины тырöсь долыд синваён: сэтшöма сералiс.

— Йöйминныд?— шуис Таисья.

И пырис керкаас. Самсонов пырис сы бөрся. Öнi, кор на костын лои стойка, Таисья бара лои стрöг, а Самсонов зумыштчис. Сiйö пуксис скамья вылö, восьтiс полевöй сумкасö, перйис сэтысь кутшöмкö бумагаяс да кутiс висътавлыны:

— Гөгөрвоан, ме партияысь... геологическöй партияысь... Уньяын уджалам... Ме нуа кернъяс. Тайö — кызди эськö тiянлы висътавлны?— буритöм пөрöдаяслөн столбикъяс. Шуны дженьыда, изъяс. Дас кык ящик. Сёөн-джын-йөн километр вайим пыжъясөн. Öнi колö грузитны пароход вылö... И мынтысьны колö йöзыслы — вайöмсьыс, грузитчöмсьыс... Йöзыс виччысьöны берег дорын, налы бөр колö мунны гортаныс... Уньясянь на радируйтлiм

конторао, медым деньга ыстисны татчө... Кык тысяча... Телеграфон...

Таисья ньөжйөнник весиг шутөвти:

— Телеграфон? А көнi нө сийө телеграфыс, Усть-Уньяын? Абу.

— Кызди абу?— горөдиc Самсонов.— Ти жө ме дырйи примитинныд телеграмма?

— Примити. Но сийө өд телеграмма. Кион позьö гижны... А телеграфной переводлы колө аппарат, кодi ачыс лента вылө принимайтө... А сийө тани абу.

— Сидзкө...

— Сидзкө, тiянлы переводтө ваясны пароходон, почтаон.

— А кор локтө пароходыс?

— Войнас «Достоевский» кайис вывлань, аски асывнас лоө тани, сутки Верхнепечорск-өдз, сутки да джын бөр татчөдз... Оз кө кытчөкө сибды — ваыс зэв ёна ямис...

Самсоновлөн синъясыс видзөдиcны Таисья вылө жугыля, көритөмөн, быттьөкө сийө, Таисья, вөли мыжа сысы, мый Усть-Уньяын эз вөв телеграфной аппарат, а Печора сэтшөм водз ямис.

— И нинөм оз позь вөчны?— юалис сидзикөн, кор юалөны да сэк жө водзвыв нин төдөны, мый вочавидзасны.

— Нинөм.

Самсонов чеччис да мөдөдчис өдзөслань, скамья вылас весиг вунөдиc беретсө.

Таисья веськодя видзөдлис сы вылө. Но кор өшиньөдыс аддзис сылысь том, тошсялөм, скөр да зумыш чужөмсө, Таисьялы бара сийө лои жаль. Скөр йөзсө сийө мыйлакө уважайтлис рамъяс дорысь ёнджыка.

— Алло!— Таисья таркнитіс стеклӧас.—
Бӧр пырав! Татчӧ, шуа, пырав!..

Самсонов бӧр пырис.

— Тіян контораса начальникидлӧн кызди овыс?— синкымьяссӧ вӧрӧдіг, юалис Таисья.

— Солодов... А мый?

— Нинӧм. Нӧрӧвитлӧй.

Таисья бергӧдлыштис телефон ручкасӧ, сӧс-ся босьтис трубкасӧ.

— Куръя-а... Куръя!.. Рая? Здравствуй. Кедровка линия вылын? Йитлы, пӧжалуй-ста... Бура, важ мозыс на... Верӧс сайӧ? Ёна тай окота... Йитін? Алло, Кедровка... Кедровка-а!..

Телефон пыр Таисья сӧрнитис эз аслас, а дзык мӧд гӧлӧсӧн,— кызкӧ нюркйӧдлӧмӧн, нюжйӧдлӧмӧн... Тыдалӧ, став телефонисткаяс-ыс тадзи сӧрнитӧны торъя инструкция серти. А ӧні, кор линия вылын должен вӧлі шыась-ны Кедровка, Таисьялӧн гӧлӧсыс чорзис, лои скӧр: Печораын ставӧн тӧдӧны, мый Кедровкаса телефонисткаыс — асныра, лукав.

— Кедровка? Йит менӧ Верхнепечорсккӧд... А ме шуа — йит!.. Но и мый, абу кӧ менам кад? Менам, гашкӧ, тані землетрясение. Эн видчы линия вылас... Сетан? Вай, йит,— кок-ныыда ышловзис Таисья да ки пыдӧснас трубкасӧ тупкӧм бӧрын содтис:— Мӧс!..

Сӧсся, кисӧ век на сідзи кутіг, шӧпкӧдіс:

— Кызди учреждениеыд шусьӧ? Телефон номерыс?.. Алло, Верхнепечорск? Бур ныв, вай меным 2-34... Коді тайӧ? Солодов ӧрт? Усть-Уньясянь звӧнитӧны, почта вывсянь. Тані тіян ӧти уджалысь, Самсонов... Да, да, Самсонов! Сылы колӧ пыжысь мынтысьны, а

деньгасо абу ыстөмныд... Ладно, ладно, прав-
дайтчыны сы водзын кутанныд. Кывзöй, мый
ме висьтала. Öнi жö дзик пыр звöнитлöй бан-
кö управляющöйыслы да райпотребсоюзö
председательыслы. Гөгөрвоинныд? Мынтöй
райпотребсоузыслы кык тысяча шайт... Кы-
ланныд? Сэссия татчö сетöй заверитөм теле-
грамма, гижöй, кызди колö: «Усть-Унья, сель-
по магазин, Собянинлы. Сетöй кык тысяча
шайт Самсоновлы, ним, вичыс...» Кырымалöй
куимөн — тi, райпотребсоюзса председатель
да банка управляющöй. И гербövöй печать...
Гөгөрвоинныд? И тайос öнi жö вöчöй! Мый?..
Почтövöй агент Қорычева. Чолөм!..

Таисья öшöдiс трубкасö да лэдзчысис улөс
мышвылас. Рудов юрси прать öшйöма плеш
вылас, ныр йылас дзулькнитчöмаöсь ньылөм
чутъяс.

Самсонов то ли чуймөмөн, то ли уважение-
өн видзөдiс сылөн юрси прать вылө, нырвыв-
са ньылөм чутъяс вылө, вообщö Таисья вылө.

— Но, а водзö мый?— юалис сийö.

— А водзö менам могыс ичöt. Лоö теле-
грамма — примита. Оз ло — мыжав началь-
ствотö. Деньгатö пöлучитөм бöрын мынтöй
татчö куим шайт да квайтымын көпейка..
Куим минут чöж сёрнитөмысь.

— Атьö, ыджыд атьö!— нимкодь лои Сам-
соновлы.— Ме ветла пыжъяс дорö, кора вич-
чысьны асылөдзыс...

И уськөдчис öдзöс дорö.

Тайö пыжъясыс, а накөд орччөн — ящик
чукөръяс, а ящикъясыскөд орччөн — йöз чу-
көр бура тыдалисны Таисьялы почта öшинь
пыр.

Сійö аддзис, кызди рытъя лэччысь шондї югөръясыс дзирдалісны ящикъяс вылын. Аддзис, кызди ящикъясыс сэсся пемдісны да лоины дзик сьодось, сэтшөмось жö, кызди сиралөм пыжъясыс. Кор пыжъяс дорын өзтісны бипур, ю весьтö öшійис лөз тшын...

И сэки Таисья думыштіс гуляйтыштни берег пөлöныс. Удж бöрын тайö некодлы абу грек.

Сійö кöмаліс туфли, дерт медся выльяссö, плавгис пельпом вылас сыръя дора чышъян.

Бипуръясын трачкөдчисны важ кос вужляяс. Лөз тшыныс гартчис да сорласис еджыд руыскөд. Эз вöv сэтшөм пемыд, эз вöv сэтшөм югыд — июнь тöлысся вой нисьö лун.

Бипуръяс дорын пукалісны кучик лазъяса ыджыд дядьöяс, найö ставныс — кузь гөленя сапөгъясаось — заповеднöй Уньяса йöз. Черикыйысыяс, вöралысыяс и, кызди шуö районса прокурор, браконьеръяс. Найö завариталісны пöртъясö чайсö сэтшөм сука, мый рöмыс лои дьөгөдь кодъ, да юисны ыджыд кружкаясөн. Печораын татшөм чайсö шуöны «чифирөн». Быдөнлы төдса, мый морт сійöс оз кут юны, сійö кö эз чужлы Илыч либö Унья вожын.

Таисья муніс берег пөлöныс, уль лыа вывті, кöдзыдысла йöжгылясис.

Бипур сайын вуджөр моз сулаліс морт, воськовтіс сылы воча:

— Ті?

— Ме, — вочавидзис Таисья.

Самсонов мөдөдчис орчөн. Сійö эз сёрнит, кызди сылөн бипурдорса соседъясыс. А Таисьялы эз вöv окота заводитны сёрнисö пер-

войон. Тадзи найо мунисны и кыкнанныс чов олисны. И сомын берег доро мато узьмодчыс черияс, кор кывлисны налыс кок шыяссө, тувкнитлисны бокө.

Сэсса найо пуксисны кос кер выло, дзик ва дорас. Самсонов дыр озтис каллянсө, тэр-масьтөг нылалис тшынсө. А кор тшынсө ны-лавны дозмис, юалис:

— Кыдзи тиянос шуоны?

— Таисьяон,— вочавидзис нывка да топыд-джыка гаровтчис чышьяннас.

— Таисья? Сидзкө, Тая... Мича ним,— ош-кис Самсонов.— А меным бать-мам сетлом-ась Роберт ним. Мисьтөм, дерт. Но нинөм он воч.

— А гөтыртө тиянлыс кызди шуоны?— юалис Таисья.

— Гөтырөс? Менам гөтырыс абу.

— Гөгөрвоана,— шуис Таисья. И казялис, мый Самсонов бара скормис, кызди и сэки, кор кывзис юсьом командировочной йылыс.

— Пока абу гөтыра... Ме геолог. Геологлы абу сэтшөм кокни корсьны гөтыртө... Гашкө и, корсьны абу сьокыд, но оз быдөн лөсявны тайо должность вылас. Төданныд, кутшөм мян уджыс! Төвнас — экспедицияын, гожөм-нас — экспедицияын. Гортад гөсть моз во-лывлан. Геологлы колө сэтшөм гөтыр, коді вермө дыр виччысьны... И нэм чөж сидз — виччысьны. Татшөм нывбабаыс, ме думысь этша.

— Да энө сөрөй ті,— сёрниас тшөтш пырис Таисья.— Ті вок кужоны норасьны — экспедицияын, вöрын, морейн... А ме чайта, мый и геологияс абу бурджыкось мукөд мужикъяс-

ысь, оз омольджыка котравны... Но, а ныв-бабаяс... Найö виччысьны кужöны. Öткымынъяс кужöны нэж чöжыс виччысьны... и нинöм не аддзывны.

Самсонов чöv олыштис, сэсся бара заводитис сёрнитны:

— Нывбабаяслөн главнöйыс — характер. Чорыд характер... Тян, Тая, ме думысь характерыд эм.

— Эм. А мый!?— Таисья веськыда видзöдлис геологлы синмас.

Но сэки ылькнитис тöv, Самсонов каллянысь чепöсйисны би киньяс, чужöмьяс вылас резыштисны ва войтъяс — не то небесаяныс, не то васяныс. Таисья чеччис. И найö бөр мөдöдчисны берег пöлöныс.

Самсонов мыйлакö öбидитчис, видзöдлис бокö, и Таисья думыштис сёрнисö бергöдны мөдторйö:

— А мыйла тянлы тошкыс? Сэтшöм том — и тошка.

— Видзöдтö, экспедицияын ветлигөн абу зэв удобнö бритчыны.

— А мыссыны? Прöстö модничайтанныд. Либö прöстö дышылла. Тi, бритчöй, ладнö?

— Ладнö,— кöсйысис Самсонов да серöктис.— Ковмас пыравны Верхнепечорскын парикмахерскöйö. А сэнi веськыда зеркалö весьтас öшалö картина: Иван Грозный виö ассыс писö. Тэнö бритöны, а синъяс водзад — чуньяс костöд визувтö вир!.. Ен могысь повзян!

Серöктис и Таисья. Весиг бипур дорын пукалысь йöz бергöдчылысны сйö серам вылö.

Туйыс помассис.

Войтасис зэр. Таисья лөсьөдiс войтъясылы ки пыдөссө, а сэссия шуис:

— Узянныд ме ордын. Нинөмла көтасыны зэр улас. Мөдiм.

Таисья олис сийө жө куим өшиня керкаас, көни вөли почта. Самсоновлы сийө өкуратнөя лөсьөдiс ассыс векни крөватсьө, горөдiс сы вылө, кор сийө көсийс өткажитчыны, а ачыс босьтiс эшкын, пөдушка да петiс важ обөйөн шпалеритөм орчча комнатаө.

Кор нин водiс скамья вылө, Таисьялы төд вылас уси, мый өдзөсас эм иган. Игнасьны али абу? Ог, оз ков. Друг да мортислы окота лөө петавны ывлаө?

Сийө ляскысис пөдушка бердас, кунис синъяссө да унмовсис.

И садьмис сэки, кор телефонис гораа звөнитiс. Вөли водз асыв. Вит час.

— Да...— чирөм гөлөсөн ун йывсьыс на шыасис Таисья.— Усть-Унья... Телеграмма? Гижа... «Верхнепечорсксянь 48-15 — сидзи, гижа... Сельпо магазин, Собянинлы...»

Самсонов сулалiс нин орчөн. Видзөднысө сийө өни вөли тешкодь: тошкыс гынзьөма, плеш вомөныс — гөрд визь. Сийө сыналiс чорыд юрсисө да видзөдiс Таисья вылө. Таисья, узьөм бөрас, көнкө, тешкодь жө вөли. Сы вөсна мый став йөзыс садьмөм бөрас зэв тешкодьөсь.

Но өни найө видзөдiсны өта-мөд вылас и эз серавны.

— Со... телеграмма,— шуис Таисья...

— Воис нин?— чуймис Самсонов.

— Да. Öни и парөход танi лоас.

— Öни? Сэтшөм өдийө?

— А мый нө?— Таисья лэптыштліс пельпомъяссө.— Оні — ставыс өдйө вөчсьө... Кадыс сэтшөм тэрыб.

— Зэв тэрыб,— сөгласитчис Самсонов. И думыштіс подробнөйджыка разъяснитны ассьыс кывъяссө:— Кыдз нө мөд ногон? Атомнөй нэм...

Таисья чеччис, вештыштіс улөссө.

— Кад мунны. Бур туй!

— Ті өмөй онө волөй пристаняс?

— От төд. Лоө почта — ковмас ветлыны.

— Вот кызд?— шуис Самсонов.— Дерт нин сідз, көнкө... Но, аттьө!

И муніс.

А сэки вайисны заказнөй письмө, и Таисьялы — нинөм он вөч!— быть ковмис мунны пароход дорө.

Берег дорө, кызди век, локтөмаөсь сиктысь пөшти ставон. Вильшасьоны челядь. Дзор дедьяс пидзөсөдзыс ной чулкиюраөсь да дзирдалысь колошиаөсь. Ота-мөд бердас топөдчөмөн — стен моз — сулалөны нывьяс.

«Достоевский» сөрмис, и өні тэрмөдліс грузитчыны. Сувтөм бөрас сійө кузя тутөстіс, и мед вөлі убедительнөйджык, тутөстіс мөдысь дженьыда.

Уньяса дядьөяс тэрмасигтыр пыртлісны пароход пытшкө ящикьяс. Со эсійө, кузь тошка косіникис, босьтіс нин пельпом вылас мөд ящик. А берегас ящикьясыс быттьө оз и чинны.

Самсоновлөн киас блокнот. Сійө сулалө да мыйкө пасьялө карандашөн, видзөдлывлө ящикьяс вылас гижөм цифраяс вылө, вөрөдө вом дорьяссө.

Бара օтчыд кузя да кыкысь дженыда тутօстис пароход. Грузчикъяс матыстчисны Самсонов дорօ. Сійօ перйис зепсьыс кыз пачка денъга да кутис арталօмօн лօдны бригадирыслы шапкаас. Дыр артасис. Сэсся бригадир шапкаасис, а мукօдыс, мօдарօ, пօрччисны шапканысօ,— огօ пօ օбижайтчօй, ыджыд аттьօ пօ.

Сэки «Достоевский» скօрысь мօдис чушйօллыны, кօлесаясыс мօдисны гарскыны берег дорса галькисօ. օтчыд кузя да куймысь дженыда тутօстис.

Самсонов тօрыба видзօдліс берег дорын сулалысь йօз вылօ. Аддзис Таисьяօс да мօдօдчис сы дорօ.

«Йօйминныд?»— кօсийс юавны Таисья. Но эз юав.

А сійօ матыстчис, и сы пыдди, медым заводитны сёрнитны, кыв ни джын шутօг сулалис Таисья водзын.

— Пароход,— юрнас докнитис Таисья.

— Да,— шуис Самсонов.— Тօданныд, ме мыйсюрօ кօсийи тиянлы висътавны. Ме гижа. Верхнепечорсксянь...

— Сօмын эн вунօдօй.

Сэки «Достоевский», кодлօн, колօ лоны, дзикօдз бырис терпениеыс, ещօ օтчыд кузя да нельысь дженыда тутօстис, кօть тайօс вօлі абу индօма некутшօм правилօясօн.

Самсонов крута бергօдчис да, ваօдыс сапօгъяснас болскօдчигтыр, котօртис пароход дорօ...

Ас водзас тшынсօ разօдіг, «Достоевский» петис Печора шօрօ. Но сэк жօ сійօ веськօдчис ю чукыльлань, и регыд мысти сօмын нин

тыдаліс ляпкыдик понольяс весьтөд сылөн сьөд кольчаа еджыд трубаыс.

Таисья видзөдіс ю вылас. Печора вылын ворсөдчөны гыяс. Ылынокдь нин тыдалісны ёсь ныра пыжъяс, кодъяс өта-мөд бөрсяяс тювисны Уньялань. Йёзыс муналёны гортаныс. Берег дорө некод эз коль. Шыни төв. Сөмын дзуртышталёны корсюрө сё арөса сус пуяс. Луныс сэзь и көдзыд: көнкө гөраясын, тыдалө, мунөма шер. Сэтысянь пөльтө көдзыд төв.

Таисья апыштіс төвсө, джөмдыліс, кинас малыштіс сьылісө, сэсся вештіс син вывсьыс кывзысьтөм юрси пратьсө. Серөктіс:

— Быдсямаыс жө овлө...

«Сідзкө, кор почтасө виччысьны?— трөпаөд гортас кайигөн арталіс сійө.— Сутки Верхнепечорскөдз, суткиөн-джынийөн бөр татчөдз... Оз кө сибдав. Подписчикьяс бара видчыны кутасны, мый газетьяс сөрмөны. Самолөтөн кө эськө...»



НЭМЪЯС,
НЭМЪЯС

Т айö арнас Печора визувтис на войвылö.

* * *

Сийö визувтис на войвылö, а самоходной баржа «Хариус» мунис лунвылö, катис ю паныд. Ваыс зэв визула шывгис кысянькö ю йывсяньыс, кöни, тыдалö, ёна зэрöма. Тöлыс шутьлялис, швучкис, гартис ас водзас еджыд быгъя гырысь гыяс. Печора визувтис öдийö, ыджыд шумön, петкöдлис асьыс сямсö, «йöйталöмсö»,— кыдзи шуöны печорасаяс.

Сы вöсна, мый Печора вöли вывти визуз, самоходной баржа «Хариус» кайис зэв ньöжйö, ружтиг-кашкигтыр. Визулыс вöли ёна паныдалö.

И таджикон катомсыс (мунаи час, а век быттьо оти местаын) ставон нин сэтшөма дөзмисны.

А баржа вылас катис гидрогеологическөй экспедиция.

Со мый вөсна тайо экспедицияыс кутис го-раа горзыны, өвтчыны кияснас да ещө мукөд ног нимкодясьны, кор самоходной баржа «Хариус» крута веськөдчис береглянь.

Берегас сулалисны быдсяма пуяс — и лыска и корья пуяс, кодьяс быттьокө кыпөдчө-маось ваяньыс дзик небесаөдзис. Сулалис тшем вөр. Сэни сөмын отилаын вөли нейджид югыд визь, и тайо визьодыс Печорао усис Югор ю.

Гидрогеологыяс долженось вөли заводитны уджавны буретш тані, ю вомас.

— Ёртьяс (сэтшөмьястө и сэтшөмьяс), заводитой ректысьны! — горөдис экспедицияса начальник Бондаренко. — Став мукөдыслы — сувтөдавны палаткаяс.

На лыдын, кодьяслы тшөктөма сувтөдавны палаткаяс, вөли тшөтш и Катя Смолева.

Катя Смолева — сьод синьяса дас өкмыс арөса ныв. Сийо — көр ку шапкаа, код увсянь тыдалө кудриа юрсиыс, кельыдлөз свитера, а свитер вылас — «молния» куртка. Шоныд, лөсьыд, мича, кыдзи и колө пасьтасьны опытной гидрогеологлы.

Катя и збыльысь — опытной гидрогеолог. Сөмын кык во сайын на помалис дасөд класс, а вли экспедицияын коймөдысь нин. Аслас должность серти Катя Смолева — лаборантка. Уджыс сэтшөм: вөчавны грунтөвой валы анализьяс. Уна-ө ваас сов да мукөдтор.

Гидрогеологыас босьталісны черъяс да радчисны вѳрас — керавны майѳгыас. Катялы черыс эз нин сюр. Но сійѳ муніс жѳ вѳрас: видзѳдлыны, кѳні мый, тѳдмасьны местанас.

А гѳгѳр вѳлі сук лемыд вѳр. Пуяс, пуяс. Гѳгѳр шы ни тѳв. Гѳгѳр видзѳдалігтыр, медым не вошны, сійѳ муніс водзѳ и водзѳ. Кывзысис чѳв-лѳняс. Нырас чамгис сісь уль ру кѳр: васѳд муас, кытчѳ оз веськавлы шондыс, уна вояс чѳж нин гылалѳмаѳсь пу коръяс да лысъяс да зэлыда топалѳмаѳсь му бердас.

Таысь кындзи вѳрас кыліс кос, курыд тшын дук. Катялѳн нырысыс важѳнкѳдъ нин кыліс тайѳс. Но синъясыс сѳмын ѳні казялісны: кортѳм кыз пуяслѳн увъяс костѳдыс вѳснъндик тшын пискѳдчис вывлань, джѳмдыліс коз пу лапъясѳ, гартчыліс усьѳм уль коръяс весьтын, а сѳся нѳжйѳник руныгис-качис енѳжас...

Вѳрас пѳжар али мый?

Катя видзѳдіс, кодарсянь петѳ тшыныс да, кияснас пуяслысь увъяссѳ вешталіг, мѳдѳдчис сылань. Увъяссѳ вѳрѳдѳмысь кузь пуяс вывссянь войталісны гырысь кѳдзыд ва войтъяс.

Тшыныс лои сукджык, и Катя друг чуймис...

Сы водзын вѳлі стен. Джуджыд кыр, кодѳс быттьѳкѳ вѳлі тѳчѳма из плитаясысь, зѳв важ виж плитаясысь. А сійѳ стенас — розь, морт судта восьсаин. Сѳтысь и пуркйис тшыныс.

Катя видзчысьѳмѳн матыстчис розь дорас, видзѳдліс. Коридор. Кыкысь воськовт — веськалан быттьѳ пемыд гуѳ. Сап лемыд. И сѳмын медся пыдісьыс позьѳ гѳгѳрвоны, а не аддзыны муртса тѳдчысь пемыдгѳрд югѳръяс.

Пемыд пырыс синъясыд оз нин аддзыны тшынсö, зато тшыныс нем жалиттөг сөйö синъястö. Катялөн тюрöбтис синваыс, сьölöмыс топавліс, сэсся мөдіс тіпкыны тэрыбджыка.

И друг сэні, пыдіас, пемыдінас, кодкө горөдіс сывны. Кыз гөлөсөн, зэв лёка, мисьтöма.

Катя уськөдчис петанінас.

Сійö садьтöгыс котöртис асланыс йöз дорö. Ылісянь на кутис горзыны:

— Пещера! Сэні — пещера!

— Но и мый?— эз чуймыны гидрогеологъяс.— Овлöны свет вылын и пещераяс.

Ставөн сьölөмсяньыс зіля сувтöдалісны палаткаяс. Сöмын Сеня-бурильщик юаліс:

— Лөсьыд абу пещераыс? Гашкө, сэні овны позьö?

Катя Смолева öбидитчис. Недыр чöv олыштöм бöрын шуис:

— Сэні кодкө эм... Йöз...

— Йöз?

Тайö нин ставныслы лои интереснö. Сэки жö кытшалісны Катяös:

— Кутшöм йöз?

— Мый вöчöны?

— Ог тöд,— вочавидзис Катя.— Сьылöны.

Ставөн чуймисны, кутисны сёрнитны ас костаныс, кутшöм йöз эськө сэні вермисны лоны:

— Мунам видзöдлам!

— Тöдмавны колö, кутшöм йöз...

А Сеня-бурильщик бара ассьыс дольö:

— Пещераыс кө бур, сэтчö овмөдчам. Любöй палатка дорысь бурджык.

...И ставөн эновтісны уджнысö да мөдөдчисны сэтчө. Медводзын мунис Катя.

Кор нин пырисны гротө, Катяос колисны медбөрө — код төдас мый вермас лоны; а, гашкө, и некод эз коль — ачыс дзевсис. Сап пемыдсö карманной пöнарөн югдөдиг, найö мунисны ньöжйөнник водзö. Сёрниттөг, чөв оліг.

Коркө и пещера пытшкын тыдовтчисны пемыдгөрд би югөрьяс. Векни коридорыс паськалі, и ставөн веськалісны мупытша залö. Сарөг изья стеньяс, пөтөлөкөдзыс тшын...

Пöнарьяслөн югөрьясыс шарөдчисны-визьялісны пемыд залас. Сэні тыдовтчис кык юр.

Öтиыс шапкатөм, руд юрсиа, кельыдлөз синьяса, няйтось бан бока. Мөдыс — шапкаа, уска да тошка. Найö чуймөмөн лапйөдлісны да читкыралісны синьяссö на вылө веськөдөм би югөрьясыс.

— Чолөм,— шыасис. öтиыс, томджыкыс.

Кыліс, кыдзи сійö шыбитіс көрт зыр, сэсса тыдовтчисны пуджөм соска ён кияс. Зумыд кияснас мыджсьөмөн томджыкыс чеччыштиспетіс гуыс: сійö вөлі брезент гача да клетчатой дөрөма.

— Чолөм,— гусыс петөм бөрын мөдыс шуис том мортыс.— Кодьяскөд ме сёрнита?..

— А ті асьныд кодьяс лоанныд?— горөдіс сылы Катя Смолева.

Клетчатой дөрөма морт пыр жö видзөдліс Катя Смолева вылө, недөвөльнөя пыркнитіс юрнас:

— Бур ногөн кө, буракө, колө, медым гөстьяс висьтасисны көзяевалы, кодьяс найö сэтшөмьясыс, а не мөдарө.

— Зато ми унаонось, а ті отнад,— некыдз эз косьы сӱгласитчыны сыкод Катя.

Да и Катялӱн ӱртӱяслы эз жӱ во сӱлӱм вылас, мый пещераса олысь лӱптӱ асьсӱ сӱтшӱм вылӱ.

— Некод на оз тӱд, кодӱ танӱ гӱстьыс, а кодӱ кӱзяиныс!— нурбыльтӱс Сеня-бурильщик.

— Вот ми ӱнӱ мунам да ваям татчӱ кӱлуинимӱс да овмӱдчам,— кодкӱ содтӱс.

Татшӱм сӱрнисӱ кылӱм бӱрын клетчатӱй дӱрӱмаыс стрӱга кӱрис синкымӱяссӱ:

— Та йылысь и сӱрни оз вермы лоны. Пещераас олӱны — и пырны татчӱ — сӱмын менам разрешение серти.

— Ыджыд тай делӱ!— скӱрмис Катя Смолева.— Ыджыд тай делӱ...— Но мыйта кӱть сӱйӱ эз думайт, колана кывӱыс сылы эз сюр: сӱтшӱма скӱрмис.

Зато мукӱдыслы кывӱясыс сюрисны:

— Мыйӱн докажитад, мый пещераыс тӱян?

— Ордерыд сы вылӱ эм?

— Видзӱдтӱ, кӱзяин аддзысьӱма...

— Прӱверитны налысь документӱяссӱ!

А сӱки гусыс кавшасис пещераын мӱд олысьыс — олӱма морт, чӱрвӱня кузь гӱленя сапӱга.

— Мый танӱ лоис?— тайӱ здукас кылис гидрогеологическӱй экспедицияса начальник Бондаренколӱн гӱлӱсыс.

Начальник вӱлӱ скӱр. Берег дорын важӱннин ректӱсны баржасӱ, а найӱ, кодӱяслы колӱ вӱлӱ сувтӱдны палаткаяс, разӱдчӱмаӱс, и сылы, экспедицияса начальниклы, колӱ найӱс пещераясыс корсьны.

— Мый танӱ лоис?

Гидрогеологъяс кежыштисны, лэдзисны сійс водзё. Бондаренко гөгөр видзёдліс, воськовтіс пещераын олысьяс дінё, нюжөдіс кисё:

— Видза оланнуд, ёртъяс! Вай тёдмасям...

Сійё перйис зепсьяс удостоверение-книжка, код корка вылын би югөр улас дзирдыштис гижөд: «Наукаяслөн академия».

Клетчатой дөрёма морт радпырысь кутліс сылысь кисё, ветліс пещера пельёсё, кытчө вөлі тэчёма көлуйсё, бөр воис, мыччис Бондаренколы удостоверение-книжка, код корка вылын би югөр улас дзирдыштис гижөд: «Наукаяслөн академия».

— Археологъяс!— удостоверение вылас видзёдлём бёрын радпырысь шуис Бондаренко.— Зэв бур, зэв бур!

И бара кутліс пещераын олысьяслысь кинисё.

— Чугуев,— висътасис клетчатой дөрёма том морт.

— Бурмантов Феодосий Феодосиевич,— шуис чөрвөня сапёга мортыс.

— Сідз-сідз... Аддза, кадсё онё прөстө воштө,— водзё сёрнитіс Бондаренко.—И правильно вөчанныд. Вот Печораёс бергёдам лунвывлань,— сәки ставыс лоё ваын, ва пыдөсын. Море!.. Колё тэрмасьны: вөр колё идравны, му пытшкөсса озырлунъяссё видлавны, ставсё исследуйтны, мед нинём оз прөстө вош...

— Дерт жө!— шыасис Чугуев.— Например, тані, Печораын, уна интересной важся стоянкаяс, на лыдын и тайё — Югорской пещера. Көть и жаль, но тайён некод на абу занимайтчылёма. Оні гөгөрвоисны: ва улын лоё — ковмас водолазъясёс ыстывны!

— Тайö сідз, водолазъясöс...

— Да, а кор ті заводитанныд стрöитны?
Ті локтінныд стрöитны нин?

— Эг. Ми — гидрогеологъяс.

— Гидрологъяс...

— Гидро-гео-логъяс! — төдчөдіс Бондаренко.— Ті төданныд гидрогеологиясö?

— Дерт жö. Шуны кө, кывлі, лыддывлі. Но... омöля төда. Ті менö извинитöй, но öні наукаын сы мында выль юкөн, мый мукöд дырйиыс он төд весиг... Көть тэ и наукаяс кузя кандидат...

Пещераын олысьлөн бан бокъясыс гөрдöдыштисны. Сэк жö сійö гусьөн видзöдліс Катя Смолева вылö. А Катя Смолева тешкодя көрліс чужöмсö: «Тожö кандидат! Бура сёрнитны велöдö, а ачыс дзугис гидрология да гидрогеология».

— Овлö,— довкнитіс юрнас Бондаренко.— Миян наука зэв на том. Татчö ми локтім сы могысь, медым изучитны тайö районсыс му пытшкөсса ваяс: Печора вомөн дамба лöсьöдігөн найö ёна кутасны мешайтны. Таыс кындзи, колö төдмавны, оз-ö вермы пышйыны ваыс будущöй мореысь. Гөгөрвоана, буракö?

— Тывыйö,— эскöдіс Чугуев.

А сылөн ёртыс, сэтчöс олысь Феодосий Феодосиевич Бурмантов, чуймөмөн кывзысис на сёрниö: быдсяма наукаыс жö эм му вылад!

— Ми уджалім нин Волга, Ангара дорын. Öні — татчö. А ми бөрся локтасны и строительяс. Матысса кадö кутасны ваявны машинаяс!.. Каспийлы ва колö: ковмас, тыдалö, Печора-матушкалы отсыштны Волгалы.

«Отсалас!»— думыштіс Феодосий Феодосиевич.

— Сідзкө, стрөитны кутасны?— мөдысь юалис Чугуев.

— Кутасны,— вочавидзис Бондаренко.

Сійө видзөдліс часі вылас, кутіс тэрмасьны:

— Бура уджавны тиянлы! Извинитөй... Лоам бур соседьясөн.

Сэсся шыасис аслас йөз дорө:

— Мунөй да ставөн заводитөй сувтөдавын палаткаяс!

Кокьяснас гримөдчигтыр гидрогеологьяс кутисны петны пещераысь.

Медбөрын петіс Катя Смолева.

— А миян палаткаясыс шоньдөсь,— бергөдчыліс да друг шуис сійө.— Абу тиян... гуйд кодь.

Андрей Чугуев колльөдіс сійөс синьяснас Сэсся джоджсьыс лэптіс пөвтор, босьтіс карандаш да гижис: «Бокөвөй йөзлы пырны оз позь».

Пөвсө пунктіс пещераас пыранінө. Нимкодясьыштіс. Сэсся бөр пырис пещераас, петкөдіс сэтысь вижөдөм юр лы да кык ки лы, кодьясөс сійө аддзис кольөм лунө. Ставсө та йөс колана ногөн пункталіс объявление улас. Артмис сэтшөм жө, кутшөмьяс овлөны трансформаторнөй будкаяс вылын: убедительнөй объявление.

— Тари-ра-ра-рам, грам-да-да...— горөдіс сывны археолог сылы өтнаслы төдса мотив.

* * *

Но аски асывнас, кор петіс пещераысь, медым вөчны физзарядка да мыссьыны, Андрей

Чугуев казяліс, мый сылөн объявление дінө кодкө содтөма: «Йөйталөм». А юр лыса жер вомас чурвидзис папирос пом.

— Тари-ра-ра-рам...— сьыліс Андрей Чугуев. Сійө бура төдіс, коді тайөс вөчис.

Кор лэччис ю дорө, сэк жө аддзис көр ку шапкаа тайө збой нывсө.

Мыйкө думайтігтыр Катя сулаліс берег дорын. Корсюрө сійө видзөдлывліс ичөтик пур вылө, мыйөн Югор вомөн вуджавлөны кый-сьысьяс. А пур вылас видзөдны вөлі страшнө: сөмын куим ичөтик кер, а найөс йитөма кык көрт скөбаөн. Кузь бөдь — йөткасьны. Югор юыс көть эськө и векни, но тайө пурйыс вылө Катя, буракө, эз зэв ёна надейтчы.

Андрей Чугуев копыртчис ва дорас, майтөгаліс чужөмсө, сьылісө, а ачыс син бөжнас мудера видзөдлывліс Катя вылө: мый, шогө усин лө?

Катя казяліс сылысь мудера видзөдлывлөмсө, скөрысь чушнитіс, а сэсся смелмөдчис. Збоя воськовтіс ичөтик пур вылө, босьтіс кузь бөдь да мый вынсьыс сатшкис сійөс сөй берегас...

И ставыс артмис сідзи, кызди думайтіс Андрей Чугуев: бөддыс коли сөй берегас, а пурсө тувөдіс-кылөдіс ю шөрас. Сэні сійө кутіс гөгравны өти местаын, а сэсся ньөжйөник мөдіс кывтны ва ньылыдыс. Воськыда ю вомас, Печораө.

Көр ку шапкаа ныв кокъяссө вештавтөг сулаліс керъяс вылын. Медым не усыны, сійө өвтчис кияснас, кызди канат вывті ветлысь морт. Сөмын чужөмыс эз вөв канат вывті

ветлысь мортлөн кодь весел, а кызкө повзёмысла векуштчөма...

А пурйыс сэк кості кывтіс и кывтіс. Прөйдитіс нин Андрей дорті.

— Поклон висьталөй моржъяслы Ледовигөй океанын!— Андрей чолөмаліс пур вылын кывтысь нылөс.— Жаль, мый Печорасө эз на удитны мөдарө бергөдны, а то эськө веськыда Астраханьөдз.

— Да отсалөй жө меным!— горөдіс сылы Катя.— Ме өд вөя...

— А таті абу зэв джуджыд,— такөдіс археолог.

Весиг ылісянь кодь нин тыдаліс, кызди повзёмысла тіралісны нывлөн пидзөсьясыс. Андрей Чугуев ещө мыйкө дыра сідз сулаліс (петкөдліс повзём нывлы, мый сылы дзык веськодь!), а сэсся котөртіс бедьла. Бөр суөдіс пурсө, мыччис бедьсө.

— Кутчысьөй.

И ньөжйөник кутіс кыскыны пурсө береглань.

— Кытчө ті менө кысканныд?— ещө на граджыка горөдіс ныв.— Меным мөдар берегас колө...

Ок, кутшөм век жө йөз — нывбабаяс!

Андрей пырис ваас. Арся ваыс вөлі йи кодь көдзыд. И көть Югор юыс ляпкыд, йиа ваас век жө ковмис пырны коскөдзыс. А сэсся ньөжйөник, медым не повзёодны нывсө, йөткыны пурсө мөдар берегас.

Спаситөм ныв тэрыба чеччыштіс му вылө и сэк жө юаліс:

— А бөрсө кызди ме вуджа?

Андрей Чугуев сөмын лэлтыштліс пель-

помъяссö. Көдзыдысла сълөн таркакылісны
пиньясыс, паськөмсьыс ызгис-вияліс ва...

Катя малыштіс Андрейлысь ва дөрөм сос-
сö да шуис:

— Миян палаткаын утюг эм — шомён
шонтёны. Удж бёрын вая. Колө?

И ещö содтіс:

— Менö Катяён шуёны.



Вөлі тайö субöта лунö.

И тайгаын, Югор ю вомын, законъяс колö
соблюдайтны. Та вöсна субöтаö гидрогеологъ-
яс уджсö помалісны водз, öбед кежлö.

А Катя Смолева мөдөдчис гөститны пеще-
раын олысьяс дорö, сьёрсьыс босьтіс утюг.

Пещераö пырөм бёрын Катя адзис татшөм
серпас.

Сійöс спаситысь мортыс, Андрей Чугуев,
кияснас пидзөсьяссö шымыртөмөн, пукаліс
узьлан мешөк вылын. Сійö вөлі кос паськөма
нин. Синсö вештывтөг видзөдіс пещераса са-
рөг стенö, көні вирдышталісны-ворсісны би-
пурлөн слабиник пемыдгөрд югөръясыс да
быттö öзтылісны то сәні, то тані важ пөрö-
далысь сарөг стенсö. Андрейлөн чужөмыс
вөлі зумыш...

А сы кокъяс дорын сулаліс патефон — ичө-
тик, нывбабалөн сумка кодь. Сійö ичөтик
патефон вылас бергаліс ыджыд пластинка,
кодлөн шөрас вөлі клеитöма гөрд бумага.

Пещераын жö вөлі и Феодосий Феодосие-
вич Бурмантов. Сійö пукаліс да видзөдіс би-
ыс вылö.

Мыйон казяліс Катяос, Андрейлон чужо-мыс пыр жо вежсис. Меліа нюммуніс, ырскөбтіс-чеччис да ас местаас пуксьодіс Катяос,— мукөд пөлөс пуклөс сәні эз вөв. Ачыс сувтіс стен дорас, кияссө кресталіс, и чужо-мыс бара лоис төждысяна, зумыш...

Шызьодана, гора аккордьяс юргисны пещераын. Корсюрө аккордьясыс торъявлісны-разавлісны уна пөлөс гөлөсьяс вылө. Вөсни гөлөсьяс пельк лэбачьяс моз кытчөкө качлісны вывлань, сәні сяргисны-тіралісны, чукөрмылісны өтчукөрө да бара сявкмуңлісны-разавлісны жемчуг чутьяс моз, а басьяс тәрмасьтөг, ньөжйөник, өтсяма шлывгисны водзө. И став тайө уна пөлөс гөлөсыс вөлі топыда йитчөма, юргис өти ритмөн.

Ворсіс орган. Патефонлысь шысө пещераса йөлөгаыс уна пөв содтіс, паськөдіс, быттьөкө веськавліс паськыд эрд вылө.

Пещераас пыригөн на Катя төдіс тайө музыкасө. И не сөмын сы вөсна, мый сійө велөдчыліс музыкальнөй школаын. Тайө музыкасө сразу төдан; сійөс оз позь не төдны — сійө кутшөмкө аслыспөлөс музыка.

Кор пластинкаыс ворсіс помөдз, Катя меліа, нормөм синьясөн видзөдліс Андрей вылө, сәсся юаліс:

- Ті радейтанныд Бахөс?
- Нинөм... Терпитны позьө...
- А?..

Катялөн синьясыс гөгрөсмисны.

Сәки Андрей Чугуев скөрысь, витнан чуньнас шыльөдыштіс кывзысьтөм юрсисө, йирыштіс пиньяснас:

- Ті гөгөрвоанныд... Ті гөгөрвоанныд?

— Мый?— ещö на ёнджыка повзис Катя.

— Ме шуа, мый тi музыкасö гөгөрвоан-
ныд... А ме ог гөгөрво! Нинём ог гөгөрво...
Кыскала съорысь патефон, моздор тыр пластинка — и весьшөрö. Ог гөгөрво. Ставөн гөгөрвоёны, а ме ог гөгөрво.

— А тi врач дорö энö шыасълöй? Эмось сэтшöм специальной докторъяс — пельяс кузя. Тi шыödчылöй...

Андрей Чугуев зумыша видзöдлис Катя вылö: издевайтчö али прöстö сiдз — сералö сы вылын? Быттьökö, прöстö сiдз. Сералö сы вылын. Сэки пыркнитис юрнас:

— Кыдзкö да мыйкö врачьястöгыс нин. Да и тöдны колö нин: пельяс лечитысь врачьясыс шусьöны отоларингологъясөн.

— Аттьö.

— Пöжалуйста... А ме ассым шедöда. Ньöби учебник, кута кывзыны пöрадок серти, дзик первойсяньыс: шөр нэмъяссиянь — талунъя лунъясöдз... Сэни лöёны и клавесинистъяс, и Бах и ставөн.

— А тi заводитöй этiйöяссиянь... кыз шуны... питекантропьяссиянь ли мый ли?— Катя Смолева нюммунис.— Тайö тiянлы лöö гөгөрвоанаджык, матынджык... Музыкаыс налөн, питекантропьясылөн, вöли?

— Кöть и жаль, музыкаыс абу вöлöма. Сыысь кындзи, ме занимайтча ог питекантропьясөн, а изучайта ёна сёрсяджык кадколаст.

Археологлы, буракö, йиджис сьөлöмöдзыс. Буракö, скöрмис. Сiйö воськовтис пещера стен дорö, сiйö пельöсас, кöни вöлины быдсяма пöлöс мешökъяс да чемоданъяс. Дыр гудийысис мешökын, шарödчис кутшöмкö изъясөн, лыяс-

өн. Сэсса бөр локтіс. Мыччис Катялы ки пьдос пасьта из.

— Со... Талы вит тысяча во нин!

— Да мый ті? Зэв бур из. Дзик вылькодь...

— Тайё абу из,— шуис Чугуев да бөр босьтіс сійос Катя киясь.— Тайё тэльоб. Из тэльоб. Сійос вочомаось мортлөн киясыс.

Катялы век жё лоис интереснө. Сійө бара босьтіс сійө изсө. Чуньсө нуодіс дорышөдыс.

— Вернө!— нимкодь лои сылы.— Зыртө неуна. Сөмын пиньясыс шылялөмаось нин... А мый тайён зыртлісны? Али сынасьлісны?

— Ті вернө шуинныд,— нимкодь лои и археологлы.— Казялінныд медся важнөйсө: пиньясыс шылялөмаось... Тэльоб йылыс шылялөма. Гөгөрвоанныд? Найё уджавлөмаось тайё орудиенас, уджавлөмаось!..

Андрейлөн синьясыс югьялісны. Чорыд юрси пратьясыс лэччысьомаось кымөс вылас, и кинас тэрыба сійө вештіс бөрвыв. Сулаліс кокьяссө тажгөдөмөн, мичаа, быттьокө художественнөй самодеятельность вечер вылын лыддис стихьяс.

— Ті гөгөрвоанныд? Удж-ав-лө-маось! Тайё уджыс и вөчис мортөс. Вөчис миянөс тіянкөд... Аски, кызди шуис тіян начальникыд, татчө, Печораё кутасны вайны машинаяс, медым стрөитны му вылын выль море. Земснарядьяс, землечерпалкаяс, бетономешалкаяс, ну, шуам...

— Восьлалысь экскаваторьяс,— отсаліс Катя.

— Дерт жө! А коркө важөн-важөн заводитлөмаось уджавны со тайё агрегатнас...

Андрей бара нюжөдліс кисө тэльөбысла, но

Катя эз сет. Видлаліс гөгөрбок, внимательнөя видлаліс.

Археологлы лои нимкодъ, мый аддзөмторна- нас кутіс интересуйтчыны Катя. Сэки Чугуев кыскис ныв кокъяс дорө мешөксө ставнас. Перыйліс сэтысь быд посниторсө да висьтавліс подробнөя:

— Видзөдлөй татчө. Ньөвъяслөн наконецникъяс. Бара тэльөб. Из чер... Ставсө тайөс ми Феодосий Феодосиевичкөд перйим пещераысь. Тані дыр олөмаөсь йөз. Культурнөй слөйыслөн джудждаыс — пөшти метр... А со тайөс ми аддзим вылысьджык нин: керамика... Да, сөй гырнич тор. Вөлөмкө, сэки нин гырничьяссө вөчлөмаөсь... Видзөдлөй бурджыка: чери сьом. Сідзкө, юква пулөмаөсь...

Катя серөктіс.

— А тайөс видлавны ковмас босьтлыны оптика,— шуис Андрей да перйис мешөксьыс ещө өти гырнич тор. Гач зепсьыс перйис увеличительнөй стеклө да мыччис сійөс Катялы:— Видзөдлөй бурджыка, аддзанныд сөйсьыс чунь туй?

— Көні?.. Ог аддзы... Аддза, өні аддза! Чунь туй...

— Да и чунь туйыс нывбабалөн. Сідзкө, гырничьяссө тані вөчавлөмаөсь тшөтш и нывбабаяс... Да, да... ичөтик чунь...

Катя сюся видзөдліс археолог вылө, коді нюмъяліс да ныр дорас бергөдліс гырнич торсө. Нюмъяліс сэтшөм меліа...

Катя сьөлөмын друг вөрзис вежөгтан чувство. Синкымъясыс көрсьылісны. Но сэк жө бөр веськалісны да кутісны вөрны:

— Пöжалуйста, висьталöй, кутшöмджык вöлі сійö... нывбабаыс?..

— Кутшöмджык вöлі?— юалис Андрей.— Мыйнö, видлам рисуйтны.

Сійö жö паськыд зепсьыс, кöні вöлі увеличительнöй стеклöыс, археолог перйис записнöй книжка, карандаш. Восьтис чистöй лист бок. Но сулалігөн рисуйтчыны сьöкыд: луксис узьлан мешök вылö Катякөд орччөн. Катя муртса вешйыштис — видзöдлам лö, кодöс тэ сэні рисуитан...

Карандашыс тэрыба котралис лист бок вывтыс: археологыяс — найö мастерöсь рисуйтчыны. Кияс, кокъяс, юр. Коссьыс улынджык — мехöвöй пелеринка...

Катя Смолева гораа серöктис. Сералöмысла муртса эз усь, ладнö — удитис кутчысьны Андрейлы пельпомас.

— Вот йöзтö повзьöдлысьыд! Стильнöй нылыс.

Андрей серöктис жö. Сылы и аслыс кажитчис неолит эпохаса стильнöй нывлөн портретыс.

Таысь кындзи Андрейлы гажа вöлі мөдторйысь: сылөн ёсь кывъя ёртыс, коді сералöмысла муртса эз усь джоджас, кутчысис сылөн пельпомö, а пельпом вывсьыс босьтны кисö сідзи и вунöдис — кийс век на вöлі пельпом вылас... Таысь сылы вöлі зэв нимкодь.

Сöмын Феодосий Феодосиевич Бурмантов, кор дözмытöдзыс кывзис налысь гөрдлөмсö да ещö сэтчö жö казялис Андрей пельпом вылысь Катялысь кисö, ышловзис, чеччис места вывсьыс да ньöжйөнник довгис петанінö.

Аслас нэм чөж сійө унаысь аддылыс, кыдзи нывъяс да зонъяс ворслöны... Ачыс ворслиси.

А ныла-зонма — Андрей Чугуев да Катя Смолева — весиг эз казавны, мый чеччис да мунис кытчöкө коймөд лишнöй морт.

Коймөд лишнöй мортыслысь благородство-сö некод оз казав. Сöмын найö асьныс казав-лöны сійөс.

— Öнi рисуйтöй сійөс, но, эсiйö древнöй нылыслысь кавалерсö,— Андрей пельпом во-мөн блокнотас видзөдiг корис Катя.

Андрей рисуйтiс. Найö, археологъяс, мастерöсь рисуйтчыны. Кияс, кокъяс, юр. Коссыс улынджык пелеринка. Лажынътчöма — би перйö. Дзик сапöг чиститысь кодь...

— Нинöм, мича...— шуис Катя.

И бергöдiс чужöмсö Андрейлань. Андрей вылö видзөдлiс. Сылөн гожъялөм чужöм, плеш вылас, кыз синкымъяс вылас, сылөн лым кодь кельыдлöz синъяс вылас, томиник паръяс вылас.

Сравнивайтiс али мый?

Андрей видзөдiс жö. Сэтшöм сюся, серьез-нöя сiйö видзөдiс ныв чужöм вылö, кодös мич-мөдiс би югöрыс. Шапка увсыс тыдалысь кудриа юрси вылас, сьöд синъясас, кзыник паръяс вылас.

— Нхгм... Извинитöй.

Пещераö пырис Феодосий Феодосиевич Бурмантов. Сiйö жөдзыштiс места вылас, чушкис тыртöм калляннас.

— Андрей Николаевич, спутник лэбö.

Катя да Андрей быттö эз и вöвны сэни. Бипур вылас быттö пöльыштiс төв — биыс вöрис.

Ки на ки кутчысьомён, конъясиг, найо котөрөн петісны пещераысь.

Ывлаыс эз нин вөв югыд. Но и эз на дзик-өдз пемды. Сөмын стен моз сулалысь вөрыс вөлі съод. Юсянь өвтис көдзыд. И небесаыс — шондітөм нин, но кодзувъястөм на — вөлі көдзыд да сөстөм, кызди кыммөм водзвылас ю. Отарас небесаыс югыдджык, а мөдарас — пемыдджык. Паськыд небесаыс.

А небесаөдыс лэбис спутник.

Югыд кодзув вуджис небесасө увереннөя, тэрмасьтөг. Сійо наизусть төдіс сылы сетөм орбитасө, и кадсө, мыйта колө сылы, медым кытшовтны му гөгөр. Спокойнөя кывтіс кодзулыс.

Андрей да Катя адзылісны спутниксө первойысь, көть и төдісны, мый сійо частө лэбө буретш тайо войыв широтаяс весьтөдыс. Радио пыр кывлісны. А адзылісны юр весьтсьыс арся кымөрьяс.

Гидрогеологыяс, кодъяс петісны асланыс палаткаясысь, гораа чолөмалісны лэбысь спутниксө. Откымынөн весиг качөдлісны шапканысө, но спутникөдзыс, дерт, шыблавны эз вермыны. Быдөнлы вөлі нимкодь, мый спутник абу вунөдөма лэбны тшөтш и Югор ю дорті, көні кызь кымын морт олөны палаткаясын, будущөй море пыдөсын.

Горизонтас вотөдз на спутник вошис рөмыдас.

А Катя да Андрей, ота-мөдыслысь кияссө век на кутігтыр, сулалісны да видзөдісны выліө.

— Меным кад... — друг шуис Катя да мездіс кисө.

Шуис быттьо ун йывсьыс — ньөжйөнник, чуй-мөмөн. Но сэк жө гөлөсыс бөр збоймис:

— Миян талун комсомольскöй группалөн собрание. Окота кө волöй. Тi комсомолец?

— Абу,— шеныштчис кияснас Андрей.— Шуны кө, вöли... Петi сийö арлыдсьыс.

Катялы, буракö, эз ло лөсьыд, кор төдмалiс, мый Чугуев оз ло собрание вылас. Весиг синъясыс лоины жугыльöсь. Но, тыдалö, ни-нөм өн вöч.

— Аскиöдз?

— Аскиöдз.

Катя мөдөдчис палаткаяслань. Кияснас коз лапьяс вешталöмысь шарөдчисны лысьясыс. Неуна водзынджык вөрзылысны еджыд кызду увьяс, сэсся найö тiралыштiсны-йөктiсны пемыдас. Сэсся көнкө дзик берег дорас нин кылысны небыдик кок шыяс...

Важ из плитаяс вылө мыджсьөмөн, Андрей сулалiс пещера дорын. Морөсас кияссö кресталөмөн сийö дыр видзөдiс пемыдас, чөв олiс. Сэсся кызөктiс, ньөжйөнник заводитiс сывны сылы сөмын өтнаслы төдса мелодия.

— Андрей Николаевич, чай кутанныд юны?— пещераысь тыдовтчылис Феодосий Феодосиевичлөн юрыс.

— Мый?— шыасис Андрей Чугуев. Сийö думнас вöли мөдлаын на.

* * *

Тайö арнас Печора визувтiс на войвылө.



-А ким оз шыась...— веськодя юөртис телефонистка.

Василий Кузьмич, партиялөн райкомса секретарь, лэптыштлис пельпомъ-яссө да бөр өшөдис трубкасө. Сэссия сийө озтис папирос да думыштчис. Аким сикт, көні вөлі «Гөрд партизан» колхоз, нельөд лун нин эз өтвечайт. А көдзны заводиттөдз колины лыда луньяс, и райкомса первой секретарь, дерт, көсийс төдны: дасьось-ө сәні? Ставыс-ө лючки-ладнө? Мыйкө колө оз налы?

И вообщө... Нельөд лун Аким оз шыась. Дерт, өд сэссия воас юрад быдсяма мөвпыс. Тешкодь, зэв тешкодь...

Клопнитісны өдзөсьяс, и кабинетө пырис Микушев, райисполкомса председатель. Көть сійө вөлі и кыз, пырис тэрыба, пелька. Василий Кузьмич, гөгөрвоис, мый Микушевлөн сьөлөмыс абу местаын.

— Чолөм!— райисполкомса председатель пуксис креслөө.— Василий Кузьмич, мый вөчны? Акимө витөд сутки нин ог вермы звөнитны. Весиг думыштны ог куж — мый вөчны!.. Министерство сводка корө, а кутшөм нө сійө сводка, абу кө быд колхозсянь.

— Но, сводка — сійө, шуам, абу на медся главнөйыс,— шуис райкомса секретарь.— Меным окота төдны: мыйла Аким оз өтвечайт? Мый лоис?

— Колө чайтны, некытчө найө эз вошны.

— Ме сідз жө думайта. Но ваыс таво ыджыд. Зэв өна туис.

— Гашкө телефоннөй столбьяссө пөрлөдліс?

Зільөбтис телефон. Василий Кузьмич босьтис трубкасө.

— Кывза... Линияыс дзонь? Мыйла нө сідзкө... Правильнө! Пыжсө сетам. Лөсьөдчөй,— сэсся пунктис трубкасө да шуис:— Связьлөн райконторасянь. Чайтөны, мый сәні, Акимас, мыйкө абу лючки. Техникөс мөдөдөны... Со мый, Иван Алексеевич, резинөвөй сапөгыт тэнад гортад?

— Абу, тані шкапын... Сөмын менам нелямын квайтөд номер.

— Буретш. Көмав, и — мөдім...

— Кытчө?

— Акимө. Медбөрьяыссьө сәні кор вөлін?

— Медбөръяысь? М-м... Сентябрь, октябрь... Да, бөрйысьömъяс водзвылын...

— Сійö öд и эм. А ме — партийной конференция водзвылын... Мун пасьтась!

* * *

Печораын олысьяслы Аким эз нин вöв сэтшöм ылын — районной центрсянь сё кызь километр сайын. Но öд тани быд школьник тöдис и сійöс, мый налön район территорияö тöрис быдса государство — Бельгия — да содтöд Люксембург.

Районной учреждениеясын уджалысьяс ветлöдлісны командировкаö куимсё-нельсё километръяс сайö. Ветлывлісны автомашинаясön, тракторъясön, вöвьясön, самолётъясön, пароходъясön, а то и подön.

Но Аким сикт вöлі сәні, кытчö веськавны сьöкыд. Сулаліс сійö Веква ю дорын, кыті пароходъяс оз ветлыны вонас куимсё квайтымын лун. Дзик öти туйön вöлі йöраяслön трöпа. Самолётлы пуксян площадкакыс матігöгöрын эз вöв.

Тыдалö, йöзысь öтдортчысь мужик вöлöма сійö Акимыс, коді сё во сайын овмöдчылöма сэтчö!

Воча швучкис тöv. Райкомлön моторкаыс, нырнас гыясас сунласиг, катіс ва паныд. Василий Кузьмич вöлі брезент плаща, капюшонсö лэдзöма синкымьясöдзыс. Сійö пукаліс руль дорын да веськöдліс пыжнас. Моторист Федя туй чöжыс кывзысис мотор цилиндрьяслön уджалан шыö — моторыс выль, первойысь на петіс кузь туйö. Сы мышкын вуг-

раліс-узис райисполкомса председатель: сійö садьмыліс сөмын куритчыны да юавны, кымын километр мунісны. Техник-связист, еджыд юрсиа чөв олысь зон, пукаліс пыж нырас да гөгөрбок сюся видзөдіс: тыдалө, интереснө сылы вөлі.

Печораын ытваыс ыджыд.

Кажитчө вөлі, мый пыжыс кывтө оз ю кузя, а ваөн тырөм паськыд да чукульөсь прөсекөд. Берегьясыс эз вөвны — ни шуйгавылас ни веськыдвылас, вөрыс быттьөкө быдмис ваас. Веж корьяс асланыс лапьяснас лапкөдісны гыясылы. Визулыслы пөперег куйлісны пөрөм пуяс, и ваыс вабергачын моз гартчис на дорын. Гудыр юыс вөлі визув, ён, вильыш, быттьөкө радліс тулыслы да йи улысь петөмыслы.

Узисны вөрын. Бипурсө өзтісны пу дорө домалөм пыжсянныс воськов дас сайө. Вой шөр кадө ставөн садьмисны: туөм ваыс дзижөдіс-нюліс бисө, а пыжыс ставнас бовьяліс нин ваас. Ваыс век на туис.

Но вөлі югдө нин, асья кыаыс дзирдаліс пу йывьяс йылын. Пу увьясө кутчысьөмөн найө мунісны пыж дорөдз. Жургыны мөдіс мотор. Асья ыркыд төлыс швучкис чужөманыс, и резсьысь көдзыд ва войгьясыс пальөдісны дзикөдз. Минут кызь мысти моторнөй пыж крута кежис: ва прөсекуыс вожаліс — Веква.

Райисполкомса председатель ещө на удитіс куритны «Беломор» пачка джын, кор вөрыс помассис да тыдовтчисны пу керкаяс — Аким сикт.

Буракö, моторлөн жургöмыс ылісянь кыліс, сы вöсна мый пыжсö встретитны петöма колхозыс ставнас — и тошка старикьяс, и кагаа мамьяс и мукöд. Василий Кузьмич ылісянь на казяліс Серафим Девятковöс — «Гöрд партизан» колхозса председательöс. Колхозса председатель, кыдзи и век, вöлі гимнастёркаа, тыртöм соссö вöлі суйöма вöнь саяс. Ичöтик тушаа, кызіник, сійö котраліс берегöд: сэтшöм нин сійö вöлі морт, мый öти здук эз вермы прöстö сулыштны либö пукыштны öти местаын; йöзыс шуöны, мый сійö сэтшöм лоöма война бöрын кантузитчöмысь. А, гашкö, сэтшöм характерыс!

— Чолöм-здорово тiянлы! — горöдіс сійö, кöть и пыжыс эз на дзыкöдз матыстчы берег дорас. — Буретш ас кадö воинныд: ещö лун вит — и Векваöд кутасны курöгьяс уявны.

Кор Василий Кузьмич здоровайтчис сукöд, сы синьяс серти казяліс, мый председатель кöть рад найö воöмлы, но эз шензья: буракö, виччысьöма.

— Чолöм, Серафим Андреевич! Важөн нин тэнö эг аддзыв. Кыдзи тані оланнуд?

— Да öд и ме тiянöс дыркодь нин эг аддзыв, — сы моз жö гажаа вочавидзис Девятков. — Олам, лун да вой коллям, да ещö и кöдзны лöсьöдчам. Сöмын кöдзнысö кыдзи, ог тöд. Кольöм во серти плансö ми кык пöв содтiм, а йöзыс оз тырмы...

«Ок, мудер тэ морт!» — думыштіс райкомса секретарь. Сійö бура гөгөрвоис, кытчö сійö председатель, но нинöм эз шу. Тöдіс, мый та йылысь сёрниыс лоö водзын на.

— Мыйла тiянкөд связь абу? Недель чөж йитчыны от вермөй.

— Збыль?— Девятков көрлiс синкымьяс-сө.— А өд и ме казялi: мукөд дырйиыс луннас вөли дас витысь звөнитасны — и райком, и райисполком, и райздрав, ставөн сводка корёны, сведениеяс, лыдпасьяс... А öнi недель чөж некод эз звөнитлы... Весиг удитан муяс вылө ветлыны.

Василий Кузьмич видзөдлiс гөгөрбок, синьяснас корсис связистөс:

— Прөверитөй телефон, ковмас отсөг — чукөстөй мотористөс.

Микушев мунө нин вөли сиктө, мунигмозыс сийө сёрнитiс колхозникьяскөд.

Василий Кузьмич да колхозса председатель мунисны кузнечаө, көнi сьökыд мөлөтъясөн камгис-дорччис территориальной парторганизацияса секретарь Трофим Девятков.

Сэссия куимөн найө мунисны муяс вылө, сэтысянь МТФ-ө, сэссия конюшняө, нянь амбарө...

Сөмын нин рытнас сөрөн найө куимнанныс пуксисны Серафим Девятковьяс ордын пызан сайө. Ыджыд тасьтiын руалiс сук шыд. Карасин лампалөн би югөрьясыс ворсiсны сёйысьяслөн чужөмьяс вылын.

— Ставыс бур, Серафим Андреевич, — дженьыда висьталiс райкомса секретарь сы йылысь, мый сийө аддзылiс.— Овмөсыд кыптө. Молодеч!

— Вернө, кыптө! — эз шөйөвош ошкөмсьыс колхозса председатель. Сылы быттьökө кодкө кучкис, и сийө тэрыба ырскөбтiс-чеччис улөс вывсьыс. Картуз улас лунтырөн гынмөм

юрсиыс сувтіс, синъясыс мөдісны бара югъявны.— А кымын кыптан, сымын сьӧкыджык, сымын унджык ки колӧ. А кытысь найӧс босьтан? Унджык уджалысьыс миян — нывбабаяс. А мужикъясыс кӧнӧсь?

— Война вӧлі, Серафим Андреевич...

— Кывлі та йылысь,— скӧрысь торкис председатель да лэптышти китӧм пельпомсӧ.— Да абу сын делӧыс: аски кӧ миян вылӧ уськӧдчас враг — мужикъяс унджыкӧн на сувтасны нелямын ӧтиӧд во серти!.. А миян колхозын мужикъясыс этшаӧнӧсь абу сы вӧсна... Вот, вай лыдды, Василий Кузьмич! Девятков Иван Васильевич — сельпоын вuzасьӧ квайтӧд во. Мӧд — Девятков Иван — нелямын верст сайын, сельсӧветын секретаралӧ. Найӧ ӧмӧй кыкнанныс грамотнӧйӧсджык миян нывбабаясысь? Ӧдвакӧ. Водзӧ — Сергей Петрович Собянин уджалӧ заповедникын наблюдательӧн, Илья Григорьевич — лесничествоын ӧбъездчик. А ӧні босьтам найӧс, кодъяс районын бумагаяс вурлӧны... Девятков Феодосий — госстрахын инспектор, ӧти, Роман Данилович Девятков — рыбзаводын бухгалтер, мӧд, Собянин Иван, висътавысӧ яндзим,— пристаньын кассир — коймӧд...

Кор лыддьӧдліс йӧзсӧ, Серафим Андреевичлӧн, кызди став ки пӧла йӧзлӧн, сьӧкыд да вына кулакыс зутшкысыліс пызан дорышас.

— А ӧд найӧ ставыс миян йӧз, колхозникъяс. Да и тані на, Акимын, сюрас гоз-мӧд морт, кодъяс дышсӧ пӧжӧны, а асланыс зептаныс партбилетъяс...

Лампаас чеччалысь би вылӧ видзӧдігмоз Василий Кузьмич кывзіс. Ставсӧ тайӧс сійӧ

төдiс нин Серафим Девятков письмөысь, кодос пöлучитлис төвнас... Чөртыс төдө, мыйла сийö эз разберитчы сэки письмөнас, мыйла эз воы сэки колхозас?

— Партия ыстö сиктъясö медбур йöзсö, төлка да крепыд йöзöс,— дзуртысь джодж кузяыс öтарö-мөдарö ветлөдлiгтыр скöрысь-кодь водзö сёрнитiс Серафим Андреевич.— Миян колхозö воасны заводъясысь директоръяс, обкомын уджалысыяс, а ми... а ми ассыным жö йöзсö, колхозникъясöс, разнöй канцеляриясö лэдзалiм, вошталiм код төдас кытчö!

— А öд эмöсь и сэтшöм йöз,— аслас кыз гөлөсөн торкис председательöс Трофим Девятков,— и абу этшаөнöсь, мый асьныс бөр вöзйысьöны колхозö — а наö кутчысьöмаöсь, местасыс он вөрзьöд. Босьтам, Феодосий Девятковöс, госстрахын уджалö, танi висьталiсны нин. Сийö ыстiс заявление, семьясö Акимö нин вуджөдiс, а сийöс мөд во нин вежны оз вермыны. Серавны эськö — да миянлы абу серамөдз, öз пет серамыд. Миян план — миллионерөн лоны! Миянлы йöз колöны!

Сийö ланьтiс, и керкаын лои шы ни төв. Сöмын трачкөдчис лампаын фитильыс да тэрыба лолалiс Серафим Андреевич Девятков — не то прöстудитчöмысь, не то важ ранитчöм-сыыс.

Василий Кузьмич вештiс синъяссö лампа вылысь, сэсся прöстö, быттьökö гөгөрвоөдiс, мый вензыны нинöмла, шуис:

— Аски чукөртöй партийнöй собрание. А дас лун мысти — локтöй пленум вылö. Ставсö вöчам.

Акимысь мунісны коймөд суткинас.

Пыжас пукалігөн нин Василий Кузьмич вензыны кутіс Девятковкөд ытшкан видзяс правильнөя используйтөм йылысь, и Микушевлы киас сюялісны кутшөмкө бумагаяс, кодъясөс колө вөлі видлавны районуын.

— Волөй частөджык,— берегсянь горзіс Серафим Андреевич, и Василий Кузьмич бара думыштіс, мый Девятков гөлөсын и синъясын эм кутшөмкө аслыспөлөс мудерлун, кодөс сійө сідзи и эз вермы төдмавны.

— «Мудер! Но бур уджалысь. Босьтны эськө сійөс районө, но өд колхозникъясыс оз сетны. И правильнө вөчасны».

Ва нылыдыс пыжыс кывтіс өдйө. Час джын мысти нин петісны Печораө. Ваыс ямис, прөстө син водзад чиніс, коліс асьыс следсө сөй берегас. Ваыс сөдзис, югдіс, и веркөсас төдчис нин небесаыс, и сөмын вабергачьяс тшыкөдісны сійөс.

«Бур, мый удітім ыджыд ванас кайлыны Акимөдз,— аслас бөрья куим лун чөжся удж йылысь казтылігмоз думайтіс Василий Кузьмич.

— Пөлезнөй командировка артмис,— шуис Микушев, сійө быттьөкө төдіс, мый йылысь думайтіс Василий Кузьмич.— Дас кымын жалөба видлалі сәні. Кызди решениеяс пөртсьөны олөмө — прөвериті. Уна челядя мамъяслы медальяс сеталі... Ещө мый? Да, избачитальняын лекция лыдди.

Федя-моторист надзмөдыштіс пыжсө, восьтыліс багажниксө маслөөссьөм телогрейка

увсыс да нюмъялігтыр перйис кымынкö сьод
утка.

— Öти лунся кыйдöс. Ок, мыйта сәні важ
Вукваас!

Сәки тшöтш шыасис техник-связист, кодi
өнöдз пыр чöв оліс:

— Артмö, мый ме сöмын öтнам прöстö
ветлі.

— Кызди прöстö? А телефоныс?— чуймö-
мөн юалис Василий Кузьмич.

— Телефон? Телефоныс налөн лючки-лад-
нö... Шуöны, дözмим пö став делöяссö ре-
шайтны телефон пыр. Окота аддзöдчывны
районса руководительскöд. Вот и босьтöма-
öсь да перйöмаöсь штепсельсö.

— Кызди сійö босьтöмаöсь да перйöма-
öсь?— Микушев весиг сувтыштліс скамья
вывсыс.— Тайö ещö мый сэтшöмыс?

Василий Кузьмич первойсö көрліс син-
кымъяссö, а сәсся друг гораа мöдiс серавны.

Сералис сійö дыр, семдытöдзис; сылөн се-
рам шы вылö, кодi разалис-тövзис ю кузяыс,
медводз вочавидзисны берегъясыс, сәсся сод-
тiсны сука сулалысь сус пуюслөн йывъясыс —
и со сійö гажа серамыс, пыр вочасөн горам-
миг, öнi юргис нин пыдi пармаын, тövзис век
водзö, сэтчö, көнi муыс кельылöз гöраясөн
торйöдчöма енэжсыс.

Татшöм йөлöгаыс Печора вылын!

1956 во.

ОГЛАВЛЕНИЕ

Аслад — сөмын сьёлöмьд. <i>Документальной повесть</i>	5
---	---

Висьтьяс

Льöм пу розьяс	67
Виччысигöн	84
Нэмъяс, нэмъяс	100
„Аким оз шыась“	120

Александр Евсеевич Рекемчук

СВОЕ — ЛИШЬ СЕРДЦЕ

Повести и рассказы

на коми языке

Перевод *Степана Семеновича Раевского*

Оформление *М. П. Безносова*

Редактор *С. Морозов*
Корректор *В. Потолицына*

Техн. редактор *И. Цивунин*

Сдано в набор 18|VIII-1962 г. Подписано к печати 18|IX-1962 г.
Формат 70×92¹/₃₂ 2,125 бум. лист. 4,97 печ. лист. (Уч.-изд. л.4,39)
Тираж 1000 экз. Заказ № 3190. Ц01712. Коми книжное
издательство. Дом печати. Цена 28 коп.

г. Сыктывкар, Республиканская типография Полиграфиздата
Министерства культуры Коми АССР

1961 да 1962 воясын Коми книжнӧй
издательство лэдзис коми кыв вылын
роч да коми писательяслысь татшӧм
книгаяс

Савин В. *Бӧрйӧм гижӧдзяс*. 656 стр.,
доныс 1 ш. 20 кӧп.

Юхнин В. *Висьтзяс да очеркзяс*.
126 стр., доныс 20 кӧп.

Рочев Я. *Чужан муӧй менам*.
Очеркзяс. 64 стр., доныс 9 кӧп.

Пунегов П. *Выль тӧдсаяс*. Висьтъ-
яс. 68 стр., доныс 12 кӧп.

Огнев Л. *Татчӧ быдмасны дзоридзь-
яс*. Повесть. 64 стр., доныс 8 кӧп.

Безносиков В. *Дружба йылысь
висьтзяс*. 54 стр., доныс 6 кӧп.

Палкин Б. *Батьлӧн му*. Кывбуръ-
яс. 64 стр., доныс 9 кӧп.

Тентюков Б. *Найö эз сувтны пи-
дзöс вылö.* Документальной повесть.
56 стр., доныс 3 көп.

Банькин В. *Чапаев йылысь висьтъ-
яс.* 64 стр., доныс 9 көп.

Мошковский А. *Вежгыяс.* Висьтъ-
яс. 116 стр., доныс 25 көп.

Авдеенко А. *Карпатской бипур
дорын.* Висьтъяс. 70 стр., доныс 12 көп.

Гончаренко М. *Овтöм дi вылын.*
Повесть. 44 стр., доныс 7 көп.

Зингер М. *Пöрысь полярниклөн
висьтъяс.* 40 стр., доныс 5 көп.

Баруздин С. *Светлана-пионерка.*
Повесть. 44 стр., доныс 4 көп.

*Тайö книгаяссö позьö ньöбны книго-
торглөн да потребкооперациялөн мага-
зингясысь либö судзöдны Сыктывкарса
центральной книжной магазинысь
«книга-почтой» отдел пыр.*

